






ԶԱՌԱԾԻՒՆ





Am 146



ԽԴ

ՏԱՐԻ




ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՅ
Ս. ԷԶՄԻԱԾՆԻ

ԿԻՂԻՆ

1987



ՀՐԱՄԱՆԱԻ

Տ. Տ. ՎԱՋԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱՋՆԱԳՈՑՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ



ԱՄԵՆԱՅՆ ՀԱՅՈՑ ԿԱԹՈՂԻԿՈՍ Տ. Տ. ՎԱԶԳԷՆ Ա.
ՀԱՅՐԱՊԵՏԻ ԶԱՏԱԿԱՆ ՔԱՐՈՁԸ՝ ԱՐՏԱՍԱՆՈՒԱԾ
ՍՈՒՐԲ ԷԶՄԻԱԾՆԻ ՄԱՅՐ ՏԱՃԱՐՈՒՄ
(19 ապրիլ 1987 թ.)

«ՔՐԻՍՏՈՍ ՅԱՐԵԱՒ Ի ՄԵՌԵՆՈՑ»:

Սիրեցեալ ժողովուրդ Մեր որ ի Հայաստան և որ ի սփիւռս աշխարհի:
Գոհութիւն Աստուծոյ ամենակալին, որ մահ այս տարի, այս գարնան
առաւօտեան, Սուրբ Լուսաւորչի Գահից քերում եմ ձեզ մեծ անտիսը մեր
Փրկչի՝ Քրիստոսի Յարութեան:

Քրիստոս, Որդին Աստուծոյ, իջաւ երկիր, ծնունդ կատարեալապէս որ-
պէս մարդ, քերեց աշխարհին խօսքը տիեզերքի Արարչի ու բացեց լոյս
ճանապարհը մարդու փրկութեան՝ մեղքի և մահուան խաւարից: Հազիւ
երեք տարի տևեց նրա հրապարակային հրաշագործ կեանքը: Մարդիկ,
նոյնիսկ իրայինները չհասկացան նրան: Նրա անսահման սիրոյն պատաս-
խանցին ատելութեամբ, նրա արդար խօսքին պատասխանեցին զրպար-
տանքով, նրա անհուն ներողամտութեանը պատասխանեցին հալածանքով
ու նրան մահուան մատնեցին խաչափայտի վրայ: Յիսուս մեռաւ ողջ մարդ-
կութեան մեղքերի համար:

Սակայն, ով հրաշք անմահալի, նրա գերեզմանը դատարկ մնաց:
Հրեշտակը, Իղաբեր կանանց անտեղ. «Մի երկնչիք, զՅիսուս խնդրէք,
զՆազովրեցի խաչեցեալն. յարեաւ՝ չէ աստ» (Մարկոս ԺԶ 6):

Յիսուս մահացել էր իբրև մարդ և յարությամբ առել իբրև Աստուած: Պողոս առաքեալը բացայայտում է. «Այժմ Քրիստոս յարեալ մեռելներից, դառնալով սկզբնաւորումը ննջեցեալների յարութեան, որովհետև մարդով եղաւ մահը և մարդով մեռելների յարութիւնը» (Ա. Կորնթ. ԺԵ 20—22):

Սիրելի հաւատացեալներ, Սուրբ Զատիկի տօնախմբումը մեզանից ամեն մէկին ընծայում է անմահ պահը ներհայեցողութեան ու խորհրդածութեան, մեր ապրած կեանքի իմաստի ու նպատակի մասին, պահ՝ երբ մխիթարում ենք քրիստոնէական մեծ ճշմարտութիւնների լոյսով՝ մեղքերի կապանքներից ազատագրուելու, մահից յետոյ գոյատևելու և յաիտենական կեանք ժառանգելու հաւատքով:

Ինչպէս հողի մէջ նետուած ցորենի հատիկը պտտող է տալիս, այնպէս էլ գերեզման իջած Քրիստոս վերստին կեանք է զգենում, դառնալով սկզբնաւորումը ննջեցեալների վերածննդեան: Քրիստոնէական մեծ յոյսն է այս, որ մշտապէս ծաղկում է մեր հոգիներում: Լսենք Ս. Յովհաննէս Ոսկեբերանին՝ «Բոլորդ քաղցրացէք յարութեան խնջոյքից, բոլորդ արթէք յարութեան բաժակից: Ոչ ոք թող չտխարի, ոչ ոք թող չողբայ իր մեղքերի համար, վստահ թողութիւնը ճառագայթեց գերեզմանից: Ոչ ոք թող չվախենայ մահից, զի Փրկչի մահը մեզ ազատագրեց»:

Քրիստոսի Յարութեան խորհուրդը, կեանքում և պատմութեան տարածքում, ծնունդ է տալիս ոգեկան ստեղծարար մղումների՝ ի ծաղկումն կեանքի մշտանորոգ ուժերի, յազատագրումն մարդու՝ մեղքի ճիրաններից և ի յաղթութիւն ճշմարտի ու բարոյ պատուիրանների: Այսպէս է, որ Սուրբ Զատիկը դառնում է տօնախմբումը մարդասիրութեան՝ ընդդէմ ատելութեան, համերաշխութեան՝ ընդդէմ թշնամութեանց, խաղաղութեան՝ ընդդէմ խռովութեանց, արդարութեան՝ ընդդէմ բռնութեանց:

Մեզ, հայ քրիստոնէաներիս համար, ինչպիսի՝ հոգեկան ցնծութիւն է՝ լսել ամեն սուրբ պատարագի ընթացքում յաղթական անտիպը Սուրբ Յարութեան՝

«Քրիստոս ի մէջ մեր յայտնեցաւ,
Խաղաղութեան ձայն հնչեցաւ,
Թշնամութիւնն հեռացաւ,
Սէրն յընդհանուրըս սփռեցաւ»:

Այո՛, մեզ համար, բոլորիս համար, Քրիստոսի հրաշալի Յարութիւնը գերագոյն գրաւականն է խաղաղութեան սրբազան գաղափարի յաղթանակի, ազգամիջեան թշնամութեանց վերացման և սիրոյ սփռումի համայն մարդկութեան վրայ:

Մահաւանդ մեր օրերին, թող էլ անելի հզօր ու յաղթական հնչի ձայնը խաղաղութեան, որպէսզի հեռանան ու վերանան թշնամութիւնները մարդկային կեանքի բոլոր սահմաններից, որպէսզի սէրն ու համերաշխութիւնը սփռուեն աշխարհով մէկ հորիզոնից հորիզոն:


Սիրելի հաւատացեալներ, այս է եղել մշտական աղօթքը մեր Մայր Եկեղեցու դարեր շարունակ, որովհետև դարեր ու դարեր, մեր ազգի գաւակները իրենց հայրենի հողի վրայ իսկ տեսապէս տառապել են ու յաճախ նահատակուել արիւնաբոյ արշաւողների ու բռնակալների լծի ներքոյ, միշտ երագելով թէ ե՛րբ պիտի ծագի արեգակը խաղաղութեան և արդարութեան:


Ու եթէ ես, առաջին սպասաւորը Հայ Եկեղեցու, ամէն առիթներով իմ ձայնը բարձրացնում եմ յանուն ազգութիւնների խաղաղ գոյակցութեան, յանուն ատոմական զենքերի արգելման, յանուն ընդհանուր զինաթափման, իմ ծանր մտահոգութիւնն է նաև՝ մեր վերածնունդ Մայր Հայրենիքի ճակատագիրը, Սարդարապատի հերոսական յաղթութիւնից յետոյ մեռելներից յարութիւն առած մեր ժողովրդի ճակատագիրը, որի արդար ու խաղաղ կեանքի առաւօտը բացուեց, մեր ազգային պետութեան հիմնադրումով սովետական ազգութիւնների մեծ ընտանիքում: Այդպէս է որ՝ անցեալում բազում տառապանքներ ու հարստահարութիւններ կրած և 1915-ի ցեղասպանութիւնն ապրած մեր ժողովրդի համար, վերջապէս հնչեց ձայնը խաղաղութեան, հետագան թշնամութիւնները մեր սահմաններից, և մեր զաւակները սիրով միաբանած, տխուր անցեալի աներակների վրայ հերոսական ճիգերով կերտեցին մեր հայրենիք, մեր երգերով, մեր խօսքով: Իրականացաւ մարգարէութիւնը մեծ բանաստեղծի՝ «Ու երբ պիտի գայ հանութիւն արշալոյսը վառ հագած, հագար հագար լուսապայծառ հոգիներով ճառագած»:

Այսօր, Սուրբ Զատիկի օրով, երբ փառաբանում ենք Սուրբ Յարութիւնը մեր Փրկչի՝ Յիսուսի Քրիստոսի և միշտ յաղթող գաղափարը խաղաղութեան ու արդարութեան, եկեք փառաբանենք նաև վերածնունդը և ծաղկումը մեր Մայր Հայրենիքի, վերածնունդն ու ծաղկումը մեր անմահ ժողովրդի որ ի Հայաստան և որ ի սփիւռս աշխարհի:

«Ծնորհք, սէր և խաղաղութիւն Տեառն մերոյ Յիսուս Քրիստոսի, եղիցին ընդ ձեզ այժմ և յաիտեանս»: ամէն:

«ՕՐՀՆԵԱԼ Է ՅԱՐՈՒԹԻՒՆՆ ԶՐԻՍՏՈՄԻ»:





ՓՐԿԶԻ ՀՐԱՇԱՓԱՌ ՍՈՒՐԲ ՀԱՐՈՒԹՅԱՆ ՏՈՆԻ ԱՌԹԻՎ
ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ ՊԱՏՐԻԱՐԷ ԵՎ
ԿԱԹՈՂԻԿՈՍ, ՆՈՐԻՆ ՍՈՒՐԲ ՕԾՈՒԹՅՈՒՆ Տ. Տ. ՎԱԶԳԵՆ Ա.
ՀԱՅՐԱՊԵՏԻ ԵՎ ԲՈՒՅՐ ԵԿԵՂԵՑԻՆԵՐԻ ՀՈԳԵՎՈՐ
ՊԵՏԵՐԻ ՄԻՋԵՎ ՓՈԽԱՆԱԿՎԱԾ ՈՂԶՈՒՅՆԻ ՀԵՌԱԳՐԵՐՆ
ՈՒ ԳՐՈՒԹՅՈՒՆՆԵՐԸ

Հոռմեական Կաթողիկ Եկեղեցու Քահանայապետ, Նորին Սրբություն
ՀՈՎՀԱՆՆԵՍ-ՊՈՂՈՍ Բ ՊԱՊԻՆ (Հոռմ),
Կոստանդնուպոլսի Հոռաց Տիեզերական Պատրիարք, Նորին Սրբություն
ԴԵՄԵՏՐԻՈՍԻՆ (Ստամբուլ),
Մոսկվայի և հոռացն Ռուսաստանի Պատրիարք, Նորին Սրբություն
ՊԻՄԵՆԻՆ (Մոսկվա),
Երուսաղեմի Ուղղափառ Եկեղեցու Պատրիարք, Նորին Սրբություն
ԴԻՈԴՈՐՈՍԻՆ (Երուսաղեմ),
Ղպտի Ուղղափառ Պատրիարք, Նորին Սրբություն
ԱՄԲԱ ՇԸՆՈՒԴԱ Գ-ԻՆ (Կահիրե),
Հոռացն Եթովպիայի Պատրիարք, Նորին Սրբություն
ԱԲԲԱ ԹԵՔԼԵ ՀԱՅՄԱՆՈԹԻՆ (Ադիս Աբեբա),
Հնդկաստանի և Արևելքի Մալաբար Եկեղեցու կաթողիկոս, Նորին Սրբու-
թյուն ԲԱՍԻԼԻՈՍ ՄԱՐ ԹՈՄԱ ՄԱՏԹԵՈՍ Ա-ԻՆ (Բոթալամ),
Հոռացն Վրաց Պատրիարք-կաթողիկոս, Նորին Սրբություն
ԻԼԻԱ Բ-ԻՆ (Թբիլիսի),
Ռումին Օրթոդոքս Եկեղեցու Պատրիարք, Նորին Սրբություն
ԹԵՈԿՏԻՍՏԻՆ (Բուխարեստ),
Բուլղար Օրթոդոքս Եկեղեցու Պատրիարք, Նորին Սրբություն
ՄԱՔՍԻՄԻՆ (Սոֆիա),
Անտիոքի Ասորի Ուղղափառ Եկեղեցու Պատրիարք, Նորին Սրբություն
ԻԳՆԱՏԻՈՍ ԶԱՔԶԱ Ա ԻՎԱՍԻՆ (Դամասկոս),

Անտիոքի և համայն Արևելքի Հույն Կաթոլիկ եկեղեցու Պատրիարք, Նորին
Սրբություն ՄԱՔՍԻՄՈՍ Ե ՀԱՔԻՄԻՆ (Դամասկոս),
Անտիոքի Ասորի Կաթոլիկ եկեղեցու Պատրիարք, Նորին Սրբություն
ԻԳՆԱՏԻՈՍ ԱՆՏՈՒԱՆ ՀԱՅԵՔ Բ-ԻՆ (Բեյրութ),
Անտիոքի և համայն Արևելքի Հույն Օրթոդոքս եկեղեցու Պատրիարք, Նո-
րին Սրբություն ԻԳՆԱՏԻՈՍ Դ-ԻՆ (Դամասկոս),
Քենթրբերիի Արքեպիսկոպոս, համայն Անգլիայի եպիսկոպոսապետ և միտ-
րոպոլիտ, Նորին Գերաշնորհություն ՌՈԲԵՐՏ ՌԸՆՍԻՆ (Լոնդոն),
Աթենքի և համայն Հելլադայի Արքեպիսկոպոս, Նորին Գերաշնորհություն
ՍԵՐԱՖԻՄԻՆ (Աթենք),
Սերբիայի և համայն Հարավսլավիայի Պատրիարք, Նորին Սրբություն
ԳԵՐՄԱՆԻՆ (Բելգրադ),
Վարշավայի և համայն Լեհաստանի միտրոպոլիտ, Նորին Գերաշնորհու-
թյուն ՎԱՍԻԼԻՆ (Վարշավա),
Պրագայի և համայն Չեխոսլովակիայի միտրոպոլիտ, Նորին Գերաշնորհու-
թյուն ԴՈՐՈՅԵՅԻՆ (Պրագա),
Կիարոսի Արքեպիսկոպոս, Նորին Գերաշնորհություն
ԽՐԻՍՈՍՏՈՍՏԻՆ (Նիկոզիա),
Անտիոքի Մարոնիտ Պատրիարք, Նորին Ամենապատվություն
ՄԱՐ ՆԱՍՐԱԼԼԱ ԲՈՒՏՐՈՍ ՍՖԵՅՐԻՆ (Կերկե),
Նորին Ամենապատվություն կարդինալ
ՌՈԺԵ ԷՉԵԳԱՐԱՅԻՆ (Վատիկան),
Վիեննայի Արքեպիսկոպոս, Նորին Ամենապատվություն
Դոկտ. ՀԵՐՄԱՆ ԳՐՈՆԵՐԻՆ (Վիեննա),
Քրիստոնեական Միության Քարտուղարության նախագահ, Նորին Ամենա-
պատվություն կարդինալ Ժ. Գ. Մ. ՎԻԼԼԵԲՐԱՆԴՍԻՆ (Վատիկան),
Փարիզի Արքեպիսկոպոս, Նորին Ամենապատվություն
ԺԱՆ ՄԱՐԻ ԼՅՈՒՍՏԻԺԵՆ (Փարիզ),
Լիոնի Արքեպիսկոպոս, Նորին Ամենապատվություն կարդինալ
ԱԼԲԵՐ ԳԵԿՈՒՐՏՐԵՆ (Լիոն),
Լատվիական ՍՍՀ Ավետարանական-Լութերական եկեղեցու Արքեպիսկո-
պոս, Նորին Գերազանցություն ԷՐԻԿ ՄԵՍՏԵՐՍԻՆ (Ռիգա),
Էստոնական ՍՍՀ Ավետարանական-Լութերական եկեղեցու Արքեպիսկո-
պոս, Նորին Գերազանցություն ԷԴԳԱՐ ՀԱՐՔԻՆ (Տալլին),
Ֆրանչիսկյան միաբանության կուստոդ
ԻԳՆԱՏԻՈՍ ՄԱՆՉԻՆԻՆ (Երուսաղեմ),
Խաղաղության Քրիստոնեական Կոնֆերանսի նախագահ, Նորին Սրբազ-
նություն ԿԱՐՈԼԻ ՏՈԹԻՆ (Պրագա),
Եկեղեցիների Համաշխարհային Խորհրդի գլխավոր քարտուղար
դոկտ. ԷՄԻԼԻՈ ԿԱՍՏՐՈՅԻՆ (Ժնև),
Մխիթարյան միաբանության մեծավոր Հայր
ՆԵՐՍԵՍ ՏԵՐ-ՆԵՐՍԵՍՅԱՆԻՆ (Վենետիկ),
Մխիթարյան ուխտի արքանայր, Գերապայծառ Հայր
ԳՐԻԳՈՐԻՍ վարդապետ ՄԱՆՅԱՆԻՆ (Վիեննա),

«ՔՐԻՍՏՈՍ ՅԱՐԵԱՒ Ի ՄԵՌԵԼՈՅ»:

Այս օրերին մխիթարվում են մեր սրտերը, որ մեր Փրկչի՝ Հիսուս Քրիստոսի Սուրբ Հարության ավետիսով մարդկային աշխարհի վրա վերստին իջնում է «առավոտը լուսո» և պայծառանում բոլորիս հոգիներում հույսը՝ մեր կյանքի վերանորոգման, հույսը՝ մեղքի և չարիքի խափանման, հույսը՝ բարու հաղթության, հույսը՝ մեր սրտերի խաղաղության:

Ձատկական շնորհաբաշխ այս օրերին Մեր աղոթքն է ման, որ Տիրոջ սիրո և խաղաղության ոգին առատորեն իջնի համայն աշխարհի վրա, որ պեսզի ժողովուրդներն ու պետությանց պատասխանատու ղեկավարները գտնեն ճանապարհները կառուցելու մի աշխարհ առանց պատերազմների, առանց սրի և հրի:

Ձերդ Սրբություն, թույլ տվեք, որ հույսի և լույսի այս առավոտյան, Սուրբ Էջմիածնից բերենք Ձեզ՝ Մեր եղբայրական սերն ու հարգալից ողջույնը, մաղթելով Ձեզ տևական քաջառողջություն և երկնային օգնականություն, հաջողությամբ պսակելու համար Ձեր բոլոր աստվածահաճո հոգեշեն իրագործումները:

Եղբայրական սիրով ի Քրիստոս՝

ՎԱԶԳԵՆ Ա


ԾԱՅՐԱԳՈՒՅՆ ՊԱՏՐԻԱՐԺ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ա. Էջմիածին

*
* *

Ի պատասխան Ամենայն Հայոց Վեհափառ Հայրապետի՝ Փրկչի հրաշափառ Սուրբ Հարության շնորհավորական գրությունների, ստացվել են բույր եկեղեցիների կրոնական պետերի և կրոնական այլ համայնքների ու կազմակերպությունների ղեկավարների կողմից այդ առթիվ ուղարկված ջերմագին շնորհավորական հեռագրեր ու գրություններ, որոնցում մի անգամ ևս պայծառորեն արտահայտվում է քրիստոնեական սիրո, եղբայրության ու համագործակցության ոգին բույր եկեղեցիների ու կրոնական այլ համայնքների ու կազմակերպությունների միջև:

Հանում Հայոց Հայրապետի ջերմ շնորհակալություն ենք հայտնում ստացված պատասխան շնորհավորականների համար:



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ
ՇՆՈՐՀԱՎՈՐԱԿԱՆ ԳԻՐԸ ՓՐԿԶԻ ՀՐԱՇԱՓԱՌ ՍՈՒՐԲ
ՀԱՐՈՒԹՅԱՆ ՏՈՆԻ ԱՌԹԻՎ՝ ՈՒՂՂՎԱԾ ՀԱՅԱՍՏԱՆՅԱՅՑ
ԵԿԵՂԵՑՈՒ ՆՎԻՐԱՊԵՏԱԿԱՆ ԵՐԵՔ ԱԹՈՌՆԵՐԻՆ,
ԹԵՄԱԿԱԼ ԲՈԼՈՐ ԱՌԱՋՆՈՐԴՆԵՐԻՆ ԵՎ ԵԿԵՂԵՑԱԿԱՆ
ՀԱՄԱՅՆՔՆԵՐԻՆ

«ՔՐԻՍՏՈՍ ՅԱՐԵԱՒ Ի ՄԵՌԵԼՈՅ»:

Ձերդ Ամենապատվություն,

Մեր Փրկչի Սուրբ Հարության ավետիսով բոլորիս վրա վերստին իջնում է «առավոտը լուսո» և պայծառանում հույսը՝ մեր կյանքի վերանորոգման, հույսը՝ մեղքի ու չարիքի խափանման, հույսը՝ բարու հաղթության, հույսը՝ մեր հոգիների խաղաղության:

Ջատկակալ՝ շնորհաբաշխ այս օրերին մեր Մաշր եկեղեցու կամարների ներքո և մեր ժողովրդի կյանքում թող խոտապալես լինի «առավոտ լուսո», թող ճառագայթի մշտապես ոգին համերաշխ եղբայրության, թող բացվի անթառամ ծաղիկը սիրո և խաղաղության:

Ամենայն Հայոց աստվածակառույց Սուրբ Էջմիածնից Ձերդ Ամենապատվության և պատմական Աթոռիդ ուխտապահ սպասավորներին բոհավատացյալ ժողովրդյան՝ ողջուն, սեր և օրհնություն հայրապետական:

«Սրբեցեք ի բաց զհին խմորն՝ զի եղիջիք նոռ զանգոռած, որաես էրդ անխմորք. քանզի զատիկ մեր զենաւ Քրիստոս» (Ա. Կորնթ. Ե 7): Ամեն:

Եղբայրական սիրո ողջունիվ՝

ՎԱԶԳԵՆ Ա.

ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ա. Էջմիածին

*
* *

Փրկչի հրաշափառ Սուրբ Հարության տոնի առթիվ Ամենայն Հայոց Վեհափառ Հայրապետի անունով ստացվեցին ամենաջերմ և հարգալից զգացմունքներով զեղուն բազմաթիվ շնորհավորական հեռագրեր և նամակներ մեր նվիրապետական երեք Աթոռների գահակալներից, արտասահմանի և ներքին բոլոր թեմերի առաջնորդներից, ազգային-եկեղեցական, մշակութային, հայրենակցական, տիկնանց, օրիորդաց և երիտասարդաց զանազան կազմակերպություններից, հայ և օտար պաշտոնական անձնավորություններից:

Հանուն Հայոց Հայրապետի ջերմ շնորհակալություն ենք հայտնում ստացված պատասխան շնորհավորականների համար:



**ՀԱՅՐԱՊԵՏԱԿԱՆ ՈՂՋՈՒՅՆՆԵՐ
ԱՄՆ-Ի ԵՎ ԿԱՆԱԴԱՅԻ ՀՈԳԵՎՈՐԱԿԱՆԱՑ ԵՎ
ՊԱՏԳԱՄԱՎՈՐԱԿԱՆ ԺՈՂՈՎՆԵՐԻՆ**

**ԳԵՐԱԾՆՈՐՀ ԹԵՄԱԿԱԼ ԱՌԱՋՆՈՐԴ Տ. ԹՈՐԳՈՄ ԱՐՔԵՊԻՍԿՈՊՈՍ
ԵՒ ԲԱՐԵՋԱՆ ՀՈԳԵՒՈՐ ՍՊԱՍԱԽՈՐՔ ՀԱՅՈՑ ԱՄԵՐԻԿԱՅԻ
ՄԻԱՑԵՆԱԼ ՆԱՀԱՆԳԱՑ ԱՐԵՒԵԼԵԱՆ ԹԵՄԻ**

Տիրոջ ողորմութեամբ ահա վերստին կը գտնուիք կողք-կողքի, քըն-նարկելու համար վերջին տարուոյ շրջանին ձեր հոգեջէն ու կրթանուէր գործունէութիւնը և գնահատելու իրագործումները, այսպիսով ձեռք բերելու նոր փորձառութիւններ, յառաջիկայ տարիներուն առաւել նպատակաւայաց դարձնելու ձեր աշխատանքը:

Իրապէս ձեր առաջ բացուած կայ գործունէութեան ընդարձակ ասպարէզ, բազում հնարաւորութիւններով, բայց և դժուարութիւններով: Անհրաժեշտ է ունենալ ամուր հաւատք, աշխատանքի անընկճելի եռանդ ու լատեսութեան ոգի, օգտուելու նպաստաւոր հնարաւորութիւններէն և յաղթահարելու համար դժուարութիւնները: «Հոգով եռացէք, Տեառն ծառայեցէք, յուսով խնդացէք, նեղութեան համբերեցէք, աղօթից ստեպ կացէք» (Հռոմ. ԺԲ 12):

Հայ ափիտքի հոգևոր և ազգային կեանքի գոյատևումը մեծ չափով պայմանաւորուած է մեր Եկեղեցւոյ առաքելութեամբ և մեր հոգևոր ու կրթական մշակներու իրագործումներով:

Միշտ արթուն մնացէք ու եռանդով գործեցէք սիրովը Քրիստոսի, տեսիլքովը Իշման Սուրբ Սեղանին և խորհուրդովը յանրաժական Այարատին:

Արդ, Մենք, ձեր Հայրապետը, Սուրբ Էջմիածնէն ճառագայթող Աստուծոյ օրհնութեամբ՝ կը մատչենք, որ հաւատարիմ ձեր սրբազան ոխտին, շարունակէք անսակարկ ձեր աշխատանքը հոգևոր կարգապահութեամբ, սիրով միաբան ձեր սրբազան Առաջնորդի շուրջ:

«Հսկեցէք, հաստատուն կացէք ի հաւատս, ժրացարուք, զօրացարուք: Ամենայն ինչ ձեր սիրով լիցի» (Ա. Կորնթ. ԺԶ 13—14): Ամէն:

ՎԱԶԳԷՆ Ա.

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

ՊԱՏՈՒԱՐԺԱՆ ԹԵՄԱԿԱՆ ՊԱՏԳԱՄԱԿՈՐԱԿԱՆ ԺՈՂՈՎԻՆ
ԱՐԵՒԵԼԵԱՆ ԹԵՄԻՆ ՀԱՅՈՑ ԱՄԵՐԻԿԱՅԻ ՄԻԱՑԵԱԼ ՆԱՀԱՆԳԱՑ

«ԲՐԻՍՏՈՍ ՅԱՐԵԱԻ Ի ՄԵՌԵԼՈՑ»

Այսօր Ձեզ վերստին կ'ողջունենք Փրկչին մեր Յիսուսի Բրիստոսի Յարութեան աւետիսով, որովհետև տակաւին կը գտնուինք անոր կենարար շնորհներուն ներքև: Եւ երանի թէ այդ շնորհները տևապէս ճառագայթէին ձեր բոլորի վրայ, մեր եկեղեցեաց ու հաւատացեալներուն վրայ, որպէսզի առաւել հոգևոր ներշնչանքով, առաւել եկեղեցաշէն եռանդով, առաւել համահայկական տեսիլքներով դուք բոլորդ ձեռք-ձեռքի տուած, համախումբ ձեր սրբազան առաջնորդ Հօր շուրջ, շարունակէք ձեր աշխատանքը հետզհետէ աւելի պտղաւաստ իրագործումներով:

Վստահ ենք որ դուք ամենքդ՝ հոգևորական թէ աշխարհական ներկայացուցիչներ ձեր համայնքներուն, տոգորուած բարի եռանդով, Պատգամաւորական ժողովիդ կը ներկայանաք ճոր սպասումներով, կը բերէք ճոր ծրագիրներ, ճոր առաջադրանքներ շինարար ոգիով պատասխանելու այն հարցերուն, որոնք կը դրուին ձեր առաջ, ձեր եկեղեցիներու առաջ այս օրերուն:

Մենք մխիթարուած արտով կը հետևինք ձեր աշխատանքներու և իրագործումներու լէւացքին և Փրկչի Իջման Ս. Սեղանի առաջ կ'աղոթենք որ Տէրը ձեզ միշտ զօրավիզ մնայ և օգնական: Մխիթարուած ենք նաև այն յոյսով, որ ձեր ճիգերը յաջողութեամբ պիտի պատկուին ի կենսագործումն ձեր երկրի մէջ Հայ Եկեղեցւոյ և համայն հայ հաւատացեալ ժողովուրդի կանոնական և հոգևոր լիակատար միութեան, առանց խաբուսիկ սակարկութեանց, Մայր Աթոռ Սուրբ Էջմիածնի օրհնութեան ներքև, որ յաւիտենական կեդրոնն է մեր քրիստոնէական հաւատքի և մեր առաքելական Մայր Եկեղեցւոյ, մօտ երկու հազար տարիներէ ի վեր, Մայր Հայաստանի սուրբ հողի վրայ, Արարատի փեշերուն, երանելի Սուրբ Գրիգոր Լուսաւորչի աստուածային տեսիլքով: Ձեզի կը մաղթենք ազնիւ համարձակութիւնը՝ սուրբ պահպանելու քրիստոսատես Էջմիածնի խոհուրդը:

Սուրբ Էջմիածնով և միայն Սուրբ Էջմիածնով հմարաւոր կ'ըլլայ վերահաստատել միութիւնը Հայ Առաքելական Եկեղեցւոյ: Տայ բարին Աստուած որ Մեր գահակալութեան մայրամուտին գոնէ կարողանայինք ողջունել վերադարձը մեր բաժանեալ հարազատ զաւակներուն: Այո, վշտով, հոգեկան տառապանքով է որ միշտ Մեզի հարց տուած ենք թէ երկար տարիներէ ի վեր միութեան մասին խօսող անոնց ներկայացուցիչները ինչո՞ւ անգամ մը գոնէ չեն խորհած պաշտօնապէս Մայր Աթոռ այցի գալ Փրկչի Իջման Սեղանի առաջ, միութեան և համերաշխութեան իրենց ուխտը կատարելու համար: Մենք տիւ և գիշեր սիրով ու կարօտով պիտի սպասենք որ բացուի վերջապէս այդ առաւօտը:

Առանց հայրենական Սուրբ Էջմիածնի՝ կը տծգունի պատմական խկութիւնը հայկական քրիստոնէական հաւատքի ու տակաւ կը հանգի ջերմութիւնը Մայր Հայաստանի համահայկական զգացողութեան:

Այս մտորումներով, այս յորդորներով, հարազատներ Մեր, ձեզի կը բերենք Մեր հայրական սիրոյ ողջոյնը և օրհնութիւնը հայրապետական, մաղթելով բոլորիդ գործելու անսպառ ուժ ու եռանդ ի շինութիւն ձեր համայնքներու հոգևոր կեանքի և ի պայծառութիւն ձեր եկեղեցեաց:

«Գիշերն մերժեցաւ և տիւն մերձեցաւ. ի բաց արասցուք այստիկեան զգործսն խաւարի և զգեցցուք զգէնն լուսոյ» (Հոով. ԺԳ 12): «Ապա, այստիկեան զհետ երթիցուք զխաղաղութեան և զշինութեան որ առ միմեանս» (Հոով. ԺԴ 19): Ամէն:

ՎԱԶԳԷՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,
8 ապրիլ 1987 թ.

**ՀՈԳԵՒՈՐԱԿԱՆԱՑ ՀԱՄԱԳՈՒՄԱՐԻՆ
ՄԻԱՑԵԱԼ ՆԱՀԱՆԳԱՑ ԱՐԵՒՄՏԵԱՆ ԹԵՄԻՆ**

Լուս Անճեղքս

Սիրեցեալ Եղբայր Մեր ի Քրիստոս, Գերաշնորհ Տ. Վաչէ արքեպիսկոպոս Յովսէփեան, բարեջան թեմակալ առաջնորդ, և նուիրեալ արժանաշնորհ հոգևոր սպասաւորներ եկեղեցեաց:

Մեծ ուրախութիւն է Մեզի համար հաստատել որ Դուք մէկ սիրտ, մէկ հոգի համերաշխ մթնոլորտի մէջ, Սուրբ Հոգւով լուսաւորուած, մէկտեղուած էք՝ միասին աղօթելու, միասին անդրադառնալու անցնող տարւայ ձեր իրագործումներուն, ձեր մտահոգութիւններուն և ձեր ակնկալութիւններուն, և այդ փորձառութեան լոյսի տակ առաւել գտնայնորած էք շարունակելու ձեր սրբազան առաքելութիւնը ձեր հաւատացեալ ժողովուրդի ծոցին մէջ, որպէսզի առաւել լուսաւորուի անոնց կեանքը սուրբ Աւետարանի լոյսով, որպէսզի առաւել պայծառանայ անոնց ընտանեկան և ընկերային կեանքը քրիստոնէական բարոյական պատուիրաններու կենսագործումով, որպէսզի անոնց կեանքին մէջ առաւել ճառագայթեն մեր մայրենի լեզուն և հայ ազգային մշակոյթի արժէքները:

Ձեզի բոլորիդ կը մաղթենք անսպառ ուժ ու եռանդ, անճկուն կամք և անհատնում լաւատեսութիւն, կեանքի կոչելու համար բոլոր աստուածաբանոյ ու ազգապահպան ձեր առաջադրանքները:

Մայր Աթոռ Սուրբ Էջմիածնէն և Մեր սրտէն բոլորիդ Մեր հայրական սէրն ու գնահատանքը, բոլորիդ Մեր քաջալերանքը և Մեր օրհնութիւնը:

«Եւ արդ, զհանդէս սիրոյ ձերոյ և զմերոյ պարծանացն վասն ձեր ի դոցա ցուցիք յանդիման ամենայն եկեղեցեաց» (Բ Կորնթ. Ը 24): Ամէն:

ՎԱԶԳԷՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,
12 մարտ 1987 թ.

**ՊԱՏԳԱՄԱԻՈՐԱԿԱՆ ԺՈՂՈՎԻՆ
ՄԻԱՑԵՆԱԼ ՆԱՀԱՆԳԱՑ ԱՐԵՒՄՏԵԱՆ ԹԵՄԻՆ**

Լուս Աճճեղլու

Մեր քրիստոնեական լոյս հաւատքի կեդրոն աստուածակառոյց Սուրբ Էջմիածնէն հայրական սիրոյ ողջոյն և օրհնութիւն Ամերիկայի Միացեալ Նահանգաց Արևմտեան Տիրախնամ թեմիդ Պատգամաւորական Ժողովիդ և մասնակցող բոլոր հոգևորական և աշխարհական յարգարժան անդամներոյ:

Վստահ ենք թէ այս պահուն, բոլորդ Սուրբ Հոգւով Աերջնչուած համախմբուած էք ձեր հոգևոր Տեսուչ և առաջնորդ՝ Գերաշնորհ Տ. Վաչէ արքեպիսկոպոսի շուրջ, միասնաբար քննարկելու և գնահատելու անցնող տարւայ թեմիդ եկեղեցական, կրթական և մշակութային գործունէութիւնը և ապա ծրագիրներ մշակելու՝ յառաջիկայ ձեր աշխատանքներուն և իրագործումներուն համար, յառաւել շինութիւն ձեր համայնքներու և հաւատացեալներու կրօնական կեանքի և յառաւել պայծառութեան ձեր եկեղեցիներու:

Մենք, Սուրբ Էջմիածնէն կը հետևինք ձեր հոգեշէն ու ազգանուէր գործունէութեան և հոգեպէս մխիթարուած ենք հաստատելով ձեր յաջողութիւնները, ձեր մուրհեալ եռանդը և ձեր որդիական սէրն ու հաւատարմութիւնը Մայր Աթոռիս և անձամբ Մեր հանդէպ:

Վստահ եղէք թէ հոգով սրտով ձեզի հետ ենք, ձեզի հետ են Մեր աղօթքները, ձեզի հետ են Մեր մտածումներն ու բարի մաղթանքները:

Աստուծային Սուրբ Էջմիածնէն, Փրկչի Իջման Սուրբ Սեղանէն մըշտապէս կը ճառագայթեն Սուրբ Հոգւոյ շնորհները և կը բաշխուին բոլոր Մեր հաւատացեալ զաւակներուն, ուր որ գտնուին անոնք աշխարհի ճամբաներու վրայ:

Հսկեցէք և արթուն կացէք որ այս շնորհները, այդ լոյսը, մշտապէս վառ մնայ այստեղ Սուրբ Էջմիածնի մէջ, սուրբգրական Արարատի ստորոտը, որպէսզի այն մշտապէս բաշխուի ազատ ու անարատ համայն հայութեան որ ի Հայաստան և որ ի սփիւռս աշխարհի:

Ձեզի բոլորիդ վերստին բիր օրհնութիւն և մշտական յաջողութիւններ ձեր սրբազան առաքելութեան ճամբուն վրայ:

«Այսուհետև եղբարք, ողջ լերուք, հաստատուն կացէք՝ մխիթարեցուք, միաբան լերուք, խաղաղութիւն արարէք. և Աստուած խաղաղութեան և սիրոյ եղիցի ընդ ձեզ» (Բ Կորնթ. ԺԲ 11): Ամէն:

ՎԱԶԳԻՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,
12 մարտ 1987 թ.

**ԲԱՐԵՊԱՇՏ ՏԻԿՆԱՆՑ ՀԱՄԱԳՈՒՄԱՐԻՆ
ԱՐԵՒՄՏԵԱՆ ԹԵՄԻՆ ՀԱՅՈՑ ՄԻԱՑԵԱԼ ՆԱՀԱՆԳԱՑ**

Լուս Աճեղըս

Ազնի տիկիներ և օրիորդներ,

Այսօր ուրախ արտով ձեզի կը բերենք Աստուծոյ օրհնութիւնը մեր քրիստոնէական հաւատքի բազմադարեան կեդրոն Սուրբ Էջմիածնէն, բարի մաղթանքով, որ Տէրը Ձեզի զօրացնէ Սուրբ Հոգիով, որպէսզի մաս յատաչիկալ տարիներուն դուք շարունակէք ձեր եկեղեցանուէր աշխատանքը ձեր հոգևոր առաջնորդ Գերաշնորհ Տ. Վաչէ արքեպիսկոպոսի հովանիին ներքև:

Մեր Եկեղեցին աղօթքի Տուն է ու մաս մայր դաստիարակը մեր հաւատացեալ ժողովուրդին: Եկեղեցին է որ սուրբ Աւետարանի լոյսով և շունչով կը հանդիսանայ դաստիարակը մեծ ազգի զաւակներուն, մանաւանդ երիտասարդ սերունդներուն:

Մենք կը խորհինք թէ հոգևոր սպասարներուն կողքին մանաւանդ դուք բարեպաշտ կիներդ կոչուած էք վճռական դեր կատարելու իբրև դաստիարակներ ձեզի յատուկ մայրական սիրով և հոգատարութեամբ, որպէսզի ձեր համայնքի պատանիներն ու երիտասարդները սնուին, աճին ու հասակ նետեն սուրբ Աւետարանի շունչով և քրիստոնէական բարոյականի պատուիրաններով: Մանաւանդ մեր օրերուն քրիստոնէական դաստիարակութիւնը, բարոյական ցկարագրի կազմութիւնը հետզհետէ առաւել անհրաժեշտութիւն կը դառնան, մոր սերունդները հեռու պահելու համար պէս-պէս մոլութիւններէ և անկարգութիւններէ, որոնք յաճախ կը տանին դէպի հոգեկան և մարմնական կործանում:

Մեր պարտքն է և յորդորը որ Եկեղեցւոյ սուրբ հովանիին ներքև մուրհոյք աչք բարոյական դաստիարակութեան գործին անսպառ եռանդով:

Թող հայ ազգի մոր սերունդները ապրեն ու զարգանան առողջ մարմիններով և առողջ հոգիներով ու դառնան բարի զաւակները իրենց ծնողաց, բարի զաւակները մեր Եկեղեցիին:

Հսկեցէք մաս որ անոնք մնան հաւատարիմ ու մուրհեալ զաւակները մեր ազգին, հպարտ ըլլան որ հայ ազգի զաւակներն են, հպարտ ըլլան իրենց մայրենի լեզուով, հպարտ ըլլան հայոց հերոսական պատմութեամբ, հպարտ ըլլան սրբազան լեռ Արարատով ու մեր վերածնած Մայր Հայաստանով:

Օրհնութեամբ՝

ՎԱԶԳԻՆ Ա.

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,
12 մարտ 1987 թ.

ՊԱՏԳԱՄԱԻՈՐԱԿԱՆ ԺՈՂՈՎԻՆ ԹԵՄԻՆ ՀԱՅՈՑ ԳԱՆԱՏԱՅԻ

Թեմական առաջնորդ Գերաշնորհ Տ. Վազգեն եպիսկոպոսին և յարգարժան պատգամատրներուն,

Քրիստոսատես Սուրբ Էջմիածնէն հայրական սիրով կ'ողջունենք տիրախնամ թեմիդ Պատգամատրական ժողովը և կը բերենք բոլորիդ Մեր բարի մաղթանքը որ ձեզի յատուկ հոգևոր եռանդով ու նուիրումով քննարկէք ձեր առաջ դրուած հարցերը, յառաել շինութիւն թեմիդ հաւատացեալ ժողովուրդի կրօնական կեանքի և յառաել պայծառութիւն ձեր աղօթքի Տուններուն:

Այս հանդիսատր առիթով ձեզի ամենուդ կը բերենք Մեր ջերմ գնահատանքը ձեր եկեղեցաշէն իրագործումներուն համար, մանաւանդ որ համեմատաբար շատ կարճ ժամանակաշրջանի ընթացքին ձեր կորովի առաջնորդ Հօր իմաստուն վերատեսչութեան ներքոյ և բոլորիդ եռանդուն ջանքերով ու համերաշխ գործակցութեան ոգիով չքացան անցեալի ձեր ներքին վերիվայրումները, և դուք կարողացաք ձեր մոր թեմը իր եկեղեցական համայնքներով վերակազմակերպել, կարգ ու կանոնի և շինարար աշխատանքի պայմաններու մէջ:

Սրտանց կը մաղթենք որ մոյն շինարար ոգիով, մոյն համերաշխ գործակցութեան մթնոլորտի մէջ շարունակէք ձեր սկսած աշխատանքը, կեանքի կոչել կրօնական, կրթական և մշակութային մոր իրագործումներ, միշտ ոգեշրնչուած քրիստոսակառոյց Սուրբ Էջմիածնի խորհուրդով և յաւերժական մեր Արարատի տեսիլքով:

Ընդունեցէք Մեր հայրական սէրը, Մեր քաջալերանքը, Մեր օրհնութիւնը:

«Քանզի ո՛վ է մեր յոյս կամ խնդութիւն կամ պսակ պարծանաց մերոց, եթէ ոչ դուք ի Տէր՝ առաջի Տեառն մերոյ Յիսուսի Քրիստոսի ի մորս գալստեան: Զի դուք էք փառք մեր և խնդութիւն» (Ա. Թեա. Բ 19—20): Ամէն:


ՎԱԶԳԷՆ Ա.

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,

6 ապրիլ 1987 թ.





**ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ՀԵՌԱԳԻՐԸ
ՀԲԸՄ-Ի ՆԱԽԱԳԱՀ ԱԼԵՔ ՄԱՆՈՒԿՅԱՆԻ**

ՏԻԱՐ ԱԼԵՔ ՄԱՆՈՒԿՅԱՆ

Միջիգան, ԱՄՆ

Մեր սրտի բովանդակ ջերմությամբ Ձեզի կմաղթենք ապահով-անվրեպ բուժում և շուտափույթ ապաքինում, մաս հոգեկան կորույ՜ միշտ լավատես տրամադրությամբ: Եվ տակավին երկար արևշատ տարիներ՝ շարունակելու Ձեր ազգաշեն առաքելությունը: Մնամք աղոթող Ձեր կյանքին, Ձեր արդար երազանքներու հետագա իրականացումներուն համար:

Ողջ լերուք գորացյալ Սուրբ Հոգվով,
Սիրով, կարոտով, օրհնությամբ՝

ՎԱԶԳԵՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ա. Էջմիածին,
21 ապրիլ 1987 թ.

**ՀԲԸՄ-Ի ՆԱԽԱԳԱՀ ԱԼԵՔ ՄԱՆՈՒԿՅԱՆԻ ՊԱՏԱՍԽԱՆ
ՀԵՌԱԳԻՐԸ**

**ՆՈՐԻՆ ՍՐԲՈՒԹՅՈՒՆ ՎԱԶԳԵՆ Ա ԿԱԹՈՂԻԿՈՍ ԵՎ
ԾԱՅՐԱԳՈՒՅՆ ՊԱՏՐԻԱՐԷ ԱՄԵՆԱՅՆ ՀԱՅՈՑ**

Ա. Էջմիածին

Խորապես զգացված եմ Ձեր ջերմ օրհնանքներից և առողջության լավագույն մաղթանքներից: Ձեր մխիթարող խոսքը հասավ, երբ ես շատ կարիք ունեի դրան, որպեսզի ուժ ստանամ և բարոյական կորույ՜ ոտք դնելու իմ կյանքի ամենադժվար ժամանակները: Իմ վիրահատությունը անցավ հաջողությամբ: Ձեր աղոթքներով և իմ շուրջ գտնվող բազում ընկերների լավագույն մաղթանքներով հույս ունեմ շուտով ապաքինվել և շարունակել իմ պատասխանատվությունները մեր հասարակական կյանքում:

Անկեղծ շնորհակալություն Ձեր բարի մաղթանքների և աղոթքների համար:

Մնամ հարգանք՝

Ձեր

ԱԼԵՔ ՄԱՆՈՒԿՅԱՆ

Միջիգան,
28 ապրիլ 1987 թ.

**ՎԵՀԱՓԱՌԻ ՀԱՅՐԱՊԵՏԸ ԵՐԵՎԱՆԻ ԱՌԱՋՆՈՐԴԱՆԻՍՏ
Ս. ՍԱՐԳԻՍ ԵԿԵՂԵՑՈՒՄ**

Սույն թվականի ապրիլի 3-ին Նորին Սուրբ Օծություն Ս. Ս. Վազգեն Ա Ամենայն Հայոց կաթողիկոսը Արարատյան Հայրապետական թեմի առաջնորդական փոխանորդի և թեմական խորհրդի հրավերով այցելեց Արարատյան թեմ՝ Ս. Սարգիս եկեղեցի՝ մախազաճելու «Հանգստյան» հոգեպարար արարողությանը:

Նորին Սրբությանը Ս. Սարգիս եկեղեցու մուտքի մոտ դիմավորեց և բարի գալուստ մաղթեց Արարատյան թեմի առաջնորդական փոխանորդ Տ. Գարեգին եպս. Ներսիսյանը: Վեհափառ Հայրապետը եկեղեցական թափորով և «Հրաշափառ»-ով առաջնորդվեց եկեղեցի:

Ղողանջեցին եկեղեցու զանգերը և սկսվեց Հսկումի հանդիսավոր ծամերգությունը: Սրբազան արարողության ընթացքին, հանուն Արարատյան թեմի, առաջնորդական փոխանորդ գերաշնորհ Տ. Գարեգին եպս. Ներսիսյանը, ողջունելով Վեհափառ Հայրապետի օրհնաբեր այցը, ասաց.

«Վեհափառ Տեր.

Քաղաքամայր Երևանի հավատացյալները այսօր առավել բազմամբոյս հավաքվել են առաջնորդանիստ Ս. Սարգիս եկեղեցի՝ սրբազան այս հարկի տակ ողջունելու Ձերդ Սրբության շնորհաբեր այցը, որպես սիրո և երախտագիտության արտահայտություն մփրաբերելու Ձեզ իրենց հոգու բարեպաշտ և խնկալի զգացումներից գեղահյուս մի փունջ՝ աջահամբույրներ, բարեմաղթություններ հավատավոր շրթունքներից և օրհներգություն:

Հավատացելոց այս ճոխ և յուրօրինակ աղոթքի փնջի հետ մեկտեղ աղերս ենք վերադառնում առ Աստված և մենք՝ թեմիս հոգևոր պաշտոնությունը, թեմական և եկեղեցական մարմնի անդամների հետ, ասելով. Տեր, երկար կյանք տուր Հայրապետին, երկար օրեր Հայոց Հոր, անասան պահիր միշտ Մայր Հայրենիքը մեր և Մայր Աթոռ Ս. Էջմիածինը:

Վեհափառ Տեր, Մեծի պահոց լրումին Ս. Սարգիս եկեղեցի կատարած այսօրվա Ձեր այցը թեմիս հոգևոր դասի և հավատացելոց համար ունի բացառիկ նշանակություն: Ձեր ներկայությունը ուղենշում է մեր մտածումների և խոհերի ճանապարհը՝ հաղորդվելու Ձեր հավատքին, խոսքին և գործին, որոնք փառք և անմահություն բերեցին Ձեր անձին և առավել շուք ու վեհություն հայոց Հայրապետական գահին, իսկ մեզ՝ հավատացելոցս, հոգևոր կյանքի վերազարթոնք, մեր խոնարհյալ վանքերի մի նոր հառնում: Եվ ի լրումն այս ամենի լուսազգայաց և շինարար մի Հայրապետ՝ Աստվածահաճ և ազգանկեր կյանք ապրելու պայծառ մի օրինակ ամեն հայի:



Սիրելի Վեհափառ, կարծում եմ մեր հավատացյալների ցանկությունը արտահայտած կլինեն, Ձերդ Սրբությանը խնդրանք ներկայացնելով, որ այսօրինակ այցեր Արարատյան թեմի եկեղեցիներ ավելի հաճախ լինեն: Ընդհատ է, հայ հավատացյալը ամենօրեք հոգևոր հաղորդակցության մեջ է Ձերդ Սրբության հետ, շնորհիվ ստեղծագործ և շինարար հայրապետիդ բազում ներդրումների մեր ժողովրդի հոգևոր, կրոնական և մշակութային կյանքի անդաստաններում, սակայն հայ հավատացյալի անմիջական մերձեցումը Հայոց Հայրապետին կենսական է իր հոգևոր կյանքի, ազնիվ նկարագրի, հայրենամիլեր հոգու կերտման և արդյունավորման համար:

Հրավիրելով Ձերդ Սրբությանը բաշխելու մեզ Ամենայն Հայոց Հայրապետիդ պատգամները և հորդորները, մենք մեր ձայնն ենք բարձրացնում առ Աստված՝ մաղթելով Ձեզ երկար կյանք և արևշատ օրեր, որպեսզի Լուսավորչի կանթեղը Ձեր ձեռքում ընդ երկայն ավուրս առաջնորդեք Եկեղեցին և համայն ժողովրդին հայոց, որ ի Հայաստան և որ ի սփյուռս աշխարհի, դեպի լույս և խաղաղություն: «Ամեն հայի սրտից բխած լսիր այս ձայն ով Աստված» ամեն:

Այնուհետև սրբազանը հրավիրեց Վեհափառ Հայրապետին տալու իր հայրական հորդորներն ու հայրապետական օրհնությունները հոգևոր դասին և հավատացյալ ժողովրդին:

«Հանուն Հոր և Որդվո և Հոգվոյն սրբո, ամեն:

Ողջույն և Աստվածային օրհնությունն ձեզ բոլորիդ Մայր Աթոռ Ս. Էջմիածնից:

Սիրելի հավատացյալներ, ես եկել եմ վերստին այստեղ՝ ձեր աղոթքի տուն, հանդիպելու ձեզ հետ աղոթքի պահին: Հոգեպես մխիթարված եմ, որ տեսնում եմ մեծ թվով հավատացյալներ այս առիթով: Վստահ եղեք, թեև հաճախ չեմ այցելում ձեր եկեղեցիները, սակայն այնտեղ՝ Էջմիածնում, միշտ իմ մտապատկերի առջև կաք տեսպես. մեր հայրապետական Արարատյան թեմը, իր եկեղեցիներով, իր թեմական առաջնորդով, հոգևոր ուխտապահ ապաստավորներով և համայն ժողովրդով՝ հոգևոր հաղորդակցության մեջ: Այդպես իրականացնում է նաև եկեղեցու գաղափարը, որ, ինչպես գիտեք, ոչ միայն արտաքին տեսքն է, ճարտարապետական կառուցվածքը, այլ ժողովրդի մեկտեղումը մեկ հարկի տակ նույն զգացմունքներով առ Աստված, որովհետև Աստված է և Աստծու գաղափարն է, որ իրականում միավորում է մեզ: Սփյուռքի հայությունը՝ արտասահմանի մեր հոգեվոր գավակները նույնպես հարյուրավոր և հազարավոր կիլոմետրեր հեռավորության վրա են գտնվում Ս. Էջմիածնից, մեր Մայր Հայրենիքից, բայց եկեղեցվո և մեր սուրբ հավատքով մենք կազմում ենք Հայ Եկեղեցվո գավակների միասնություն՝ մեկ ազգ, մեկ ժողովուրդ, մեկ սիրտ, մեկ հոգի:

Ս. Էջմիածինը միավորում և միատեղում է համայն մեր ժողովուրդը ի Հայաստան և ի սփյուռս աշխարհի:

Ահա ես ձեզ բերում եմ հայրական սիրո ողջույն և Աստվածային օրհնություն այն սուրբ սեղաններից: Ես բերում եմ նաև այստեղ իմ ողջույնը և գնահատանքի խոսքը ձեր թեմակալ առաջնորդին՝ գերաշնորհ Գարեգին եպիսկոպոսին, որ իր ողջ էությանը նվիրված է մեր Եկեղեցուն, նվիրված է ձեզ, և տիվ ու գիշեր ջանք չի խնայում իր պարտքը կատարելու համար Աստծու առաջ, Ս. Էջմիածնի և ձեր բոլորի առաջ: Ես իմ գնահատանքի խոսքը բերում եմ նաև Արարատյան թեմի հոգևոր դասին, Արարատյան



ՎԵՀԱՓԱՌԻ ՀԱՅՐԱՊԵՏԸ ՔԱՐՈՉԻ ՊԱՀԻՆ ԵՐԵՎԱՆԻ Ս. ՍԱՐԳԻՍ ԵԿԵՂԵՑՈՒՄ
ՀԱՆԳՍՏՅԱՆ ԺԱՄԵՐԳՈՒԹՅԱՆ ԸՆԹԱՑՔԻՆ

(8 ապրիլի 1987 թ.)



թեմի թեմական խորհրդին և եկեղեցական վարչությանց, գործադիր մարմինների բարեջան անդամներին, որոնք ջանք չեն խնայում, որպեսզի շեն և պայծառ մնան մեր աղոթքի տները ողջ Հայաստանում:

Միրելի հավատացյալներ, խոսեցի պատասխանատվության մասին: Իրոք ամեն մարդ ինչ-որ պարտականություններ ունի իր կյանքի ընթացքում և՛ ընտանեկան հարկի տակ, և՛ հասարակական կյանքում, և՛ եկեղեցական-համայնքային կյանքում, և՛ խշխատանքի վայրում, և՛ իբրև քաղաքացի մեր Մայր Հայրենիքի: Կարծում եմ, ամեն գիտակից անձնավորություն աշխատում է իր կարողությանց չափով, իր հնարավորության չափով այդ պարտականությունները կատարել: Որովհետև մարդը աշխարհի վրա միակ գիտակից էակն է, որ պատասխանատու է իր արածին, իր մտածածին, իր գործին և ունի հնարավորությունը անդրադառնալու իր արածին իբրև լավ և չար, օգտակար և վնասակար: Մեծի Պահոց այս շրջանին եկեղեցին մեզ հրավիրում է ինքնաքննության, ինքնաճանաչման, ի հարկին ինքնադատության և ինքնակատարելագործման: Հիշում եք, Հիսուսի Անիրավ տնտեսի առակը հենց այդ պարտականության հետ է կապված: Տնտեսը իրեն հանձնված գործը կատարեց, որովհետև օժտված էր խելքով, ճարպիկ էր, գիտակից էր և երկար ժամանակ գործը առաջ տարավ իմաստությամբ: Երբ վերադարձավ տանուտերը, ասաց. «տուր զհաշիւ տնտեսութեան քոյ»: Տնտեսը ներկայացրեց, բայց պարզվեց, որ բոլոր անազնիվ գործերը իր սեփական օգուտի համար էր կատարել, չարաշահել էր տանուտերի վստահությունը. տանուտերը նրան պաշտոնից հեռացրեց: Այս փոքրիկ պատումը մեզ հիշեցնում է, որ կգա մի օր, երբ մեզ բոլորիս կողովի այս կոչը, այս հարցումը՝ «տուր քո տնտեսության հաշիվը»՝ քո կյանքի գործերի հաշիվը, քո կատարած գործերի հաշիվը: Եվ երանի այն մարդկանց, որոնք արդար գործեր են տեսել, ազնիվ աշխատանք են կատարել, հավատարիմ են մնացել իրենց տիրոջը, իրենց պարտքը կատարել են ազնվությամբ: Եթե ամեն մեկը իր պարտականության գիտակցությունը ունենա, իր արածի և չարածի կշիռը կարողանա ճիշտ չափել, կտիրի համերաշխ կյանք, խաղաղություն, մանավանդ փոխադարձ սեր: Այս բոլորին ավելացնենք մեր պարտականությունները դեպի մեր ժողովուրդը, մեր երկիրը, մեր Հայրենիքը, որը ահա վերածննդի շրջան է ապրում ավելի քան 60 տարիներ:


Ահա այս մի քանի հորդորներով ես կուզեի վերջացնել իմ խոսքը՝ կրկին իմ աղոթքը բարձրացնելով դեպի երկինք, որպեսզի Աստված ճախ և առաջ հաստատուն պահի խշխարհի խաղաղությունը, որով պայմանավորված է ամեն ինչ՝ մեր կյանքը, մեր գոյատևումն իսկ այս աշխարհի վրա: Ահա այդ աշխարհի խաղաղությունն է ժողովուրդների միջև, պետությունների միջև, հատկապես մեծ պետությունների միջև համերաշխ գոյակցությունը, որ մենք ցանկանում ենք Աստծու օրհնությամբ առավել և առավել ամրապնդվի, որպեսզի մեր երկրագնդի ժողովուրդները և մեր փոքրիկ հայ ազգը այլևս անցյալի լարհավիքները և տառապանքներն ու կործանումները չտեսնի: Եվ աղոթում եմ նաև մեր Եկեղեցու անասանության և պայծառության համար ի Հայաստան և ի սփյուռս աշխարհի: Քիչ առաջ ես ասացի, թե ինչպիսի պատմական առաքելություն ունի Հայաստանյայց Եկեղեցին մեր ժողովրդի կյանքում: Եվ ահա այդ առաքելությունը ես ցանկանում եմ, որ շարունակվի, իրագործվի հետզհետե առավել ազգահաստատ իրագործումներով:


Եվ վերջապես կուգեի կրկին անգամ Աստուծո օրհնությունը բերել ամենքիդ և մաղթել ձեզ քաջառողջություն հոգվո և մարմնո, ներքին հավասարակշռություն և խաղաղություն, որպեսզի ամեն մեկդ ձեր կյանքի ճանապարհին ապրեք և գործեք իբրև բարի քրիստոնյաներ և արժանավոր զավակները հայ ազգին: Վերստին աղոթենք առ Աստված մեր բոլորիս խաղաղ և ապահով, երջանիկ կյանքի համար:

Ծնորհք, սեր և խաղաղություն Տեառն մերո Հիսուսի Քրիստոսի եղիցի Լնդ ձեզ ընդ ամենեայանդ, ամենն»:

Հավարտ սրբազան արարողության հոգևոր դասը, թափոր կազմած, «Ամեն հալի սրտից բխած...» հայրապետական մաղթերգով ուղեկցեց Վեհափառ Հայրապետին, որը հրաժեշտ առնելով իր հոտից՝ մեկնեց Մալր Աթոռ:

ԱՎԵՏԻՍ ՔԶՆ. ԴԱՆԻԵԼՅԱՆ






**ՎԵՀԱՓԱՌ ՀԱՅՐԱՊԵՏԻ ՀԱՆԴԻՊՈՒՄԸ ԽՈՐՀՐԴԱՅԻՆ
ՄԻՈՒԹՅՈՒՆՈՒՄ ՀԱՎԱՏԱՐՄԱԳՐՎԱԾ ԱՐՏԱՍԱՀՄԱՆՑԻ
ԼՐԱԳՐՈՂՆԵՐԻ ՀԵՏ**

Ապրիլի 26—30-ը Խորհրդային Հայաստանի մշակութային և տնտեսական կյանքին ծանոթանալու համար Հայաստանում էր գտնվում Խորհրդային Միությունում հավատարմագրված արտասահմանյան 12 երկրների լրագրողների խումբը (ԱՄՆ, Արգենտինա, Բուլղարիա, ԳՂՀ, ԳՖՀ, Լեհաստան, Կանադա, Կիպրոս, Հարավսլավիա, Հունգարիա, Ծվեդիա, Ֆրանսիա)։

Ապրիլի 28-ին լրագրողները եղան Մայր Աթոռ Ս. Էջմիածնում և հանդիարւմ ունեցան Նորին Սուրբ Օծություն Տ. Տ. Վազգեն Ա Ամենայն Հայոց կաթողիկոսի հետ։ Հարցազրույցը շոշափեց Հայ Եկեղեցու այսօրվա վիճակը, կրոնական, միջեկեղեցական-էկումենիկ գործունեությունը, մասնակցությունը համաշխարհային խաղաղության համար մղվող պայքարին, Հայրենիք—Սփյուռք կապերը, 1915 թվականի հայկական ցեղասպանությունը և այլ հարցեր։ Վեհափառ Հայրապետը սպառնիչ և բովանդակալից պատասխաններով լրագրողներին ծանոթացրեց Հայաստանյայց Առաքելական Եկեղեցու պատմական անցյալին ու ներկային։

Ապա հյուրերը այցելեցին Մայր Աթոռի թանգարան ու Գանձատուն։



ՍՈՒՐԲ ՀԱՐՈՒԹՅԱՆ ՏՈՆԸ ՄԱՅՐ ԱԹՈՌՈՒՄ

Ապրիլի 19-ին, կիրակի.—Ձատիկ: Յարութիւն Տեառն մերոյ Յիսուսի Քրիստոսի:

Ամեն տարի Ձատիկի տոնը նշվում է ծաղկագարդ գարնանը: Կարծես բնությունն էլ իր հերթին արձագանքում է Քրիստոսի հրաշափառ Հարությանը և մարդկանց հոգիները լցնում զարթոնքի հավերժածուի լույսով: Ձատիկի տոնը քրիստոնեական աշխարհի մեծագույն տոնն է:

Վաղ առավոտից Մայր տաճարը լեփլեցուն է հավատացյալ բազմությամբ. Ձատիկի տոնի առթիվ բազմաթիվ ուխտավորներ են եկել Էջմիածին քաղաքից, Երեւանից և Հայաստանի տարբեր շրջաններից ու գյուղերից:

Ժամը 11-ն է: Հնչում են Մայր տաճարի ավետարեք զանգերը՝ ի լուր ամենքի ազդարարելով Քրիստոսի հրաշափառ Հարությունը:

Վեհափառ Հայրապետը զգեստավորված, եկեղեցական թափորով, եկեղեցու զանգերի տոնական ու քաղցրահունչ դռնակների և հոծ հավատացյալների ջերմեռանդ արտահայտությունների ներքո Վեհաբանից առաջնորդվում է Մայր տաճար՝ մատուցելու օրվա հանդիսավոր սուրբ պատարագը:

Մայր տաճարի աշակողմյան և ձախակողմյան դասերում տեղ են գրավել հյուրաբար Մայր Աթոռում գտնվող արտասահմանից ժամանած հայ ուխտավորներ:

Ձատիկական ս. պատարագին ներկա են նաև Հայկական ՍՍՀ Միմիստրների խորհրդին առընթեր Հայ Եկեղեցու գործերի խորհրդի նախագահ տիար Ս. Վարդանյանը և տեղակալ տիար Ռ. Զարգարյանը:

Ս. պատարագի հոգեպարար արարողությունն սկսվում է և հանդիսավորությամբ շարունակվում մինչև «Հայր մեր»:

Այնուհետև Վեհափառ Հայրապետը, հաղորդելով Քրիստոսի հրաշափառ Հարության ավետիսը, շնորհավորում է համայն հայության Ձատիկը, որ ի Հայաստան և

որ ի սփյուռն աշխարհի, ու խոսում իր ոգեշունչ քարոզը՝ նվիրված օրվա տոնին և նրա խորհրդին: Վեհափառ Հայրապետի քարոզը նույն օրը, երեկոյան ժամը 23.30-ին, ձայնասփուլեց Երևանի ռադիոկայանից (Քարոզը տես էջ 3):

Հավարտ ս. պատարագի բազում հավատացյալներ Վեհափառ Հայրապետի ձեռքից ստանում են ս. Հաղորդություն:

Սուրբ Հաղորդության շնորհաբաշխումից հետո Վեհափառ Հայրապետը եկեղեցական թափորով առաջնորդվում է Վեհաբան՝ իր ճանապարհին օրհնելով հավատացյալ բազմությանը:

Վեհաբանում Վեհափառ Հայրապետը մի անգամ ևս օրհնում է ներկաներին Ս. Ձատիկի տոնի առթիվ: Ապա բոլոր ներկաները շնորհավորում են Վեհափառ Հայրապետին՝ Ս. Ձատիկի տոնի առթիվ, և աջահամբույրով իրենց խոնարհությունը հայտնում նրան:

Նույն օրը, ժամը 15-ին, Վեհաբանի սեղանատանը տրվում է պաշտոնական ճաշկերույթ, որին ներկա էին Ս. Էջմիածնի Գերագույն Հոգևոր Խորհրդի անդամները, Մայր Աթոռի պաշտոնական անձինք և հյուրեր Անգլիայից, Ֆրանսիայից ու Ամերիկայի Միացյալ Նահանգներից:

Պաշտոնական ճաշկերույթին ներկա էին նաև Հայկական ՍՍՀ Միմիստրների խորհրդին առընթեր Հայ Եկեղեցու գործերի խորհրդի նախագահ տիար Ս. Վարդանյանը և տեղակալ տիար Ռ. Զարգարյանը:

Ճաշկերույթի ընթացքում բոլոր ներկաները հոտնկալաբար բաժակ են բարձրացնում Հայոց Հայրապետի կենաց արևշատության և Մայր Աթոռ Ս. Էջմիածնի պաշտոնության ու անասանության համար:

Ձատիկական ս. սեղանն ավարտվում է Վեհափառ Հայրապետի օրհնությամբ և աղոթքով:

«Քրիստոս յարեալ ի մեռելոց». «Օրհնեալ է Յարութիւնն Քրիստոսի»:

ՀՈԳԵՎՈՐ ԽՈՀԵՐ
ՄԵԾ ՊԱՀՈՑ ԱՌԹԻՎ

Պատարագվող Գառն Աստուծո,
Վասն մարդկան ամենայնի՝
Կենդանաց և հանգուցելոց,
Ընդ ամենայն ժամանակի:

Խունկ քաղցրաբույր աշխարհ լցնող,
Սիրո անմար վառ կրակում,
Կամուրջ՝ կապող երկինքն երկրի
Եվ ծիածան խաղաղության:

Անեծքը հիմ, մեր հայրերի
Սև խարանով դրոշմված,
Մեր ճակատից առհավական
Իսպա՛ն ջնջիր քո սուրբ արչամբ:

Թեթևացրո՛ւ բեռն իմ մեղքի,
Ծնորհաձիր հպմամբ ձեռքի,
Որ մաքրությամբ ներկայանամ,
Քո սուրբ տեսքին արժանանամ:

*

* *

Դո՛ւ՝ Գառն անարատ և զոհ գերագույն,
Վասն քալության թափված թանկ արյուն,
Հեղվի՛ր վերստին և սրբագործի՛ր,
Իմ ծանրածանր մեղքերը քավի՛ր:

Տե՛ր, ինձ շնորհիր վայելքն անբասիր,
Մարմնո և արյան քո հաղորդության,
Եվ պատարագվող քո զոհողությամբ
Լցվեմ հոգևին, ոգեղինանամ:

Կենարար սիրո բոցը հրդեհիր,
Անհաղորդ սրտիս խոր գավիթներում,
Փշրի՛ր սառույցը իմ մեռելության,
Հաստատիր հավատս հանդեպ մարդկության:

Դո՛ւ՝ լո՛ւյս առաջին, մա՛յր իմ գոյության,
Լո՛ւյս անծայրածիր, լո՛ւյս ճշմարտության,

Հավերժական լո՛ւյս անսահմանափակ,
Անքիծ, անաքող, անարատ, հատակ:

Բա՛ց շամանդաղը աչքիս կուրացյալ,
Նայող՝ չտեսնող, տեսնող՝ չզգացող,
Որ տեսնեմ, զգամ անհիմանալին,
Հոգու աչքերով փարվեմ էությանդ:

*
* *

Սրբերի սուրբն ես, անաղարտ, մաքուր,
Մեղավոր անձիս վերքերն ամոքիր,
Զար խորհուրդներից իմ միտքն ազատիր,
Մաքրության քողով Դու ինձ պարտիր:

Թշնամու խոցող նետերից փրկի՛ր,
Լեզվից բամբասող ինձ հեռո՛ւ պահիր,
Անձն իմ զրպարտված Դու արդարացրո՛ւ,
Լույսն արդարության իմ մեջ փայլեցրո՛ւ:

Դարձրո՛ւ ինձ ժառանգ հոգևոր գանձին
Մեր սուրբ հայրերի առաքինության,
Բռնի՛ր իմ թևից, ոտս ուղղիր հողդողո,
Որ չսայթաքեմ, կորչեմ անհաղորդ:

Տե՛ր, կա՛ միթե մարդ անմեղանչական,
Մեզ է հետևում մեղքն իբրև դարան,
Դո՛ւ լույս անստվեր, անքիծ, անխափան,
Եվ Քո մոտ չկա մշույլ թերության:

*
* *


Աղոթում եմ Քեզ, վասն մեր նեղչի,
Նենգ դարանակալ, չար ախտյանի,
Որ հաճախ է դեմքն իր բացահայտում,
Եղբայրների մեջ խուլք հարուցում:

Տե՛ր, օժտի՛ր բոլորիս միաբանությամբ,
Լցո՛ւ մեր սրտերն Քո զոհողությամբ,
Թույլ մի տուր հանկարծ սայթաքենք, ընկնենք,
Եվ կորչենք հավետ քեզնից անժառանգ:


Տո՛ւր մեզ, Տե՛ր, սիրույդ՝ բաժակն քաղցրության,
Համեմիր շրթներն մեր իմաստությամբ,
Խոսքիդ զորության շնչով սոգորիր,
Քո անշեջ սիրո բոցով մեզ թրծիր:

Դարավոր վանքի կամարների տակ,
Մեր նախնյաց ուխտին բոլորով գիտակ,
Ժառանգորդն արա շնորհացդ անպարփակ,
Որ հասնենք պսակիդ՝ ուխտով անսայթաք:

ՆԵՐՍԵՍ ՎԱՆԱԿԱՆ



ԵՐԵՎԱՆԻ ԵՊԻՍԿՈՍՈՍՈՒԹՅԱՆ ԵՊԻՍԿՈՍՈՒԹՅԱՆ ԶԵՆԻՏԻՆԻՆԻ ԵՐԵՎԱՆԻ ԵՊԻՍԿՈՍՈՍՈՒԹՅԱՆ ԶԵՆԻՏԻՆԻՆԻ



ՄԵԾ ԵՂԵՌՆԻ ՏԱՐԵԼԻՑԸ ՄԱՅՐ ԱԹՈՌՈՒՄ

Ծուրջ 72 տարի է անցել մեր դարի առաջին մեծ ոճրագործության թվականից՝ Հայկական ցեղասպանությունից: 72 տարի առաջ էր, որ թուրք արյունարբու դահիճապետերը մարդկության ճակատին հավերժորեն դրոշմեցին մի սև խարամ, որը նողկանք ու սարսափ է պատճառում այն մտաբերող յուրաքանչյուր ողջամիտ մարդու: Տարեց-տարի հնացող, սակայն երբեք չսպիացող հայ ժողովրդի այս վերքը առ այսօր, յուրաքանչյուր արաբիլ 24-ին, թե՛ Հայաստանում և թե՛ Սփյուռքում բազմամիլիոն հայորդիների քայլերն է ուղղում դեպի անմահ զոհերի հիշատակը հավերժացնող հուշարձանները՝ գլուխ խոնարհելու և իրենց հարգանքի տուրքը մատուցելու մոտ երկու միլիոն անմեղ զոհերի հիշատակի առաջ: Սակայն, սգո թափորներ լինելով հանդերձ, դրանք վերածնված գոյատևման ուժի, ստեղծագործական կամքի, միասնության ու հավերժելու հաղթերթներ են: Այո՛, չիրականացան թուրք ազգայնամուլների ծրագրերը, քանի որ, շնորհիվ Սարդարապատի հերոսամարտի ու 1920 թ. Նոյեմբերի 29-ի պայծառ լուսաբացի, այսօր կա, ապրում և ստեղծագործում է հայ ժողովուրդը թե՛ իր վերածնված Մայր Հայրենիքում և թե՛ Սփյուռքի տարածքի վրա:

Այսօր, արաբիլի 24-ին, ժամը 11.00-ին, Մայր Աթոռի միաբանությունը, գլխավորությամբ ազգընտիր Նորին Սուրբ Օծություն Վեհափառ Հայրապետի, այցելեց

Ծիծեռնակաբերդ և Եղեռնի զոհերի հիշատակին ծաղկեպսակ դրեց հուշարձանին: Հավերժական կրակի շուրջ երգվեց հոգեհանգստյան «Ի վերին Երուսաղեմ» շարականը, որից հետո Վեհափառ Հայրապետը «Հոգւոց» արտասանեց մահատակների հիշատակին:

Այս առթիվ Վեհափառ Հայրապետին ուղեկցում էին նաև Հայկական ՍՍՀ Միհիստրների խորհրդին առընթեր Հայ Եկեղեցու գործերի խորհրդի նախագահ տիար Ստեփան Վարդանյանն ու տեղակալներ Անդրանիկ Հասրաթյանն ու Ռաֆիկ Զարգարյանը:

Նույն օրը, ժամը 11.00-ին, Մայր տաճարում, Ավագ ս. սեղանի վրա, ս. պատարագ մատուցեց Տ. Արել արեղա Օղյուզյանը: «Հայր մեր»-ից առաջ օրվա առթիվ քարոզ խոսեց Մայր Աթոռի դիվանապետ գերաշնորհ Տ. Ներսես արքեպս. Պոգապայյանը:

«Յանուն Հօր և Որդւոյ և Հոգւոյն Սրբոյ, ամէն:

«Ահաասիկ ես ածից ի վերայ ձեր շունչ կենդանի» (Եզեկ. ԻԷ 5):

«Ահալասիկ ես ձեզ տալու եմ շունչը կենդանի»:

Եզեկիել մարգարեն իր ժողովրդի ամենադժբախտ, տառապալից օրերին, ի տես նրանց մահատակության, ունենում է ի վերուստ իրեն շնորհված հետևյալ տեսիլքը, որի ընթացքում Աստված, բռնելով մար-


գաղերի ձեռքից, տանում է նրան դաշտ, ուր բյուրավոր մահատակների չորացած ոսկորներով լցված մի տարածություն կար: Աստված Եզեկիելին ցույց է տալիս մահատակների ոսկորները, ասելով նրան. «Մարգարեացի՛ր և կյանք պարգևիր այս չորացած ոսկորներին»: Մարգարեն գարմացած նայում է Աստծուն. նրա պաղատալից ակնարկի մեջ կար այն միտքը, թե միայն ինքը՝ Աստված կարող է հարության շունչ և կյանք պարգևել այդ ոսկորներին: Քիչ անց մարգարեանում է Եզեկիելը, և կամաց-կամաց դաշտի մեջ գտնվող այդ չորացած ոսկորները շարժվում, իրար են մոտենում և մկաններ, միս, մորթ են ստանում: Աստված ասում է Եզեկիելին. «Ծո՛ւնչ տուր նրանց»: Եզեկիելը կրկին Աստծուն պաղատում է ասելով, որ այդ բյուրավոր մահատակներին միայն Աստված կարող է տալ իր շունչը կենդանի: Եվ ահա ամբողջ դաշտի տարածքում ընկած բյուրավոր մարդիկ շունչ և հոգի ստացած՝ շարժվում և ապրում են:

Սիրելի հավատացյալներ, մենք հավաքվել ենք այսօր այս տուրք տաճարի կամարների տակ՝ ոգեկոչելու հիշատակը Մեծ Եղեռնի մեր մահատակների: Այսօր ապրիլի 24-ն է: 1915 թվականից ի վեր ամեն մի հայ, աշխարհի որ անկյունում էլ գտնվելիս լինի, անպայման մի պահ անդրադառնում է իր մահատակներին, որպես արյունակից եղբայր ու հարազատ պանծացնում է նրանց հիշատակը վերհիշելով նրանց գործունեությունը, նրանց զոհողությունները, նրանց հայրենասիրությունը և վասն Եկեղեցվո՛ր ու վասն հավատի թափած նրանց արյունը:

1876 թվականին, երբ Սուլթան Համիդ գահ բարձրացավ, սկսեց դաժան ու անգիշող քաղաքականություն վարել Թուրքիո մեջ ապրող ազգային փոքրամասնությունների նկատմամբ: Թուրքիան այն ժամանակ Օսմանյան մեծ կայսրություն էր, և արաբական աշխարհը ևս նրա գերիշխանության տակ էր գտնվում: Նա ոչ միայն իր կայսրության սահմաններում ապրող քրիստոնյա ժողովուրդներին, այլ նաև արաբ ժողովրդին մեծ վնաս հասցրեց իր կազմակերպած հալածանքներով և ջարդերով: Բայց նա հատկապես ատելությամբ էր լցված հայ ժողովրդի դեմ, որովհետև վեց հարյուր տարիներ շարունակ Օսմանյան լծի տակ հեծող հայ ժողովուրդը փայլալուծ էր մի ազնիվ երազ, մի ազնիվ իդեալ ունենալ իր ազատ հայրենիքը, կերտել իր ապագան իր իսկ ձեռքով, իր իսկ տաղանդով և պահել իր ազգային յուրահատուկ

մշակույթը: Սուլթան Համիդի համար հաճելի չէր այդ բոլորը: Եվ կամաց-կամաց, երբ Օսմանյան կայսրությունը փոքրանում կծկվում էր, և կայսրության շրջակա երկրների ժողովուրդները իրենց ազատությունն էին ձեռք բերում, Համիդը ավելի դաժան ու վաշտագ էր դառնում: Ուզում էր հայերի հարցը վերջնականապես լուծել: Այս պատճառով 1895—1896 թվականներին հսկայական ջարդեր կազմակերպեց հայկական գավառների մեջ, ուր բյուրավոր հայեր մահատակվեցին: Ավելի ուշ, 1908 թվականին, Արամայի մեծ ջարդը տեղի ունեցավ, կրկին անգամ տասնյակ հազարավոր հայերի անմեղ արյունն էր թափվում Կիլիկիայում: Սուլթանական լուծը տապալող Իթթիհատական կուսակցությունը, որ 1908 թվականին իշխանությունն էր ձեռքն էր վերցրել, խղճի ազատության, արդարության և եղբայրության կոչերով էր հանդես գալիս և խոստանում համահավասար իրավունքներ տալ բոլոր փոքրամասնություններին: Սակայն նրանք ևս, ազգայնամոլ զգացումներով կուրացած, դավադիր դուրս եկան և, ինչպես սուլթանը, նրանք ևս սկսեցին փոքրամասնությանը դեմ գաղտնի դավեր նյութել և կոտորածներ կազմակերպել: Այսպիսով, երբ Թուրքիան ներգրավվեց առաջին համաշխարհային պատերազմի մեջ, հայերին զանգվածաբար տեղափոխեց դեպի կենտրոնական Անատոլիո, իբր թե առաջն առնելու համար հայերի ռուսական կողմնորոշման վտանգի և ապահով կարողանալ կույլելու համար Խարդանելի եզերքում միացյալ ուժերի դեմ: 1915 թվականից մինչև 1918 թվականը հայերը բռնի գաղթի ենթարկվեցին, արտրվեցին դեպի անապատներ, դեպի ամառի տարածություններ: Եվ այդ արքորի ճանապարհին անդթի՝ ընկան և մեռան: Այն, ինչ չէին կարողանում անել սովն ու կիզիչ անապատները, լրացնում էին մարդկային ոճրագործ մտքի անսպառ երևակայությամբ, կանխամտածված և մշակված ոճիրներով: Այս ձևով մոտավորապես մեկուկես միլիոն հայ ոչնչացրեցին իթթիհատականները: Մեկ ու կես միլիոն և ավելի հայեր անխնա կերպով կոտորվեցին կենտրոնական Թուրքիո մեջ և Սիրիայի անապատներում:

Քիչ առաջ, մեր ամբողջ ժողովրդի հետ, մենք ևս Ամենայն Հայոց Վեհափառ Հայրապետի գլխավորությամբ գնացինք ուխտի Ապրիլյան հուշակոթողին՝ Ծիծեռնակաբերդ՝ այնտեղ մեր սրտի պարտքը կատարելու, դնելու համար հուշարձանի առջև մեր ծաղիկները և աղոթելու մեր մահա-



«ՅԱՌԻՏԵՆԱԿԱՆ ՑԻՇԱՏԱԿԻ, ԱՐԴԱՐՈՑ ՕՐՀՆՈՒԹԵԱՄԲ ԵՂԻՑԻ»

տակների հոգիների համար: Այնտեղ մենք աղոթեցինք արտեռանդն, որ Աստված ճշմարտացի հոգիները լուսավորի, նաև պարզևի նրանց իրականացած իդեալների ավելի պայծառացում: Նրանց երազը, սիրելի հավատացյալներ, հայրենիք ունենալն էր: 1918 թվականին հայերը Արևելյան Հայաստանում, Սարդարապատի ճակատամարտում կարողացան կազմակերպված կերպով թրքական հրոսակների առջև ելնել և հաղթանակ տանել՝ նրանց փտարելով Հայաստանի սահմաններից: Սակայն Հայաստանը իր վերջնական ապահովությունը գտավ մասնավորապես, երբ 1920 թվականի նոյեմբերին մեր մեծ եղբայր ռուս ժողովուրդը իր ձեռքը երկարեց մեզ՝ պաշտպան կանգնելով մեր հողերին, մեր իրավունքներին և մեր մշակույթին: Այդ օրվանից մինչև այսօր, սիրելի հավատացյալներ, եթե չհաշվենք երկրորդ համաշխարհային պատերազմը, մեր հայրենի հողի վրա թշնամու ոտք չի կոխել: Մենք փառք ենք տալիս Աստծուն այդ բանի համար:

Այսօր, սակայն, երբ մենք հավաքված ենք Ապրիլյան մեր նահատակների հիշատակը կրկին անգամ ոգեկոչելու, այդ հիշատակով ապրելու, պետք է այս սրբազան վայրում մեր երիտասարդությունը և մեր ժողովուրդը ուխտ կնքի՝ տեր մնալու այն ժառանգության, որ մեր նահատակները մեզ թողեցին. մեր Հայրենիքը, մեր Եկեղեցին, մեր պատմական հավատը, Ս. Էջմիածինը և հայրենի սրբազան հողը, որի վրա այնքան նահատակների արյուն է թափվել, որ այդ հողը այսօր սրբացած ու մաքրված է և մեզ համար ամենաթանկագին բանն է աշխարհի վրա:


Սիրելի հավատացյալներ, քիչ հետո Էջմիածնի շրջափակում կանգնեցված Ապրիլյան եղեռնի հուշարձանի առջև միասին հոգեհանգստյան պաշտոնի պիտի մասնակցենք: Այդ առիթով արտեռանդն աղոթենք նրանց հոգիների համար: Եվ մասնավորապես աղոթենք, որ Աստված մեր հայրենիքը պահի խաղաղության մեջ, շինության մեջ և մեր ժողովրդի քրտինքը արդյունավորվի, պտղաբերի վասն խաղաղության ամենայն աշխարհի և վասն եղբայրության հանդուրժողության և մեր վսեմ իդեալների իրականացման: Թող մեր նահատակների հոգին այսօր մեր մեջ իջնի, մեզ վերանորոգի, մեզ խթանի մեր ծառայության՝ մեր սիրո և հայրենասիրության մեջ, այժմ և միշտ և հավիտյան հավիտենից, ամենա:


Ս. պատարագին ներկա էր Վեհափառ Հայրապետը: Ս. պատարագին և Մեծ Եղեռնի ոգեկոչման արարողությանը ներկա էին նաև Մայր Աթոռի ողջ միաբանությունը, աշխատավորները, սփյուռքահայ հյուրեր ու հավատացյալների հոծ բազմություն:

Ս. պատարագի ավարտից հետո եկեղեցական թափոռն առաջնորդվեց մայրավանքի հյուսիսային կողմում կառուցված Նահատակաց հուշարձան, ուր կատարվեց հոգեհանգստյան արարողություն: Արարողությունը նախագահում էր Վեհափառ հայրապետը:

*
* *

Նույն օրը, ժամը 15.00-ին, Ս. Էջմիածնի հոգևոր ճեմարանի ուսանողությունը այցելեց Ծիծեռնակաբերդ և թարմ ծաղիկներ գետեղեց Նահատակաց հուշարձանին:





ԱՄԵՐԻԿԱՅԻ ՄԻԱՑԵԱԼ ՆԱՀԱՆԳԱՑ ԱՐԵՒՄՏԵԱՆ
ԹԵՄԻ ԲԱՐԵՆԱՄ ԱՌԱՋՆՈՐԴ ԳԵՐԱԾՆՈՐՀ Տ. ՎԱՁԷ
ԱՐՔԵՊԻՍԿՈՊՈՍ ՅՈՎՍԷՓԵԱՆԻ ՔԱՀԱՆԱՅԱԿԱՆ
ՋԵՌՆԱԴՐՈՒԹԵԱՆ 35-ԱՄԵԱԿԻ ՏՕՆԱԽՄԲՈՒԹԻՒՆՆԵՐ

Ամերիկայի Միացեալ Նահանգաց արևմրտեան թեմի թեմական խորհուրդի գեղեցիկ գաղափարով և որոշումով, թեմիս երեք շրջաններէն ներս ս. պատարագի մատուցմամբ, պաշտօնական ճաշկերութեանով և պատշաճ յայտագրերով տօնախմբութեամբ արևմտեան թեմի բարեխնամ առաջնորդ գերշ. Տ. Վաշէ արքեպս. Յովսէփեանի ձեռնադրութեան 35-ամեակը:

Հարաւային Գալիֆորնիոյ մէջ տօնախմբութիւնը տեղի ունեցաւ շաբաթ երեկոյ, լուսուար 24-ին, 1987, Փասատինայի Ս. Գրիգոր Լուսաւորիչ Հայց. Եկեղեցւոյ Աղանձեան սրահին մէջ: Առաջնորդ ս. հայրը եկեղեցական հայրերու մեծ թափօրով առաջնորդութեամբ դէպի սրահ, ուր շուրջ 600 հիւրեր գրաւած էին իրենց սեղանները:

Բարեբաատիկ այս առիթով հիւրաբար արևելեան թեմէն ներկայ էին առաջնորդ գերշ. Տ. Թորգոմ արքեպս. Մանուկեան և Թեմական խորհուրդի անդամներ:

Յոբէլիական այս հանդիսութեան ներկայ էին դատաւորներ, պետական անձնատրութիւններ և խմբագիրներ: Նահանգային ծերակոտակա Ուիլերմ Բէմպլը շնորհատրական իր խօսքը ըսելէ ետք, Գալի-

ֆորնիոյ ծերակոյտի կողմէ յատուկ գնահատական բանաձև մը յանձնեց սրբազան հօր:

Օրուան գլխաւոր խօսողն էր արևելեան թեմի առաջնորդ գերշ. Տ. Թորգոմ արքեպս. Մանուկեան: Սրբազան հայրը հանգամանօրէն խօսեցաւ թեմիս առաջնորդ ս. հօր նուիրեալ կեանքին և գիտակից ու կարող ղեկավարութեան մասին՝ ուսանողական օրերէն մինչև առաջնորդութեան պաշտօնը արևմտեան թեմի:

Հոգշ. Տ. Մուշեղ վրդ. Թաշճեան, հովիւր Փասատինայի Ս. Գրիգոր Լուսաւորիչ Հայց. Եկեղեցւոյ, կարդաց սրբազան հօր քահանայական ձեռնադրութեան 35-ամեակի առթիւ Նորին Սուրբ Օծութիւն Տ. Տ. Վազգէն Ա. Ամենայն Հայոց կաթողիկոսի կողմէ դրկուած օրհնութեան կոմիակը:

35-ամեակի առթիւ պատրաստուած էր ս. հօր գործունէութեանց կարևոր հանգրուանները ներկայացնող պատկերազարդ գեղեցիկ գրքոյկ մը, որուն մէջ տպուած էր Վեհափառ Հայրապետի կողմէ դրկուած կոմիակը, ինչպէս նաև կային խնդակցութեան և շնորհատրական գրութիւններ:

Օրհնութեան աղօթքով փակուեցաւ այս յիշատակելի և բացառիկ ձեռնարկը: Իսկ



յրբելիմական հանդիսատիւնը աւարտեցին 1987 թ. հունիսի 25-ին, 1987 ՎԷՆ Նախի Ս. Պետրոս Հայր. Եկեղեցւոյ մէջ՝ մասնակցութեամբ Հարաւային Գալիֆորնիոյ հոգևոր հայրերու:

Կեդրոնական Գալիֆորնիոյ շրջանին մէջ ա. հօր քահանայական ձեռնադրութեան 35-ամեակի տօնախմբութիւնը կատարուեցաւ Ֆրեզնոյի Ս. Պողոս եկեղեցւոյ մէջ, կիրակի, փետրուար 1-ին, 1987: Յորբելիմական ա. պատարագը մատուցեց առաջնորդ ա. հայրը՝ մասնակցութեամբ շրջանի հովիւներուն:

Յատարտ եկեղեցական արարողութեանց,

Պերպերեան սրահին մէջ տեղի ունեցաւ պաշտօնական ճաշկերոյց մը: Աւելի քան 400 հիւրեր ներկայ գտնուեցան այս ձեռնարկին և շնորհատրեցին սրբազան հայրը:

Արժ. Տ. Ծանէ աւագ քին. Աթոմեան հայրերէնով և արժ. Տ. Գեորգ քին. Առաքելեան՝ անգլերէնով կարդացին Վեհափառ Հայրապետի կողմէ դրկուած օրհնութեան կոնդակը: Ապա խօսք տուաւ թեմական խորհուրդի ատենապետ տիար Րապրոօ Պարսամ և շնորհատրեց առաջնորդ ա. հայրը և նշեց նորին սրբազնութեան շրջանին թեմէն ներս կատարած իրագործումները:

Յոբելյանական հանդիսությունը վերջ գրտաւ առաջնորդ ա. հօր փաւկման պատշաճ խօսքով և օրհնութեան աղօթքով:

Հիւսիսային Գալիֆորնիոյ շրջանին մէջ տօնախմբությունը տեղի ունեցաւ կիրակի, փետրուար 8-ին, 1987, Օգլընտի Ս. Վարդան Հայց. Եկեղեցւոյ մէջ: Առաւօտուն ա. պատարագ մատուց առաջնորդ ա. հայրը՝ մասնակցութեամբ շրջանին հովիւներուն:

Իսկ պաշտօնական ճաշկերոյթը տեղի ունեցաւ յաւարտ ա. պատարագի՝ եկեղեցւոյ սրահին մէջ: Ծովաձոցի շրջանի հաւատացեալները համախմբուած էին իրենց յարգանքը մատուցանելու համար սիրելի առաջնորդ սրբազան հօր:

Երաժշտական յայտագրի աւարտին գերշ. Տ. Արիս եպս. Ծիրվանեան պաշտօնապէս ներկայացուց յոբելեար ա. հայրը, որը իր

կարգին խօսեցաւ յուզիչ և ներշնչող ճառ մը: Սրբազան հայրը արտայայտեց իր բացարձակ և հաստատուն հաւատարմությունը Նորին Սուրբ Օծութիւն Տ. Տ. Վազգէն Ա. Ամենայն Հայոց կաթողիկոսի և Մայր Աթոռ Ս. Էջմիածնի հանդէպ և կոչ ուղղեց արևմտեան թեմի հաւատացեալներուն և աշխարհի համայն հայութեան, որ որևէ ատեն սակարկութեան տակ չդնեն իրենց սկզբունքները, սէրն ու հաւատարմությունը հանդէպ Հայց. Եկեղեցւոյ և Մայր Աթոռ Ս. Էջմիածնի, որ մեզ պահած ու պահպանած է անցեալի և ներկայի բոլոր փոթորիկներու և վտանգներու դէմ:

ԳԻՒԱՆ ԱՌԱՋՆՈՐԴԱՐԱՆԻ

Հովիւում,
2 մարտ 1987 թ.





ԵԿԵՂԵՑԱԿԱՆ ԲԵՄ. ԼՈՒՐԵՐ

Մարտի 29-ին, կիրակի.—Ե կիրակի Քառասնորդական Պահոց (Դատաւորին):

Այսօր Մայր տաճարում, Ավագ ս. սեղանի վրա, ս. պատարագ մատուցեց Ս. Նարեկ քին. Մատարյանը: «Հայր մեր»-ից առաջ քարոզ խոսեց Ս. Կոմիտաս արքեպ. Հովնանյանը՝ «Պարտ է յամենայն ժամ կալ անցա յաղօթս եւ մի ձանձրանալ» (Ղուկ. ԺԸ 1) բնաբանով:

Ս. պատարագին ներկա էր Վեհափառ Հայրապետը:

*
* *

Ապրիլի 4-ին, շաբաթ.—Տօն է Սրբոյն Գրիգորի Լուսաւորչին մերոյ սուկաղի չարանացն և մտին ի Վիրապն:

Այսօր Մայր տաճարում, Իջման ս. սեղանի վրա, օրվա մեծ տոնի առթիւ, ս. պատարագ մատուցեց Ս. Օջական արքեպ. Գլուզյուլյանը:

*
* *

Նույն օրը, երեկոյան ժամը 20-ին, հոգևոր ճեմարանի հանդիսությունների դահլիճում, տեղի ունեցավ գրական երեկո, նվիրված հայ մեծանուն գրող Վիլյամ Սարգսյանի հիշատակին: Երեկոյի ընթացքում ամերիկահայ հայագետ, պրոֆեսոր պրն. Տիգրան Գույումճյանը ներկաներին պատմեց գրողի

կյանքից հետաքրքրաշարժ դրվագներ, ցուցադրվեցին լուսապատկերներ:

Գրական երեկոյին ներկա էին Մայր Աթոռի միաբանությունը, հոգևոր ճեմարանի դասախոսական կազմը և ուսանողությունը: Գրական երեկոյին ներկա էր Վեհափառ Հայրապետը:

*
* *

Ապրիլի 5-ին, կիրակի.—Զ կիրակի Քառասնորդական Պահոց (Գալստեան):

Այսօր Մայր տաճարում, Ավագ ս. սեղանի վրա, ս. պատարագ մատուցեց Ս. Միքայել քին. Կյուրեղյանը: «Հայր մեր»-ից առաջ քարոզ խոսեց Ս. Օջական արքեպ. Գլուզյուլյանը՝ «Վասն ատուրն այնորիկ եւ ժամու ոչ ոք գիտէ, ոչ հրեշտակք յերկինս եւ ոչ Որդի, քայց միայն Հայր: ...Արդ արթուն կացէք, զի ոչ գիտէք երբ տէր տանն գայցէ» (Մարկ. ԺԳ 32, 35) բնաբանով:

*
* *

Ապրիլի 7-ին, երեքշաբթի.—Աւետումն Ս. Աստուածածնի:

Այսօր Մայր տաճարում, Ավագ ս. սեղանի վրա, օրվա մեծ տոնի առթիւ, ս. պատարագ մատուցեց Ս. Եղիշէ ավագ քին. Բաղդամյանը:

* * *

Ապրիլի 8-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի ունեցավ միաքանական հավաքույթ:

* * *

Ապրիլի 12-ին, կիրակի.—Ծաղկազարդ: **Պահք:**

Այսօր Մայր տաճարում, Ավագ ս. սեղանի վրա, ս. պատարագ մատուցեց ուխտավորաբար Մայր Աթոռում գտնվող Ծվեդիայի հայոց հոգևոր տեսուչ գերաշնորհ Ս. Արսեն եպ. Բերբերյանը և «Հայր մեր»-ից առաջ քարոզ խոսեց՝ «Գրեալ է, Տուն իմ տուն աղօթից կոչեցի, եւ դուք արարէք զդա այր աւագակաց» (Մատթ. ԻԱ. 13) բնաբանով:

Ս. պատարագին ներկա էր Վեհափառ Հայրապետը:

* * *

Ապրիլի 16-ին, հինգշաբթի.—Աւագ հինգշաբթի: **Պահք:** Յիշատակ ընթերցեաց Տեառն մերոյ Յիսուսի Քրիստոսի:

Այսօր Մայր տաճարում, Ավագ ս. սեղանի վրա, օրվա մեծ տոնի առթիվ, «միջօրէի» ս. պատարագ մատուցեց Ս. Պարգև արքեպ. Մարտիրոսյանը:

Ս. պատարագի ընթացքում, «Հայր մեր»-ից առաջ, պատարագիչ հայր սուրբը ընթերցեց Ս. Բարսեղ Հայրապետի մեծ ճառը:

Երեկոյան ժամը 17.30-ին Մայր տաճարում կատարվեց «Ուտնույա»-ի կարգը՝ Մայր Աթոռի դիվանապետ Գերաշնորհ Ս. Ներսես արքեպ. Պողոսյանի հանդիսարությամբ:

Հանդիսավոր արարողությանը ներկա էր Վեհափառ Հայրապետը:

Երեկոյան ժամը 19.30-ին «ի գիշերի հսկումն» կատարվեց Վեհափառ Հայրապետի նախագահությամբ:

«Փառք ի բարձունս»-ից հետո քարոզ խոսեց Ս. Աթել արքեպ. Օղլուգյանը՝ «Էլի, Էլի, լամա սաբաթթանի» (Մատթ. ԻԷ 46) բնաբանով (տես էջ 41):

* * *

Ապրիլի 17-ին, ուրբաթ.—Աւագ ուրբաթ: Յիշատակ չարչարանաց և խաչելութեան Տեառն մերոյ Յիսուսի Քրիստոսի:

Այսօր, ժամը 11.30-ին, Մայր տաճարում կատարվեց «Կարգ խաչելութեան» արարողությունը:

Երեկոյան ժամը 18.30-ին, հանդիսարությամբ Մայր Աթոռի դիվանապետ գերաշնորհ Ս. Ներսես արքեպ. Պողոսյանի, կատարվեց «Կարգ թաղման» արարողությունը:

* * *

Ապրիլի 18-ին, շաբաթ.—Աւագ շաբաթ: **Պահք:** Ծրագալոյց Ջատկի:

Այսօր, ժամը 18-ին, Մայր տաճարում, Ավագ ս. սեղանի վրա, հանդիսավոր ս. պատարագ մատուցեց Մայր Աթոռի դիվանապետ գերաշնորհ Ս. Ներսես արքեպ. Պողոսյանը: Պատարագի ընթացքում հանդիսավորությամբ հնչեց Հարության մեծ ավետիսը՝ «Քրիստոս յարեալ ի մեռելոց»:

«Հայր մեր»-ից առաջ բովանդակալից քարոզ խոսեց պատարագիչ արքան հայրը՝ «Զի խնդրեք գլեհղանին ընդ մեռելս, չէ աստ քանզի յարեալ» (Ղուկ. ԻԴ. 5—6) բնաբանով (տես էջ 37):

Ս. պատարագին ներկա էր Վեհափառ Հայրապետը:

Օրվա հանդիսավոր արարողությունից հետո, ժամը 18.30-ին, վանական սեղանատանը Մայր Աթոռի միաբանները և հոգևոր ճեմարանի ուսանողությունը ճաշակեցին Ջատկի մատակարարի ընթերիքը:

* * *

Ապրիլի 20-ին, երկուշաբթի.—Յիշատակ մեռելոց:

Այսօր Մայր տաճարում, Ավագ ս. սեղանի վրա, ս. պատարագ մատուցեց Ս. Եղիշե ավագ. քհն. Բաղդամյանը:

* * *

Ապրիլի 26-ին, կիրակի.—Կրկնագատիկ (Նոր կիրակի):

Այսօր Մայր տաճարում, Ավագ ս. սեղանի վրա, ս. պատարագ մատուցեց Ս. Կոմիտաս արքեպ. Հովնանյանը և «Հայր մեր»-ից առաջ քարոզ խոսեց՝ «Երանի որ հալածեալ իցեն վասն արդարութեան, զի անցա է արքայութիւն երկնից» (Մատթ. Ե 10) բնաբանով (տես էջ 39):

Ս. պատարագին ներկա էր Վեհափառ Հայրապետը:

ԾԱՆՈՒՑՈՒՄ

Մայր Աթոռ Սուրբ Էջմիածնի Դիվանը այսու լիազորված է ծանուցելու ի գիտություն Հայ Եկեղեցու նվիրապետական Աթոռներին և ազգային-եկեղեցական մարմիններին, որ Ամենայն Հայոց Հայրապետի վճռով կարգադրված է արված Էջմիածին քաղաքի Ս. Գայանե վանքի ծիսակատար քահանա Տ. Նշան Բեյլերյանը, որը, դրժելով իր ծառայության ուխտը և լքելով իրեն վստահված հոտը, առանց հարգելի պատճառի և առանց եկեղեցական իշխանությանց արտոնության մեկնել է արտասահման:


Վերոհիշյալ կարգադրված քահանան դասվում է աշխարհականների շարքը իր նախկին Նշան Բեյլերյան անունով:

ԴԻՎԱՆ ՄԱՅՐ ԱԹՐՈՒ

Ո. Էջմիածին,

14 ապրիլ 1987 թ.





ԵԳԻՊՏՈՍԻ ՀԱՅՈՑ ԱՌԱՋՆՈՐԴ Տ. ԶԱՎԵՆ ԱՐՔԵՊՍ.
ՉԻՆՉԻՆՅԱՆԻ ՔԱՐՈՋԸ ՄԱՅՐ ՏԱՃԱՐՈՒՄ
(8 մարտի 1987 թ.)

«Յանուն Հօր և Որդույ և Հոգւոյն Սրբոյ,
ամէն»:

«Թշնամի իմն եղէ ձեզ, զի ստոյգն խօսեցայ» (Գաղ. Դ 16):

«Ավետարանը ձեզի քարոզելուս, պատմելուս համար ձեզի հակառակորդ, թշնամի մկատվեցա», կրսե Պողոս առաքյալ:

Սիրելի հավատացյալ քույրեր և եղբայրներ, Մեծ պահոց կիրակիները գեղեցկորեն ընդելուզված են իրարու՝ հետզհետե իրենց տրամաբանական ավարտին հանգելու և այդ շրջանին հոգեպես պատրաստված հավատացյալները հասցնելու համար Տիրոջ՝ Հիսուսի Քրիստոսի հրաշալի Հարության տոնին: Եկեղեցվո եռամեծ հայրապետները Մեծ պահոց այս շրջանը հատկապես հաստատած են, որպեսզի հավատացյալները հոգևոր պատրաստությամբ, զոջումով և ապաշխարությամբ առ Աստված դառնան: Այդ շրջանին եկեղեցվո սրբապատկերները, խորանը (որ կխորհրդանշե երկինքը և երկնային ողորմությունը) կծածկվին, որպեսզի Ս. Զատկի նախօրյակին վերաբացվին, և երկնքի առատ ողորմությունը բաշխի հավատացյալներուն: Այս շրջանին կկարդացվին աղոթքները, ինչպես Արևազալի ժամերգության, Մաշու ժամու, Խաղաղական, Հանգըստյան արարողությունների առեմ:

Պահեցողությունը Աստված ինքը հաստատեց. «Որ զօրէնս սրբութեան պահոց նախ ի դրախտին հաստատեցէր»: Ցայսօր կարդացված շարականի հեղինակը կրսե. «Ով Տեր, պահեցողության օրենքը կամ սրբության այդ օրենքը դուն նախ դրախտին մեջը հաստատեցիր»:

Մեծ պահոց կիրակիները կհիշատակվին հաջորդաբար: Անցյալ կիրակի Բուն Բարեկեմնան էր, այս կիրակի՝ Արտաքսման. և այսպես հետզհետե կհիշատակվին Անանակին, Տնտեսին, Դատավորին, Գալստյան, Ծաղկազարդի և Զատկի կիրակիները: Արտաքսման կիրակի օրը կնշվի հիշատակը մեր նախածնողքին դրախտեն արտաքսվելուն: Անոնք երկնային դրախտին մեջ հաստատված՝ կապրեին երանական վիճակի մը մեջ: Աստված պատվիրած էր իրենց չմոտենալ արգիլված պտուղին: Բայց անոնք մտիկ չըրին Աստուծո պատվիրանին, մեղանչեցին և արտաքսվեցան դրախտեն: Եվ ո՞վ չի գիտեր, թե մեղքին թոշակը մահն է: Այսպիսով մեր նախածնողքին միջոցով մահը այս աշխարհ մը տավ:

Ադամեն ետքը Հիսուս Քրիստոս եկալ աշխարհ՝ մահը վերացնելու համար: Ադամով մահը աշխարհ մտավ, Քրիստոսով մահը աշխարհեն վերցվեցավ: Ահա այս մեծ դասն է, այս պատգամն է, որ Ար-

տաքսման կիրակին ավետարանական ընթերցմամբ կերեր ի սիրտ և հունկն հավատացելոց:

Սիրելի եղբայրներ և քույրեր, Աստված սեր է և ճշմարտություն: Ամեն ոք, ամեն հավատացյալ պարտի հետևիլ այս ճշմարտության: Ո՛վ չի գիտեր, թե ֆիզիկական կյանքի մեջ վախը ինչ է. անծանոթին երկյուղն է, բայց հոգևոր կյանքին մեջ ադիկա Աստուծո պատվիրաններեն հեռանալ կնշանակե: Մենք ոչ թե Աստուծո պատվիրաններեն կխուսափենք, այլ այն ցավեն, որ գինն է ճշմարտության: Իմ այս խոսքերը կուզեն օրինակներով բացատրել: Կատարահի, որ մեզմե որևէ մեկուն ատամը ցավի և պետք ունենա զայն քաշել տալու: Նախ կվարանի, վասնզի պիտի ցավի: Բայց ատամը քաշելեն ետքը անոր քարերար ազդեցությունը պիտի զգա: Անանկ ալ մեր մեջ չարություն, անպիտանություն, հոռի միտումներ, քեն, ոխ, ատելություն, մախամ, որկրամոլություն, բոջախոհություն արմատ արձակած են, նույնիսկ մեր բնության մաս կազմած են: Զանոնք արմատախիլ ընել, մեզմե ի բաց վանել՝ ցավ կպատճառե, հետևողական աշխատանք կպահանջե: Ծատ մարդիկ կան, որոնք ֆիզիկական աղտեղության մեջ կապրին: Եվ ինչպես որ ֆիզիկական աղտեղության մեջ ապրող մարդիկ կան, այնպես ալ շատ է թիվը անոնց, որոնք հոգեկան աղտեղության, այսինքն մեղքի կյանքին մեջ կշարունակեն ապրիլ: Աստված կատարյալ է և չի հանդուրժեր անկատարության: Եթե ան մեր մեղքերուն վերաբերմամբ ազատամիտ ըլլար, այս աշխարհ պիտի չգար մարմնամալու, մարդամալու և զմեզ փրկելու: Եվ արդեն առ ոտս խաչին կեցողները աղաղակեցին և ըսին. «Իջցե ի խաչէ յադմանէ, և հաւատացուք դմա» («Թող իջնէ այդ խաչեն, որպեսզի հավատանք ադոր»): Որովհետև անոնք փրկիչ մը չէին ուզեր, այլ ուսուցիչ մը, այսինքն կուզեին իրենց մեղքերուն մեջ մնալ, հարատևել, որովհետև արդարացման ճանաճապարհին մեջ մտնելը ճիգ, ջանք, աշխատանք կպահանջե: Գիտակցի, զգալ մեղավոր ըլլալը և ուզել անկե դուրս գալ՝ կնշանակե արդեն արդարության մեջ մըտնել, իսկ գիտնալ ճշմարտությունը, գիտնալ արդարությունը, գիտնալ սրբությունը և հեզմել ու արհամարհել զայն՝ սատանայական է:

Կարճ պատմությամբ ուժեղ և ուսանելի օրինակ մը կուտա Ավետարանը և կըսե. Օր մը երիտասարդ մը ներկայացաւ Հիսուսի և ըսավ. «Բարի Վարդապետ, ի՞նչ

պետք է ընեմ, որ երկնքի արքայությունը ժառանգեմ»: Հիսուս պատասխանեց. «Ինչո՞ւ ինձ բարի կըսես, որովհետև Աստված է միայն բարի», այսինքն՝ իմ բարությունս աստվածային է: Եվ որովհետև, կհավելու Ավետարանը, այս երիտասարդը հազարավոր թեղերով՝ հոռի ցանկություններով, հարստությամբ և այլն, աշխարհին կապված էր, չկրցաւ Տիրոջ՝ Հիսուս Բրիստոսի ետևեն երթալ:

Այս աշխարհի ծանրությունները մեզ ներքև կքաշեն: Ծշմարտությունը խոստովանիլ՝ ցավ պատճառող է, դատապարտող է: Երբ որ Պողոս առաքյալ Ավետարանը քարոզեց, ըսավ. «Ձեզի ճշմարտությունը խոսեցաւ և ադոր համար ձեզի հակառակորդ եղաւ, ձեզի թշնամի եղաւ»: Մարդիկ չեն ուզեր ճշմարտության դեմ-հանդիման գալ. ադիկա ցավցնող է, որովհետև կպատարե իրենց հոռի ընթացքը փոխել և, բնականաբար, ճիգ, ջանք, աշխատանք, հարատևության ոգի կպահանջե: Մարդիկ չեն սիրեր ճշմարտությունը, երբ կիմանան, թե իրենց մեղքերը ծանոթ են այլոց: Անարդար մարդիկ կհեզմեն, կծաղրեն բարիները, վասնզի բարին չար մարդոց հերքումն իսկ է:

Դարձյալ Ավետարանն հիմնալի օրինակ մըն է Հերովդես թագավորի պատմությունը: Երբ որ մարգարեներու վերջինը և առաքյալներու առաջինը՝ Հովհաննէս Մըրտիչ, Հերովդեսի պալատը կանչվեցաւ որպէսզի այնտեղ քարոզե, ան շատ կարճ, բայց ցնցիչ կերպով մատնացուց ըրավ թագավորը և ըսավ. «Արդար չէ, բնավ ճիշտ չէ, որ եղբորդ կնոջ հետ կենակցիս»: Եվ նույն հետալն շղթաներու մեջ դրվեցաւ և ապա գլխատվեցաւ: Չարերը չեն կրնար հանդուրժել բարիներուն և ուրեմն կուզեն զանոնք մեջտեղեն վերցնել: Ժիշտ ինչպես ավագակները, որոնք կգործեն մութին մեջ և չեն անոթի, որ քրնճիչներու լուսարձակները իրենց վրա բացվին: Երբ գորշ գույնով զավաթի մը մեջ քիչ ջուր դնենք և մալիք, կտեսնենք, որ ջուրը գորշ կերևի, բայց գիտենք, որ այդպես չէ: Երբ Աստուծո ողորմությունը, Աստուծո անսահման բարությունը, Աստուծո ճաշմարտությունը մեղավոր մարդերուն մարմնին մեջ մտնեն, կփոխակերպվի ըստ մեղավորներու և կդառնա վրիժառություն:

Սիրելի հավատացյալներ, անհրաժեշտ է մեր մեղանշումներեն դուրս գալ, հոռի սովորություններն ու վարժությունները ի բաց վանել: Մեծ պահոց բառաստօրյա այս ջրը-ջանը հաստատված է հատկապես ինքնաքննության, զիղջի, ապաշխարության և

առ Աստված դառնալու համար: Պատմության ընթացքին ճշմարտությունը մեկ անգամ անձնավորվեցավ, և աղիկա եղավ այն ատեն, երբ Հիսուս ըսավ. «Ես եմ ճշմարտություն և կյանք»: Հայնմհետե դադրեցավ ճշմարտություն ըլլալե և դարձավ կրոնական, փիլիսոփայական դրություն, կյանքը ապրելու եղանակ, կյանքը ապրելու կերպ: Եվ ասոր համար չէ՞, որ կրես Հիսուս. «Որ ունիցի ունկն լսելոյ, լուիցէ» («Ով որ ականջ ունի լսելու, թող լսէ»), «և որ լսէ զբանս իմ, եկեսցէ զկնի իմ» («և ով որ կլսէ իմ խոսքերս, իմ ետևես պետք է որ գա»): Դուրիսն է բոլորիս համար երևակալել սարավանջին վրա կամ հովիտին մեջ արածող ոչխարներու հոտը: Կպատահի, որ անոնցմե ոչխար մը կամ գառնուկ մը ջրախառն փոսի մը մեջ իյնա: Այնտեղ կմայն, որպեսզի հովիվը գա և զինքը այդտեղեն դուրս հանե, որովհետև այդ ցեխաջուրը գառնուկին տեղը չէ: Եվ իրոք հովիվը կուգա վերցնելու գան: Մենք ալ՝ բանավոր էակներս, երբեմն մեր գործած հանցանքներուն, մեղքերուն, թերություններուն, վրիպումներուն բացա՝ փոսերուն մեջ կիյնանք: Մեր Փրկիչը միայն, իբրև հովիվ, իր ձեռքը կերկարե՝ մեզ մեր մեղքերուն մեղեդությունեն դուրս հանելու և արդարության աստիճաններեն ասնողամատ առ անողամատ առ Աստված բարձրացնելու համար: Բայց մենք՝ մարդկային արարածներս, միշտ ինքզինքնիս կարդարացնենք կամ արդարացնելու կերպ մը կգտնենք առ այն, որ, այո, մեր թերությունները, ապիկարությունները, մեղքերը, սովորությունները, որոնք մեզ կառաջնորդեն կորստյան, բաց պիտի վանենք, արդարության ճանապարհին մեջ պիտի մրսանենք, բայց տարիները կանցնին, ժամանակը կսահի, և մենք կմնանք մեր վարժության տիղմին մեջ, մեր մեղքերուն մեջ: Կրնա՞ ըլլալ, որ մարդ խոշոր գետի մը մեջ իյնա և գետին սահանքը զինք ստուգապես մահվան տանելու պարագային իրեն երկարող ազատարար ձեռքը մերժե: Անշուշտ ոչ: Բայց մեղքերու փոսին մեջ ինկնող հավատացյալը երբեմն իր Փրկչին ազատարար ձեռքը չընդունիր: Ոչխարը անբան է, իր մայրնով հովիվը կկանչե, իսկ մենք բանականությամբ ստեղծված Աստուծո արարածներն ենք, չարը գիտենք, բարին գիտենք, բայց տևաբար կմիտինք չարը գործելու: Այդպես չեղա՞վ մեր նախածնողքին պարագան, երբ պատմության դրախտին մեջ կգտնվեին: Անոնք Աստուծո

պատվիրանը անաստեցին, հաստատված պահեցողությունը առ ոչինչ սեպեցին և մահը մոցուցին այս աշխարհ: Մենք ևս, մեր ակումներով, մեր որկրամոլությամբ մեր գերեզմանը կփորենք: Եվ ինչպիսի՞ մեղքերով Փրկչին մեզի երկարող ձեռքը կմերժենք, ճշմարտության ձայնը չենք ուզեր լսել:

Սիրելիներ, այսօր, Արտաքսման կիրակի օրը, հանդիսավորությամբ եկանք Միածնի իջման հայոց այս սրբատեղին, որպեսզի մեր սրտերը բանանք երկնավոր մեր Հորը ճշմարտության, բարության, արդարության, գթության և ողորմածության՝ ըսելու համար. «Ո՛վ Տեր, մեզ մաքրագարող, ներքնապես շնորհագարող, որպեսզի կարենանք արդարացյալ հոգիով քեզի գալ՝ ժամանակելու արքայությունը, որ ժամանակներու սկիզբեն հաստատեցիր մեզ բոլորիս համար: Անառակացյալ զավակներու մեմք քեզի կուգանք, որպեսզի վերստին սրդարության պատմության հագցնես մեզի, սրբության մատանին անցնես: Ո՛վ Տեր, կաղաչենք քեզի, որ սուրբ և անմահ այս պատարագի միջնորդությամբ և Սուրբ կույս Աստվածածնի բարեխոսությամբ խաղաղությունը շնորհես Մերձավոր Արևելքի երկրներուն, ուր բազմահազար հայեր կապրին: Հայոց աշխարհի սահմանները միշտ անվտանգությամբ պաշտպանես և մեր ժողովուրդը հառաջադիմության և շինության մեջ պահես: Ո՛վ Տեր, մեր աղոթքներուն մրմունջները որպես խումկ երկինք կբարձրացնենք, որպեսզի առողջություն և երկար կյանք պարգևես Ամենայն Հայոց Հայրապետին՝ Նորին Սուրբ Օծություն Տ. Տ. Վազգեն Ա կաթողիկոսին: Կաղաչենք քեզի, ո՛վ Տեր, որպեսզի հաստատուն և անշարժ պահես սրբությունը սրբոց Մայր Աթոռ Ս. Էջմիածինը, անասան և ամուր պահես Հայաստանյայց մեր Մայր Եկեղեցին ամենուրեք, շնորհով զորացնես եկեղեցվոր մանկունքը և նոր հովիվներ հարուցանես, որպեսզի շեն և պայծառ ըլլան հայոց եկեղեցիները: Ո՛վ Տեր, կաղաչենք քեզի, որպեսզի մեզ վերստին որդեգրության շնորհին արժանացնես, ինչպես այսօր այս սուրբ պատարագին մեջ, այնպես ալ հավիտենական երանության դրախտին մեջ, ուր հարազվարճ բերկրությամբ աստվածտեսության պիտի արժանանանք՝ այնտեղ ևս կարենալ ըսելու և փառավորելու համար գանուն Ամենասուրբ Երրորդությունն, որ է օրհնյալ հավիտյանս հավիտենից. ամեն»:



ՆԵՐՍԵՍ ԱՐՔԵՊԻՍԿՈՊՈՍ ՊՈԶԱՊԱՆՅԱՆ

ՔԱՐՈԶ

(Ավագ շաբաթ, 18 ապրիլ 1987 թ.)

«Յանուն Հօր եւ Որդոյ եւ Հոգւոյն Սրբոյ. ամէն»:

«Զի խնդրէք զկենդանին ընդ մեռեալս, չէ աստ քանզի յարեաւ» (Ղուկ. ԻԴ 5—6):

Սիրելի հավատացյալներ,

Մեր Տիրոջ Հիսուս Քրիստոսի հրաշափառ Հարության Մրազալույցի այս երեկոյան, եկեք մտովի փոխադրվենք մոտավորապէս երկու հազար տարի ետ Երուսաղեմ, ուր յողաքեր կանանց հետ ականատես վկաները լինենք Հիսուսի կենսատու Հարության փաստին: Ինչպէս Ավետարանն է վկայում՝ յողաքեր կանայք, կիրակի առաւոյտի շատ վաղ գնում են Հիսուսի գերեզմանը այցելելու, նրա մարմինը, համաձայն տեղական ընդունված սովորության, խնկով օծելու և կտավով պատելու:

Նրանք երկյուղով և զարմանքով նկատում են, որ վիմափոր դամբանի դուռը բաց է. մտածում են, թե արդյոք ո՞վ է իրենցից առաջ եկել ու գլորել դամբանի ծանր քարը: Ներսում չեն գտնում Հիսուսի մարմինը: Ահաբեկված՝ վազում են դէպի Երուսաղեմ՝ եղելությունը Հիսուսի աշակերտներին հայտնելու համար: Պետրոս և Հովհաննէս առաքյալները շտապ գալիս են

գերեզման և երբ ներս են մտնում, այնտեղ նկատում են Հիսուսի գլխի վարշամակը ծալված և այլ կտավների հետ մի կողմի վրա դրված: Տեսնում են նաև կանգնած երկու հրեշտակների՝ մեկը սնարի և մյուսը ոտքի կողմը: Նրանք հայտնում են եղելությունը՝ ասելով. «Ինչո՞ւ եք ողջին փնտրում մեռելների մեջ. այստեղ չէ, որովհետև հարություն առաւ»:

Այս գոտեպնդող հայտնությունից հետո Ավետարանը մի շատ գեղեցիկ պատկեր է բացում մեր աչքերի առաջ. Մարիամ Մագդաղենացին, առանձին, գերեզմանատան պարտեզում հուսահատ ու մտամոլոր ման էր գալիս՝ մտածելով, թե ո՞վ կարող էր գիշերով Հիսուսի մարմինը դամբանից գողանալ: Այդ պահին մի ձեռք թեթև դիպչում է նրա ուսին, և Մարիամը ետ դառնալով ու կարծելով, թե այն պարտիզպանն է, լացակումած և աղերսելով հարցնում է նրան. «Իմ Տերը գերեզմանում չէ, արդյոք չե՞ք ասի, թե ո՞ր տարան նրան, որպէսզի գնամ և օծեմ նրա մարմինը»: Հավանաբար Մարիամը, շատ էր հուզված, այդ պատճառով էլ չճանաչեց իր Տիրոջը: Հիսուս նրան ասում է. «Մարիամ: Մարիամը սթափվում է և ճանաչելով Տիրոջ ձայ-

նը ցնծությամբ գոչում է «Վարդապետ»։ Նա տեսնում և ճանաչում է հարուցյալ Փրկչին։ Հիսուս ինքն է բացահայտում իր ինքնությունը նրան և պատվիրում, որ գնա հայտնի իր աշակերտներին, որ շուտով միանալու է նրանց։

Արդյոք մեր կյանքի և բնության պատկերը, որ ամեն տարի կրկնվում է, մնան չէ՞ Քրիստոսի Հարության խորհրդին։ Այժմ մենք բոլորս կարող ենք վկայել, որ մեռն անցավ, եկավ զարունը, մեռյալ բնությունը զարթոնեց իր քնից, ծառերը ծաղկեցին, դաշտերը զարդարվեցին կանաչ մարգախոտերով, անվակները քաղցր խոխոջով ակեցին հոսել, ծիծեռնակները պանդխտությունից վերադարձան իրենց նախկին բները, դաշտերում գեղեցիկ ծաղիկներ, հովիտներում շուշաններ բացվեցին, և բնությունը վերստին հարյալ մեռելությունից, թոթափեց մահվան միջը, ոտքի ելավ ու կենսայի ժպտաց։

Մի քանի օր հետո ապրիլի 24-ն է գալու, հալ ժողովրդի մեծ Գողգոթայի հիշատակի օրը։ Մենք բոլորս միանաբար ուխտի ենք գնալու Ծիծեռնակաբերդի Եղեռնի հուշակոթողին՝ աղոթելու և մեր նահատակների հիշատակը հարգելու համար։ Նրանք մեռան վասն հայրենյաց, որպեսզի հալ ժողովուրդը ապրի։ Նրանք գերեզմաններ չունեցան և չունեն, որովհետև նրանք հարություն առան մահվանից մեր ժողովրդի և մեր Հայաստանի հետ։ Նրանք պատուեցին իրենց պատանքները և ապրում են մեզ հետ ու մեր մեջ հավիտյան։ Նրանք մմանվեցին Ավետարանում հիշատակված պարարտ հողի մեջ ընկնող և


մեռնող ցորենի հատիկին, որ բազմապատկվում է երեսունով, վաթսունով և հարյուրով։

Միքելի հավատացյալներ, քրիստոնյայի համար Քրիստոսի հրաշափառ Հարության խորհուրդը անհամեմատ ավելի խորն է, քան մեր կյանքի կամ բնության վերագարթոնքի ու նահատակների ոգեղեն ներկայության գաղափարները։ Իր նմանությամբ Քրիստոս հարություն է տալու իր հավատավոր հոտի անդամներին, ինչպես մեր Եկեղեցու «Հավատո հանգանակ»-ում միջտապես կրկնվում է. «Ի յարութիւն մեռելոց...»։

Քրիստոսի Հարության գաղափարը հանդիսանում է քրիստոնեական վարդապետության հիմքն ու խարիսխը։ Առանց Հարության հույսի, առանց անդենական կյանքի և վերջին դատաստանի վարդապետության, քրիստոնեությունը չպիտի կարողանար խորապես արմատավորվել բազմամիլիոն մարդկանց հոգիներից ներս։

Պողոս առաքյալը՝ քրիստոնեական Եկեղեցու մեծ ջատագովը, իրավամբ ասում է. Եթե Քրիստոս հարություն առած չլիներ, մեր քարոզությունը և ձեր հավատքը իզուր պիտի կորչեին (Ա. Կորնթ. ԺԵ 14)։

Հրաշափառ Հարության այս երեկոյան, յուրաքեր սուրբ կանանց մման մենք էլ Քրիստոսի աստվածային փառքով լցված՝ փառաբանենք հարուցյալ Փրկչին և հոգեվոր խնդությամբ իրար Հարության ավետիսը տանք՝ ասելով. «Քրիստոս յարեալ ի մեռելոց» և «Թրհմեալ է Յարութիւնն Քրիստոսի»։ ամեն։





ԿՈՄԻՏԱՍ ԱԲԵՂԱ ՀՈՎՆԱՆՅԱՆ

Ք Ա Ր Ո Ջ

«Երանի որ հալածեալ իցեն վասն արդարութեան, զի նոցա է արքայութիւն երկնից» (Մատթ. Ե 10):

Սիրելի հավատացյալ ժողովուրդ,

Ահա Լեւան քարոզի երանելիներից մեկը, որ պատգամեց մեզ Քրիստոս իր քարոզության սկզբնական շրջանին՝ դնելով հիմնաքարը այն նոր կրոնի, որը պիտ կոչվեր քրիստոնեություն: Ովքե՞ր էին նրանք, որոնց երանի պիտի տրվեր, ո՞ւմ էին վերաբերում այդ երանությունները՝ «աղքատաց հոգով, սգաւորաց, հեզոց, որ քաղցեալ և ծարաւի իցեն արդարութեան, ուղորմածաց որ սուրբ են սրտիւք, խաղաղարարաց որ հալածեալ իցեն վասն արդարութեան, որ նախատիցին և հալածիցին վասն Քրիստոսի»: Ահա ովքեր որդեգիրներն են այս ամենի, նրանք են, որ պիտի արժանանան հավիտենական երջանկության: Քրիստոսի հարության հաղթանակը նրանցն է և ոչ այլոց:

Մի քանի օրեր են մեզ բաժանում այն ցնծագին պահից, երբ սգակիր քրիստոնյա աշխարհը ցնծության աղաղակով ընդհատեց անդորրը գիշերային՝ թե՛ «Քրիստոս յարեալ ի մեռելոց»: Մարդկային պատմության ամենամեծ հրաշքը, երբ մահվան սարսափը վերածվեց հավիտենականության երջանիկ զգացողության և հարության իրադեպով մի նոր ընթացք

ապրեց մարդկությունը՝ նոր գիտակցությամբ և նոր կյանքով:

Այսօր կրկնազատիկ է կամ նոր կիրակի, նոր՝ հանութ քրիստոնեության համար, որովհետև Քրիստոսի հարությամբ իմաստավորվեց կիրակին իբրև տերունական օր, հարության օր, քանի որ Հին Կտակարանում տերունական օրը շաբաթն էր, իսկ Քրիստոսի հարությամբ՝ դարձավ կիրակին: Սակայն կարծում եմ մեզ համար, հայերին համար, կարևոր է նաև կրկնազատիկ հասկացողությունն այսօր: Ապրիլյան մի քանի օրեր, և ինչպիսի ապրումներ իրար հակասող, սակայն և իրար լրացնող. քրիստոնեական զատիկ, հայոց կոտորածի հիշատակ և կրկնազատիկ: Յուրահատուկ խորհուրդ կա այս երրորդության մեջ՝ խորհուրդ, որ տրվեց մեզ Քրիստոսի հարությամբ, պարտադրվեց մեզ եղեռնական մահով և հաստատվեց ազգային հարությամբ:

Երկու օր առաջ, երբ ապրիլ 24-ի օրացուցային թերթիկը ուխտի և երդումի ոգի էր խտացրել իր մեջ, երբ յուրաքանչյուր հայ, սգո արցունքն աչքերին, խոնարհած հոգով բարձրանում էր դեպի Օծեռնակաբերդի մեծ խորհուրդը՝ Եղեռնի հուշարձան, մեր մտքում անշեշ կրակի մման բոցավառվում էին Քրիստոսի խոսքերը՝ «Երանի նրանց, որ արդարության համար են հալածվել, որովհետև նրանցն է Աստուծո

արքայությունը»։ Ո՛վ կարող է այս ճշմարտությունը ծխտել, ո՛վ կարող է հակառակվել այն փաստին, որ երկու միլիոն հայ կոտորվեց հանուն իր արդարության ձրգտումի, կոտորվեց օրը ցերեկով, միայն այն քանի համար, որ ուզում էր իր պապենական հողի վրա ապրել իր հավատով, իր մարդկային իրավունքներով, իր ազատությանը, իր ստեղծարար ոգով, որովհետև նա չէր ուզում կոտորել, չէր ուզում ավերել, չէր ուզում ոչնչացնել, այլ՝ ստեղծել, երկնել, քանզի հրաբուխ էր նրա հոգին, որ մշակույթ էր ծայրքում։ Երիտթուրքերի ձեռքը ուզեց խափանել երկունքը հայի, հրամայելով «կոտորած, կոտորած և կոտորած» (Սիամանթո)։ Թափվեց արյունը անմեղ զոհերի, կին թե ծերունի, ահել թե ջահել։ Եվ կոտորվում էր ազգը մեր հայոց այն անխախտ հավատքով, որ իր արդարությամբ պիտի ժառանգի դրախտն աստվածային, քանզի այդ էր պատգամը։ Անհնար է կոտորել մի ազգի, որը փյունիկի հոգի ունի։ Եվ այդ հոգին հարություն առավ, դարձավ ժողովուրդ, իրականություն, դարձավ Խորհրդային Հայաստան։

Բազում անգամներ ենք մենք ֆիզիկապես պարտվել, սակայն հոգեպես, բարոյապես հաղթել ենք, որովհետև արդարության ոգին, գիտակցությունը, ապրում է մեր մեջ։ Մենք հավատացած ենք, որ արդարության համար նահատակված մեր ժողովրդի երկու միլիոն զավակների հոգիները գտնվում են Աստուծո արքայության մեջ, իսկ մենք, իբրև ճշմարիտ և կենդանի ժառանգորդներ պիտի ջանանք նույն ոգով, անխախտ վճռականությամբ դրախտ կառուցել Խորհրդային այս փոքրիկ Հայաստանում, այս քարքարոտ, մեր նահատակների արյունով շաղախված այս հողակտորի վրա, որպեսզի երկրային դրախտից դեպի երկնային դրախտ անցումը դառնա կատարյալ։

Կրկնազատիկ է, հայոց հոգու հարության կիրակին։ Եթե մեկ շաբաթ առաջ՝ ուրբաթ, Քրիստոսի թաղման խորհուրդը հետո իմաստավորվեց հարությամբ՝ Չատիկով, ապա ուրբաթ՝ Ապրիլ 24-ին, հայոց «թաղման» խորհուրդը իմաստավորվեց մեր հարությամբ՝ կրկնազատիկով, որն իրականացավ Սարդարապատով և ապա Նոյեմբեր 29-ով։ Եվ պիտի գիտակցենք այս ու դարձնենք համոզում, և այդ համոզմամբ պայքարենք կառուցելով, ստեղծելով, երկնելով, մեր գիտակցական գոյությամբ ապացուցելով աշխարհին, որ մենք չենք ծնվել կոտորվելու համար, այլ՝ ապրելու և ստեղծագործելու։ Եվ այսօր կրկնազատիկի այս սուրբ պատարագին, երդում տանք հայոց Աստծուն, որ երբեք պիտի չմարի մեր մեջ հիշատակը մեր սուրբ նահատակների։ Նրանց երազանքները իբրև փարոս ունենալով ընթանանք կյանքում, որպես արդարության մեծ վկաներ։

Աղոթենք առ Աստված, որ բարձրյալն իր արդարության ոգին ներարկի մեզանից յուրաքանչյուրին, որպեսզի այդ արդարությամբ աղեցուն՝ դառնանք որդիները խաղաղության, քանզի առանց արդարության գաղափարի անհնար է ստեղծել խաղաղություն հանուր աշխարհում։

Աղոթենք, որ Աստված պահի, պահպանի ժողովուրդն ու հայրենիքը մեր սուրբ և վերածնված, անասան պահի միմունքը Ս. Էջմիածնի և հանուր հայաստանյայց Եկեղեցու և օրհնի նրա Հովվապետին՝ մեր օրերի նոր Մովսես մարգարեին, որն առաջնորդում է հայ հոգիներին դեպի ճշմարիտ հավատ և հայրենասիրություն՝ հանդիսանալով ոգեղեն կամուրջը ընդմեջ Սփյուռքի և Հայոց աշխարհի։

Աստվածային սերն ու միասնականության ոգին թող հարատև ուղեկիցը լինի ձեր և աշխարհասփյուռ հայ ժողովրդի, աշփրմ և միշտ հավիտյանս. ամեն։





ԱՐԵՒԼ ԱՐԵՂԱ ՕՂԼՈՒԴԱՆ

Ք Ա Ր Ո Ջ

«Էլի, Էլի, լամա սաբաթթանի» (Մատթ. ԻՇ 46):

«Աստված իմ, Աստված իմ, ընդե՛ր թողեր զիս»:

Իմ շատ սիրելի հավատացյալ ժողովուրդ հայոց,

Այսօր, Հայաստանյայց Առաքելական Սուրբ Եկեղեցին հիշատակելով կատարում է մեր Տիրոջ և Փրկչի Հիսուսի Քրիստոսի մատնության, չարչարանաց, խաչելության ու թաղման կարգը: Մենք հավաքվել ենք այստեղ արդիական զգալու շուրջ երկու հազար տարիներ առաջ Գողգոթայի բարձունքին տեղի ունեցած պատմական մի դեպք, մի իրողություն՝ Հիսուս Նազովրեցու խաչելությունը: Մի մարդ, որ հավակնում էր Աստուծո արքայության գալուստը ավետել մեզ, մեր մեղքերին թողություն շնորհել և ի վերջո ինքն իր անձը «Որդի Աստուծոյ կենդանույ» ըմբռնել: Նա խաչի վրա խառագույնս պատժվեց, որովհետև նրա ավետիսը իր ժամանակակիցների կողմից որպես հանդուգն մի աստվածահայհոյություն՝ մեկնաբանվեց: Սակայն նրա կրած անեծքն ու մահը մեղավոր մարդկության համար Աստուծո կողմից փոխվեց

հավիտենական օրհնության և կյանքի: Անարգանքի գործիքը հարգանքի և օրհնության, իսկ մահը՝ հավիտենական կյանքի վերածվեց: Ի՞նչ է քրիստոնեական մահվան, բայց բազում արդյունք տվող և իրական կյանքի վերածվող մեռնող հացահատիկի տրամաբանությունը:

Նախ պետք է ըմբռնենք, թե քրիստոնեական հավատքի տեսանկյունից ի՞նչ է ընդհանրապես մահը, որպեսզի կարողանանք քալլ առ քալլ առաջնորդվել այսօրվա խորհուրդին մեջ:

Յուրաքանչյուր անհատ կարող է իր մարդկային գոյության և մահվան, իր անցողականության հիմքի վրա ինքն իրեն հետևյալ հարցումը տալ. «Ես չկայի, հիմա կամ և չեմ լինելու: Որտեղի՞ց եղա, ինչո՞ւ համար կամ, ո՞ր եմ գնալու և ի՞նչ եմ լինելու»: Մարդկային էական այս հարցումների պատասխանը Հիսուս իր սուրբ կյանքի և իրականության անօրինակ օրինակով մի անգամ ընդմիշտ տվեց:

«Չկայի, հիմա կամ և չեմ լինելու» կյանքի իրողությունը կարծես մեր մեջ այն համոզմունքն է գոյացնում, թե ամեն գոյ ռընձությունից է ծնվում, գոյանում, առժամա-

նակ մի, վերստին դեպի չգոյություն վերադառնալու համար: Սակայն քրիստոնեական հավատքը ըմբռնելի է դարձնում մեզ, որ ամեն գոյ և ամեն կյանք Աստուծո հավիտենական գոյատվությունից կամ կենսատվությունից է ծնունդ առնում: Յուրաքանչյուր կյանք լինում է կատարելապես ինքնատիպ՝ Աստուծով և մահվան միջոցով, մահը որպես վերջնագույն նախապայմանն և որ հնարավորությունների և նոր կյանքի, որով մարդս վերստին դառնում է առ Աստված: Այսպիսով, ոչնչությունը՝ որտեղից ծնվում և որտեղ մահվան միջոցով և մահվանից հետո լինում ենք մենք, դառնում է կատարելապես դրական: Այս իրողության բնագիտական ըմբռնումը մեր հնարավորությունների մեջ չի կարող լինել. բայց հավատքի տրամաբանությունը հատկապես հասկանում է դրական այս ոչնչությունը կամ չգոյությունը, որի մթության մեջ Աստուծո իրականությունն է թաքնված: Այս հիմքի և փորձառության վրա եկեղեցու մեծ սուրբերից մեկը մահը կոչում է «եղբայր իմ մահ»:

Սակայն մարդս այս դրական չգոյությունից բացի գիտի նաև բացասական մի չգոյության մասին, որ առաջանում է մեղքի միջոցով, երբ մարդս իր հնարավորությունների ազատության մեջ, իր ծայրահեղ խստասրտությամբ մերժում է աստվածայինը: Մեղքը ոչ միայն մարդու և Աստուծո միջև գոյություն ունեցող կյանքի պորտալարն է պոկում, այլ նա մարդուն ինքն իր մեջ այլասերելով դարձնում է նրան իր եղբայրների ու քույրերի նկատմամբ մի գալ, մի հրեշ:

Այս բացասական ոչնչության կամ չգոյության իրողության առջև մարդ արարածը զգում է իր մեջ իր գոյությանը կամ իր անձին սպառնացող վտանգի նախատրված մի վախ. վախի բոլոր արտահայտությունների աղբյուրը՝ մեր գոյությունը կորցնելու վախի հիմքի վրա կարելի է հասկանալ:

Գեթսեմանիի գիշերվան մեջ Հիսուս չարաբանաց և խաչելության մոտալուտ մահվան անխուսափելի իրողության առջև կատարյալ անորոշության է մատնվում: Կարծեք վախը տիրապետում է նրան, մինչդեռ նա վախի ամբողջ իրականությունից արյուն է քրտնում: «Սիրոս տխուր է մահու չափ, վախենում եմ մահից, — խոստովանում է Հիսուս և աղերսում Աստուծո, — Աբբա, հայր իմ, այս բաժակը՝ մահը, հեռացրու ինձից»: Ահավասիկ Հիսուսի կյանքում ևս մի իրողություն, որտեղ բացահայտվում է նրա այնքան մարդկային լինելը, մարդը՝ այնպես ինչպես որ է: Այլապես, ինչպես

անսխալականությունը, նույնպես և բացարձակ անվախությունը՝ հավատար է անմարդկայնության:

Բայց Գեթսեմանիի գիշերվան մեջ, Հիսուսի մոտ մի ուրիշ իրողություն էլ ենք զգում: Վախի հետ զուգընթաց և վախից էլ զորեղ, հանդես է գալիս նրա մոտ անսահման ապրումը սիրո, որ հաղթում է վախին. սեր հանդես աշխարհին, սեր հանդես մեղավոր մարդկության: Եվ քանի որ Հիսուսի խաչելությունը խորհուրդ խորհին էր մարդկային փրկության, հետևաբար իր անսահման սիրուց մղված ասում է Հիսուս, «Հայր, ոչ թե իմ ցանկությունը, այլ Քո հայրական խորհուրդը, թող Քո հայրական կամքը մեղքի կապանքների մեջ հեծող մարդկության նկատմամբ՝ իմ միջոցով կատարվի»:

Ինք մեր անմեղ էր, առաքյալի խոսքերով՝ «Մեղքի և անեծքի է վերածվում»: Նա ստրկանալով, իր վրա է վերցնում մեղքի ճիւղանների մեջ հեծող մարդու ստրկությունը: Մեղանշող մարդը այլևս պատկերը չէ Աստուծո: Նա ինքն իր մեջ և իր աստվածամասնության մեջ այլևս արժեք չի ներկայացնում, այլ նա դառնում է մեղքի ստրուկը: Հիսուս այս ստրկությունը կամավորապես իր վրա է վերցնում, որպեսզի փրկագործության խորհուրդը՝ «Գառն Աստուծոյ, որ բառնայ զմեղս աշխարհի» իրականացնե: Նա ցանկանում է մեղքի հետևանքով առաջացած մարդկային անորոշության ամենախոր հատակը իջնել: Նա ցանկանում է Աստուծո կենսատու ներկայությունից այն կողմ, մարդկային մեղքի ստեղծած Աստծուց լքվածության ամբողջ ահավորությունը զգալ ու ապրել: Նա ցանկանում է բոլոր մեղավորների հետ և բոլոր մեղավորների փոխարեն, իր էության խորքից բացականել. «Էլի, էլի, լա՛մա սաքաքթանի»: «Աստված իմ, Աստված իմ, ընդեր թողեր զիս»:

Սակայն Աստծուց լքվածության զուգահեռ, Հիսուսի մոտ հանդես է գալիս նրա աստվածմոտիկության խորագույն համոզմունքը: Եվ արդյո՞ք տառապող արդարը, որպիսին էր Հիսուս, աստվածարդարացման և աստվածհայտնության դրական պատասխանը պետք չէ որ գտներ: Խաչի վրա Հիսուսի վերջին խոսքերը միանգամ ընդմիջտ հատակ են դարձնում Աստուծո ներկայությունը և նրա մոտիկությունը մեզանից յուրաքանչյուրին մեր կյանքի բոլոր հանգրվաններում: «Աստված իմ, քո ձեռքերի մեջ եմ ավանդում իմ հոգին: Այնպես ինչպես երեխան իր մոր գիրկն է նետվում իրեն կանխատրված այն զգացումով, թե


նա իր մոր ձեռքերում իր ամբողջ ապահովությունն է գտնելու, նույնպես և ես մահվան մեջ և մահվան միջոցով իմ կանխատու հավատքով Քո գիրկը, Քո ձեռքերի մեջ եմ ավանդում իմ հոգին, որպեսզի այսուհանդերձ Քո մեջ և Քեզ հետ հավիտենապես լինեմ»:

Սիրելի հավատացյալներ, այսօր խոսքերս մանավանդ ձեզ եմ ուղղում, դուք, որ խոտներում հավաքվել եք այստեղ, մեզ հետ ոգեկոչելու հիշատակը մեր Տիրոջ և Փրկչի՝ Հիսուսի չարչարանաց, խաչելության և մահվան կարգը, թող այս արարողությունը ձեզ մոտ պարզապես անցողիկ ինչ որ զգացական ապրումների չվերածվի: Ռոմանտիկ զգացումներից այն կողմ բոլորովին մի ուրիշ ճշմարտություն գոյություն ունի: Թափանցեք, ներհայեցեք դուք

ձեր խորքը և եթե կարող եք, գերազանցեք դուք ձեր հոգվույն խորքը, որպեսզի դուք ձեր իրական արժեքն ու ճշմարտությունը գտնեք ձեր հոգիների մեջ, որ է Աստված: Թող այսօրվա խավարումը գիշերվա լինի ձեր հոգիներում Քրիստոսի հետ հանդիպումի և վերածնունդի «յուստ առավոտը»: Ուզում եմ, որ դուք այստեղից դատարկաձեռն տուն չգնաք, այլ ձեզ հետ տանեք մի ճշարար այսօրվա սուրբ խորհրդից Քրիստոսի: Թող խաչեցյալն Քրիստոս օրհնի ձեզ և բոլորիդ և իր Սուրբ Հոգով հուսավառի ձեր հոգին, իր հավատքով գոտեպնդի ձեզ, այժմ և հավիտյանս, ամեն:

«Ծնորհք, սէր և խաղաղություն Տեսնոն մերոյ Յիսուսի Քրիստոսի, եղիցին ընդ ձեզ, ընդ ամենեւեւանդ»:





ԱՐԱՐԱՏՅԱՆ ՀԱՅՐԱՊԵՏԱԿԱՆ ԹԵՄՈՒՄ

Փետրվարի 16-ին, երկուշաբթի օրը, Արարատյան հայրապետական թեմի առաջնորդական փոխանորդ գերաշնորհ Ս. Գարեգին եպիսկոպոս Ներսիսյանի հրավերով, Երևանի Ս. Սարգիս եկեղեցում սուրբ պատարագ մատուցեց Ս. Էջմիածնի Մայր տաճարի լուսարարապետ գերաշնորհ Ս. Հուսիկ արքեպիսկոպոս Սանթրուքյանը:

«Հայր մեր»-ից առաջ սրբազան հայրը քարոզեց ժողովրդին՝ ևս մեկ անգամ ներանց հոգիներում արթնացնելով Ս. Սարգիս գորավարի և իր որդու՝ Մարտիրոսի մարտիրոսության պատմությունը: Սրբազանը գեղեցիկ և բովանդակալից կերպով ներկայացրեց առաջին քրիստոնյա վկաների մարտիրոսության նշանակությունը քրիստոնեական գաղափարների հաղթանակի և ամրապնդման համար:

Պատարագին ներկա էին թեմի առաջնորդական փոխանորդ Ս. Գարեգին եպիսկոպոս Ներսիսյանը, քահանայից դասը և բազում հավատացյալներ:

*
* *

Փետրվարի 22-ին, կիրակի օրը, առաջնորդանիստ Ս. Սարգիս եկեղեցում ս. պատարագ մատուցեց Աղրբեջանի հայոց թեմի առաջնորդ Ս. Անանիա եպիսկոպոս Արաքսյանը:

«Հայր մեր»-ից առաջ առաջնորդը սրբազանը իր քարոզի մեջ հավատացյալներին պատմեց Աղրբեջանական հանրապետությունում գործող հայ եկեղեցիների ներկա վիճակի մասին, փոխանցեց Աղրբեջանի հայ համայնքի եղբայրական ողջույններն ու բարի մաղթանքները:

Այնուհետև սրբազանը ամփոփ և գեղե-

ցիկ կերպով ներկայացրեց սույն թվականի փետրվարի 11-ից 16-ը Մոսկվայում կայացած խաղաղության նվիրված միջազգային համաժողովի աշխատանքները, որին մասնակցեց նաև Ամենայն Հայոց Հայրապետ Ս. Ս. Վազգեն Ա. կաթողիկոսը, որպես գլուխ և ներկայացուցիչ Հայ Առաքելական Ողղափառ Եկեղեցու: Ապա սրբազանը ընթերցեց Վեհափառ Հայրապետի համաժողովում արտասանած ճառը:

*
* *

Ամեն տարի առավել հանդիսավորությամբ և շուքով է տոնվում Ս. Ղևոնդյանց քահանաների նահատակության խնկելի հիշատակը Արարատյան հայրապետական թեմում: **Փետրվարի 24-ին**, երեքշաբթի օրը, Առաջնորդանիստ Ս. Սարգիս եկեղեցում հավաքվել էին սովորականից ավելի հավատացյալներ, ինչպես նաև իրենց ուխտը նորոգելու էին եկել Արարատյան հայրապետական թեմում ծառայող բոլոր հոգևորականները:

Օրվա հանդիսավոր տոնի ստեղծված ս. պատարագ մատուցեց Ս. Աթանաս քահանա Մովսիսյանը և «Հայր մեր»-ից առաջ քարոզեց՝ «Ով մեկնեցե՛ գմեզ ի սիրոյն Բրիստոսի» (Հռոմ. Ը 35) բնաբանով: Պատարագի տեր հայրը Ս. Ղևոնդյանց քահանաների նահատակության օրինակով վեր հանեց հանուն հայրենիքի գիտակցված մահով նահատակվելու վսեմ գաղափարը:

Հավարտ սուրբ պատարագի Արարատյան թեմի առաջնորդարանում, ի պատիվ հոգևոր դասի, տրվեց պաշտոնական ճաշկերույթ:

*
* *

Սույն թվականի փետրվարի 26-ին Վարդանանց մահատուհների տոնի առթիվ Երևանի Ս. Ջորավոր եկեղեցում պատարագ մատուցեց Արարատյան հայրապետական թեմի առաջնորդական փոխանորդ Ս. Գաբելյան եպիսկոպոս Ներսիսյանը:

տաշատի Մրգավան գյուղի Ս. Հակոբ եկեղեցում: Դեռ շարունակում է հնչել եկեղեցի կերտող շինարար վարպետի մուրճի ձայնը Արարատյան դաշտավայրի այս գողտրիկ հատվածում: Վաղ առավոտից զիլ ձայնով հնչող զանգակների դողանքը այստեղ է հավաքել բազում հավատացյալների:



Առաջնորդական փոխանորդ՝ սրբազան հայրը՝ շրջապատված քահանայից դասով, Երևանի Ս. Մարգիս եկեղեցու շքամուտքի առջև

«Հայր մեր»-ից առաջ սրբազան հայրը քարոզեց՝ «Որոց ոգիքն թուլացեալ են լերկնաւոր առաքինութենէն յոժ ընդ ահիւ անկեալ է բնութիւն մարմնոյ» (Եղիշէ) բնաբանով: Սրբազան հայրը հավատացյալներին խորիմաստ հատվածներ հիշեցրեց ոսկեղենիկ Եղիշէի «Վասն Վարդանայ և Հայոց պատերազմի» մատյանից, որպէս այսօրվա մեր կյանքի և հայրենասիրական ոգու աղբյուր:

*
* *

Այսօր մարտի 18-ն է: Դեռ չեն վերջացել շինարարական աշխատանքները Ար-

Այսօր պիտի օծվի և սրբագործվի նորակառույց զանգակատան Ս. Խաչը: Այս հանդիսավոր արարողությանը մասնակցելու են եկել նաև Մայր Աթոռ Ս. Էջմիածնի գլխավոր ճարտարապետ Արծրուն Գալիկյանը, կառուցող-ինժեներներ Միքայել Հովհաննիսյանը, Հարություն Մանուկյանը, Հակոբ Բաբախանյանը, բանվորներ, գործադիր և թեմական խորհրդի հարգարժան անդամներ: Արդեն տեղադրված է Ս. Խաչը նորակառույց զանգակատան գմբեթի վրա, որտեղ և պետք է կատարվի սրբազան արարողությունը: Հոգևորականների թափորը՝ նախագահությամբ Արարատյան հայրապետական թեմի առաջնորդական

փոխանորդ գերաշնորհ Տ. Գարեգին եպիսկոպոս Ներսիսյանի, բարձրանում է վեր և բոլորվում տերունական խաչի շուրջ:

տյառնագրում է. «Օրհնեացի, օծցի և սրբեացի ա. խաչիս և ա. միտունաս և ասորս շնորհիվ...»: Արծաթափայլ սուրբ մետոնի




Մի պահ ա. խաչի օրհնության արարողությունից


Սրբազան արարողությանը մասնակցում են նաև Տ. Կարապետ աթաղ քահանա Գրիգորյանը և Տ. Նորայր քահանա Բաղդասարյանը:

Սրբազան հայրը լվանում է ա. խաչը նախ ջրով, ապա գինով: Կարդացվում են մարգարեական ընթերցումներ, Ավետարան: Այնուհետև սրբազանը իր ձեռքը վերցրած ա. Մետոնը՝ հանդիսավորությամբ

կաթիլները շողշողում են նորած խաչի նախ «զԱկն, ապա գրագն և ապա անեակ թևն և գրունն»: Հնչում է «Խաչի քո Բրիտոս երկիր պազանեմք» շարականը: Թափորի մասնակիցները մեկ առ մեկ, մեծ երկյուղածությամբ, մոտենում և համբուրում են մետոնարույր ա. խաչը:

ՆՈՐԱՅՐ ԶԱՀԱՆԱ ԲԱՂԴԱՍԱՐՅԱՆ





ԱՂԲՅՈՒՐ-ՀՈՒՇԱՐՁԱՆԻ ԲԱՅՈՒՄ Ս. ՇՈՂԱԿԱԹ ԵԿԵՂԵՑՈՒՄ

Մուչն թվականի ապրիլի 24-ին, ս. պատարագից հետո, Էջմիածին քաղաքի Ս. Շողակաթ եկեղեցու շրջափակում, տեղի ունեցավ Կեսարիայի Պուլյան գյուղի՝ 1915 թվականի մահատակների հիշատակը հավերժացնող աղբյուր-հուշարձանի բացումը:

Աղբյուր-հուշարձանը կառուցվել է հրամանով Ամենայն Հայոց կաթողիկոսի և արդյամբ ու ծախյութ կեսարացի, ամերիկահայ տեր և տիկին Խորեն և Երվանդուհի Ասատուրյանների: Ծարտարապետն է Մայր Աթոռի գլխավոր ճարտարապետ պրն. Արծրուն Գալիկյանը:

Նորակառույց աղբյուր-հուշարձանը 2×1.80 չափերի մի բազալտե կոթող է, զարդարված հայ ճարտարապետությանը հարազատ նուան հարթաքանդակներով, որոնք միահյուսվելով՝ հավերժության խորհրդանշի մի յուրօրինակ պատկեր են ներկայացնում: Հուշարձանի ճակատային մասում գետնոված է շինարարական արձանագրությունը՝ հետևյալ բովանդակությամբ.

ՈՒՆԶ

Ի ՅԻՇԱՏԱԿ ԿԵՍԱՐԻՈՅ ՊՈՒՆԵԱՆ
ԳԻՒՂԻ ՆԱՀԱՏԱԿՆԵՐԻ ՆՈՒՐՈՒՄ ԵՆ
ԽՈՐԷՆ ԵՒ ԵՐՈՒԱՆԴՈՒՀԻ
ԱՍՍԱՏՈՒՐԵԱՆՆԵՐԸ

Աղբյուր-հուշարձանի բացման արարողությանը նախագահում էր Մայր Աթոռի

դիվանապետ գերաշնորհ Տ. Ներսես արքեպս. Պողոսյանը: Բացման արարողության ավարտից հետո բովանդակալից խոսք ասաց սրբազան հայրը.

«Սիրելի ներկաներ և շատ սիրելի ազնվափայլ բարերարուհի տիկին Երվանդուհի Ասատուրյան, այսօր՝ ապրիլ 24-ի հոգեխոով օրվա ընթացքում, երբ մենք բոլորս բարձրացանք Ծիծեռնակաբերդ՝ մեր հարգանքի տուրքը մատուցելու մեր մահատակների հիշատակին, և Ս. Էջմիածնի մեջ ս. պատարագ մատուցելով վերհիշեցինք նրանց և ապա, Էջմիածնի Ապրիլյան հուշարձանի առջև կրկին անգամ ուխտ կնքեցինք հավատավոր զավակները մնալու Հայաստանյայց Ս. Եկեղեցու և մեր սրբազան հայրենիքի, հիսկ ուրեմն եկել ենք այստեղ՝ այս աղբյուր-հուշարձանը բացելու, որ մվիրված է Կեսարիայի Պուլյան գյուղի աղբյուրին:

Հավանաբար այնտեղ՝ Կեսարիայում, Ապրիլյան եղեռնի ցեղասպանության օրերից հետո Պուլյան գյուղի աղբյուրը ցամաքեց: Բայց հայի հոգին, կեսարացի հայի հոգին չցամաքեց բնավ: Այդ հոգին վերջապես եռաց իր սրտի մեջ, կրկին անգամ կենդանություն ստանալով՝ որպես պաղպաջում աղբյուր եղավ, հոսելու Ս. Շողակաթի այս գեղեցիկ շրջափակին մեջ: Այստեղ պիտի կարկաչի տարահալած հայ կեսարացու սրտի, հոգու աղբյուրը, այստեղ պիտի կարկաչի հավերժական աղ-


բյուրը հայրենական, որ կյանք պիտի պարզևի նրանց, ովքեր պիտի գան այստեղից խմելու և արքենայու, ոչ միայն մարմնով հագեցնալու և հովանալու, այլ նաև հաղորդվելու մեր նախահայրերի հետ, մերձենալու նրանց հոգու աղբյուրին և իրենց պապական շրթները հովացնելու Մեծ եղեռնի օրերին զոհված հայ նահատակների հիշատակով: Այսօր եկել ենք այստեղ ոչ միայն աղբյուր-հուշարձանի բացումը կատարելու, այլ նաև ուխտի, որ Արևմտյան Հայաստանի մեր բոլոր գավառների և բոլոր շրջանների ու քաղաքների հայոց հիշատակը պայծառ մնա միշտ մեր սրտում: Թեև նրանք գնացին, բայց նրանց նահատակությունը կյանք և կենդանություն պարզևեց մեր ժողովրդին Արևելյան Հայաստանում: Մենք պթափվեցինք և մեր ամբողջ կարողությամբ աշխատեցինք պահել մնացորդացը մեր հոտի մեր ներկա հայրենիքում՝ Սովետական Հայաստանում: Եվ պետք է մենք գիտակցենք, թե այսօր ինչպես պետք է գորգորենք մեր հայրենիքը, որքան պետք է սիրենք և նվիրվենք նրան: Մեր քրտինքի ամեն մեկ կաթիլը, որ թափվում է այս հողի վրա, սրբագործում է հայրենի հողը: Ինչքան ծաղկի ու բարգավաճի մեր հայ-


րենիքը, այնքան մեր նահատակների հիշատակը կպայծառանա: Նրանք թեև մարմնով մեզ հետ չեն, բայց վատահ ենք, որ հոգով ապրում են և պիտի ապրեն մեր մեջ: Մենք գիտենք հարգել մեր նահատակներին, որովհետև նրանք գիտակցաբար մահացան, մահացան վասն հավատո և վասն հայրենյաց: Նրանց նահատակությունը դեպի հարություն, դեպի կյանք, դեպի հաղթանակ տարավ մեր ժողովրդին:

Ծառ հարգելի տիկին քարերարուհի, մենք այսօր Ձեզ շնորհավորում ենք, որ Կեսարիայի Պունյան գյուղի հիշատակը այստեղ պայծառացրիք այս աղբյուր-հուշարձանով: Հայաստանի տարբեր մասերում մենք ունենք ուրիշ հուշարձաններ և հուշաղբյուրներ ևս, որ մեր Արևմտյան Հայաստանի հիշատակն են պայծառացնում, մեզ վերհիշել են տալիս մեր անցյալը:

Թող օրհնյալ լինեն Պունյան գյուղի բոլոր անմեղ զոհերը և թող Աստծու օրհնությունը իջնի նրանց վրա»:

Սրբազան հոր սրտառու խոսքից հետո բոլոր ներկաները մոտեցան աղբյուր-հուշարձանին և, օրհնանքի խոսք ասելով նահատակ պունյանցիների հիշատակին, խմեցին նրա սառնորակ ջրից:





ՏԻԿԻՆ ԱՍՏՂԻԿ ՔՅՈՒՐՔԾՅԱՆԻ ԱԾՅՈՒՆԱՏՈՒՓԸ ՄԱՅՐ ՀԱՅՐԵՆԻՔՈՒՄ

Սույն թվականի ապրիլի 20-ին, Մայր տաճարում մեկեղոցի ա. պատարագից և «վասն համօրէն անջեցելոց» հոգեհանգստյան արարողության կատարումից հետո, Մայր Աթոռի միաբանությունը, արտասահմանցի հյուրեր ու բազմաթիվ հավատացյալներ, ի գլուխ ունենալով Վեհափառ Հայրապետին, ուղևորվեցին Ս. Գալանե վանք։

Դեռևս ամիսներ առաջ էր, որ հանդիսավորությամբ Մայր Հայրենիքի հողում ամփոփվեց Մայր Աթոռ Ս. Էջմիածնի մեծագործ բարերար, սփյուռքահայ ազգային-հասարակական գործիչ Սարգիս Բյուրքճյանի աճյունատուփը։ Այս անգամ Բյուրքճյան ընտանիքի ավագ որդին՝ պրն. Գեվորգ Բյուրքճյանը, մեծ վշտով Հայրենիք էր քերել իր հանգուցյալ մոր՝ Աստղիկ Բյուրքճյանի աճյունատուփը։

Ս. Գալանե վանքում դեռ նոր էր ավարտվել ա. պատարագը։ Ծուտով Մայր Աթոռի ողջ միաբանությունը համախմբվեց վանքի հյուսիսակողմում, Սարգիս Բյուրքճյանի շիրիմի կողքին պատրաստված գեղեցիկ շուրջ։ Վեհափառ Հայրապետի գլխավորությամբ կատարվեց հոգեհանգստյան կարգը՝ ըստ Հայ Եկեղեցու ծիսարանի։ Թաղման հանդիսավոր կարգը կատարելուց հետո հանգուցյալի եկեղեցուներ ու ընտանիքին նվիրված օրհնակելի կյանքի մասին արտառույշ խոսք ասաց Վեհափառ Հայրապետը։

ՎԵՀԱՓԱՌ ՀԱՅՐԱՊԵՏԻ ԽՈՍՔԸ
ԱՍՏՂԻԿ ՔՅՈՒՐՔԾՅԱՆԻ ԾԻՐԻՄԻՆ

Այսօր մենք հավաքվել ենք Սարգիս և Աստղիկ Բյուրքճյանների շիրիմի շուրջ, հատկապես հողին հանձնելու համար լաճյունները Աստղիկ Բյուրքճյանի, որ Լոնդոնում իր աչքերը փակեց յուր սիրեցյալ ամուսնու՝ Սարգիս Բյուրքճյանի մահից հետո։

Հանձնեցինք, ինչպես տեսաք քիչ առաջ, փոքրիկ մի սափոր, որի մեջ գտնվում էին աճյունները Աստղիկ Բյուրքճյանի։ Այդտեղ ամփոփված էր մի ամբողջ կյանք։ Մի ամբողջ կյանք՝ նվիրված յուր ընտանիքին, յուր զավակաց և իր թոռներին, մի ամբողջ կյանք, նվիրված մեր Եկեղեցուն և մեր եկեղեցական համայնքին ի Լոնդոն, մի ամբողջ կյանք նաև նվիրված մեր Մայր Աթոռ Ս. Էջմիածնին։ Ես նրանց հիշում եմ՝ և՛ Սարգիս, և՛ Աստղիկ Բյուրքճյաններին հենց այն օրերից, երբ Աստծո կամքով Մենք Հայրապետական Սուրբ Օծումը ստացանք 1955 թվականին։ Նրանք ներկա էին։ Նրանք ներկա էին ոչ միայն իբրև ներկայացուցիչները Լոնդոնի հայ համայնքի, ինչպես կային շատ նման ներկայացուցիչներ այնտեղ, այլ եկած էին կարծեք մի ուխտ կատարելու՝ վերջնականապես, ամբողջապես նվիրվելու և հավատարիմ մնալու համար Մայր Աթոռ Ս. Էջմիածնին և նորընտիր Հայրապետին։

Ավելի քան երեսուն տարիներ են շարունակ խորապես զգացի նրանց հոգատար, անասկարկ, շինարար վերաբերմունքը հանդեպ Մայր Աթոռ Ս. Էջմիածնի: Եվ ասեմ, որ հենց առաջին այդ առիթից, երբ ինքը կնքահայրն էր իմ օծման, նա սկզբնավորումը դրեց այն վերաշինական աշխատանքներին, որոնք երեսուն և ավելի տարիների ընթացքում կատարվեցին Մայր Աթոռում և Հայաստանում՝ եկեղեցաշինական իմաստով: Նա եղավ նախակարապետը, առաջին բարերարը: Հենց այդ օրը, մեծաքանակ ապրանքներով եկավ և լեցուց մեր Վեհարանը, որի արդյունքներով սկսանք մենք առաջին շինարարական համեստ աշխատանքները: Եվ մեր աղոթքներում եթե մենք հիշում ենք հաճախ «երանի եկեղեցի շինողաց», այդ վերաբերում է մասնավորապես Սարգիս և Աստղիկ Քյուրքճյաններին: Նրանք իսկապես եկեղեցի շինողներ եղան թե՛ Էջմիածնում, թե՛ Երևանում, Ս. Սարգիս եկեղեցին ինչպես գիտեք, և՛ նաև Լոնդոնում, և՛ նույնիսկ ուրիշ համայնքների եկեղեցիների բարեկարգության համար իրենց շինարար բարի ձեռքը երկարեցին և՛ Ժնև, և՛ Միլանո, և՛ ուրիշ վայրեր:

Ահա այս պահում մենք կանգնած ենք նրանց անմոռանալի հիշատակի առաջ: Եվ շատ խորհրդանշական է այս օրը՝ Զատնի հաջորդ օրը, երբ տակավին զրտնըվում ենք Սուրբ Հարության շնորհների ներքև: Ահա այդ հավատքով և Քրիստոնեական մեր հույսով բարձրացնում ենք մեր աղոթքը առ Աստված, որպեսզի Տերը խաղաղությամբ, ողորմությամբ և քաղցրությամբ ընդունի հոգին Աստղիկ Քյուրքճյանի և արժանի անի նրա ամուսնու՝ Սարգիս Քյուրքճյանի հետ հավիտենական կյանքի:

Աստղիկ Քյուրքճյան նաև խորապես հավատացյալ կին էր. իր ամբողջ բարերարությունը, եկեղեցաշինությունը բխում էր իր կրոնական հավատքից: Ամեն անգամ, երբ Հայաստան էր գալիս, ես զգում էի

այդ, որովհետև նա ապրում էր զգացմունքը, որ հայ հավատքի կենտրոնը այս սրբազան հողի վրա է գտնվում, Ս. Էջմիածնում, որտեղ Միածին Որդին իջավ և իր դրոշմը թողեց Հայաստան աշխարհի վրա: Ինք հավատում էր այդ հրաշքին, պիտի ասեի, նյութական առումով նույնիսկ: Արդ, իր համար, և մեզ բոլորիս համար, հույժ մխիթարական է, որ Աստղիկ և Սարգիս Քյուրքճյանները իրենց անյուններով զրտնըվում են այս նույն սուրբ հողի մեջ, օրհնված այս հողի վրա, հավիտենական կյանք ժառանգելու մեծ հույսով:

Թող Աստված արժանի անի նրանց այդ հույսի կատարման և օրհնյալ պահի հավետ նրանց բարի հիշատակը այստեղ՝ երկրի վրա, և այնտեղ՝ երկնքում:


Իմ ցավակցություններս և հայրական սերը այս առիթով ներկայացնում եմ նրանց հարազատ որդիւյն, նույնքան հավատավոր հոգի կրող Զորջ Քյուրքճյանին, իր եղբորը՝ որ Լոնդոնում է, բայց այսօր հոգով-արտով մեզ մոտ է անշուշտ, և իր ամբողջ ընտանիքի անդամներին, մաղթելով նրանց քաջատուր երկար կյանք, որպեսզի երկար, երկար տարիներ միշտ միասին հավաքվենք այս շիրիմի շուրջ՝ աղոթելու համար նրանց հավիտենական հանգստի և ձեր արևշատության և ձեր ընտանեկան երջանկության համար:

Օրհնություն և լույս Սարգիս և Աստղիկ Քյուրքճյանների արդար հիշատակին: Ամեն:

Այնուհետև սգո թափորի մասնակիցները համախմբվեցին Տիրամոր՝ Սիրամույշ Պալանի գերեզմանի շուրջ, ուր նույնպես հոգեհանգստյան կարգ կատարվեց:

Նույն օրը, ժամը 14-ին, Մայր Աթոռի սեղանատանը, ի հիշատակ հանգուցյալ Քյուրքճյան ամուսինների, տրվեց հոգեհաշ, որի ընթացքում պրն. Գևորգ Քյուրքճյանը շնորհակալություն հայտնեց Վեհափառ Հայրապետին՝ Քյուրքճյան ընտանիքի հանդեպ ցուցաբերած հայրական շերտ հոգատարության համար:





ԼՈՒՐԵՐ ՄՈՍԿՎԱՅԻՑ

1982 թ. Մոսկվայում կայացած միջեկեղեցական ու միջկրոնական խաղաղության համաժողովից հետո յուրաքանչյուր տարի Ռուսաց Պատրիարքարանի նախաձեռնությամբ տեղի է ունենում խաղաղությանը նվիրված ժողով՝ «Կյուր սեղան» անվանումով, որի նշանաբանը 1982 թ. ժողովի գինաթափման կոչն է հանում խաղաղության: Ամեն անգամ, ըստ օրվա պահանջների, կազմվում է ժողովի գործունեության ծրագիրը:

Այս տարի ևս, մարտի 18—20 օրերին, Մոսկվայում տեղի ունեցավ հերթական խաղաղության համաժողով՝ «Կյուր սեղան», «Ընդհանուր անվտանգությունը և բարոյական արժեքները» թեմայով: Ժողովին մասնակցում էին շուրջ հարյուր ներկայացուցիչներ աշխարհի տարբեր երկրներից: Սույն ժողովի նախագահն էր Հնդիկ Մալաբար Եկեղեցու միտրոպոլիտ Նորին Ար-

քություն Պողոս Մար Գրիգորին: Վերահիշյալ ժողովին Հայաստանյայց Եկեղեցին ներկայացնում էր Նոր Նախիջևանի և Ռուսաստանի թեմի առաջնորդական տեղապահ Տ. Տիրան վրդ. Կյուրեղյանը:

Ժողովի ընթացքում քննարկվեցին զանազան միջազգային-քաղաքական հարցեր, քննադատվեցին ռազմական մրցավազքն ու աստղային պատերազմի ծրագրերը: Ժողովի ընթացքում բարձր գնահատվեցին ՍՍՀՄ կառավարության խաղաղասիրական քայլերը:

Հավարտ ժողովի կազմվեց «Կոմյունիկե» և Երկիր մոլորակի խաղաղությունը պաշտպանելու վերաբերյալ կոչեր հղվեցին ՍՍՀՄ կոմունիստական կուսակցության Կենտրոնական կոմիտեի գլխավոր քարտուղար Մ. Գորբաչովին, ԱՄՆ-ի պրեզիդենտ Ռեյգանին և ՄԱԿ-ի գլխավոր քարտուղար Պերես Դ'Կուելյարին:





ՍԱՆԴՐՈ ԲԵՀԲՈՒԴՅԱՆ

ԿԱՐԱՊԵՏ ԵԶՅԱՆՑ
(1835—1905)

Հայ ժողովրդի մտավոր կյանքի զարգացումը նոր ընթացք առացավ և բուռն վերելք ապրեց Արևելյան Հայաստանի՝ Ռուսաստանի կազմի մեջ մտնելուց հետո: Այդ պատմական իրադարձությունը հայ ժողովրդի համար շրջադարձային մեծ նշանակություն ունեցավ: Պատմության այս նոր ծամանակաշրջանի հայ մտավորականության նախաձեռնած շարժումը նպատակաւորված էր ժողովրդի լուսավորության, նրա պատմության, մշակույթի զարգացման, ազգի ճակատագրի հարցերի ուսումնասիրմանը: Լուսավորության ստեղծումը, ժողովրդին գրականությանը հաղորդակից դարձնելը համարվում էր հայ գործիչների առաջնահերթ խնդիրներից մեկը: Արևելյան Հայաստանի՝ Ռուսաստանի կազմի մեջ մտնելը և հայ-ռուսական կապերի ուժեղացումը հնարավորություններ ստեղծեցին, որ հայ մշակույթն ավելի սերտորեն առնչվի ռուսական առաջավոր մշակույթի հետ և զարգացման նոր հեռանկարներ ձեռք բերի: Արևելահայաստանի առաջավոր շատ գործիչներ ապրում և ստեղծագործում էին մեծ մասամբ Մոսկվայում, Պետերբուրգում, Թիֆլիսում, Նոր Նախիջևանում, Ղրիմում, Աստրախանում:

Ժողովրդի լուսավորության, կրթության հարցերով էր մտահոգված նաև 19-րդ դարի 50-ական թվականներից ազգօգուտ գործունեություն ծավալած բանասեր, պատմաբան, մանկավարժ և ուսուցիչ, պետական աստիճանավոր և հասարակական



գործիչ, արևելագետ Կարապետ Հարությունի Եզյանցը (Եզույ): Նա իր բազմաթիվ պատմա-բանասիրական, հրատարակչական, թարգմանական գործերով պատվավոր տեղ է գրավում անցյալ դարի հայ մտավորականների շարքում:

Կարապետ Եզյանը ծնվել է 1835 թ. սեպտեմբերի 5-ին Մոսկվայում: Նրա մայրը Գրիգորյան Թեոֆիլիսի Կարապետյան էին տեղափոխվել, այնտեղից էլ Մոսկվա: Կ. Եզյանը 1850—1853 թթ. ուսանել է Մոսկվայի Լազարյան ճեմարանում և այն ավարտել ոսկե մեդալով:

Ճեմարանում ուսանելու տարիներին Եզյանը իբրև մասնագիտություն ընտրում է արևելագիտությունը, հատկապես՝ հայոց լեզուն: Այս ուսանում է Պետերբուրգի համալսարանի արևելյան լեզուների բաժնում: Ավարտելուց հետո, աչքի ընկնելով իր բացառիկ ընդունակություններով և հմտությամբ, նա համալսարանի վարչությունից առաջարկություն է ստանում պատրաստվելու պրոֆեսորության և ըստաձանելու հայոց լեզվի ու գրականության ամբիոնը: Սակայն Մկրտիչ Էմինի առաջարկով նրա փոխարեն Պետերբուրգի համալսարանի արևելագիտության ամբիոնի վարիչ է ընտրվում Հարություն վարդապետ Ալամդարյանի թոռ Բերդվեբ Պատկանյանը, որը 1857 թ. Պետերբուրգի մանկավարժական ինստիտուտի պատմական գիտությունների բաժնին ավարտելուց հետո, երկու տարի Թիֆլիսում ուսուցչություն էր արել և տեղափոխվել նորից Պետերբուրգ:

Կ. Եզյանը պաշտոն է ստանձնում ներքին գործերի մինիստրությունում և այնուհետև լուսավորության մինիստրությունում՝ որպես մինիստրության խորհրդի և ուսումնական կոմիտեի անդամ:

1850-ական թվականները լինելով ուսման տարիներ, միաժամանակ նրա համար դարձան պատմության և լեզվագիտության ուսումնասիրման ժամանակաշրջան: «Հին Հայաստանի ներքին կենցաղը» գիտական աշխատության համար Եզյանը Պետերբուրգի համալսարանում 1859 թ. ստանում է մագիստրոսի կոչում: Մինչ այդ նա երկու տարի Թիֆլիսում զբաղվել էր ուսուցչությամբ: Այդ ուղագրով աշխատությունը ռուսերեն լեզվով լույս է տեսնում Պետերբուրգում 1859 թ., իսկ Պ. Պոռչյանի թարգմանությամբ՝ հայերեն, 1864 թվականին, Շուշի քաղաքում:

1884 թ. Պետերբուրգում լույս է տեսնում «Բոնի միություն Հայոց Լեհաստանի ընդ եկեղեցույն Հոռվմաչ: Ժամանակակից Ցիշատակարանը» աշխատությունը, որի առաջաբանը գրված է Կ. Եզյանի կողմից, իսկ փաստաթղթերի թարգմանությունը կատարել է Ս. Մալխասյանը:

Կ. Եզյանը հրատարակել է նաև պատմական մի քանի գործեր.

«Պատմություն Լևոնդայ մեծի վարդապե-

տի հայոց»: Առաջաբանը՝ Կ. Եզյանի: Պետերբուրգ, 1891.

«Յուլիանո Դարդելի ժամանակագրություն Հայոց», Պետերբուրգ, 1891: Առաջաբանը՝ Կ. Եզյանի:

1898 թ. ռուսերեն լեզվով Պետերբուրգում լույս է տեսնում «Պետրոս Մեծի հարաբերությունները հայ ժողովրդի հետ» ուսումնասիրությունը, որը հայ և ռուս ժողովուրդների պատմական կապերի ուսումնասիրման կարևոր աղբյուր է: Այդ եզակի աշխատության մասին «Ազգագրական հանդես»-ում՝ ընդարձակ և բովանդակալից գրախոսական է գրում նշանավոր բանասեր, պատմաբան ու ազգագրագետ, հետազոտում Հայկական ՍՍՀ գիտության վաստակավոր գործիչ Սո. Լիսիցյանը՝ վեր հանելով գրքի արժանիքները ու նշելով «շատ հարմար ժամանակին» լույս տեսնելը: Գրքի ընդարձակ առաջաբանը (150 էջ) պատմական տեսություն է ուսական կառավարության՝ հայերի հետ ունեցած հարաբերությունների վերաբերյալ՝ Պետրոս Մեծի ժամանակաշրջանից մինչև 19-րդ դարը: Աշխատության երկրորդ մասում գետնադրված են վավերագրեր (305 միավոր), որոնք քաղված են Մոսկվայի գլխավոր և Պետերբուրգի արտաքին գործերի մինիստրության, Ավստրիական պալատական պետական, Բավարական-արքայական պետական դիվանատներից և վերաբերում են 1698—1736 թվականներին:

Փաստաթղթերը դասավորված են ժամանակագրական կարգով, որով թե՛ պատմական անցքերի կայսր է նշտությամբ պահպանվում և թե՛ հեշտանում է ցանկացած վավերագրի որոնումը: Թեև վավերագրերի մեծ մասը թարգմանված է ռուսերեն, բայց կան նաև հայերեն, ֆրանսերեն, գերմաներեն, լատիներեն և պարսկերեն լեզվով գրված վավերագրեր: Վերջում կա հայերեն և եվրոպական լեզուներով հատուկ անունների ցանկ: Կ. Եզյանը այս աշխատությունը կազմելու համար ոչ միայն տասնյակ տարիների ջանադիր աշխատանք է կատարել, այլ նաև գործին մոտեցել է գիտական հմտությամբ, բարեխղճությամբ: Սովորաբանաբար այս աշխատությունը համարվել է նշանակալից երևույթ, և ժամանակի հայ մտավորականությունն ու մամուլը ողջունել են նրա հրատարակումը բազմաթիվ արժեքավոր գրախոսականներով:

Ահա թե ինչ ենք կարդում այդ մասին

¹ «Ազգագրական հանդես», 1898, № 2, էջ 293—311:

«Հանդէս ամսօրեայ»-ի էջերում. «Բազմաթիւ տարեաց քրտնաջան աշխատութեան արդիւնք՝ ար. Կ. Եզեան վերջերս հրապարակ հանած է այս՝ կրնանք ըսել իր տեսակին մէջ միակ գործն, որ յիշատի գլուխ գործոց մըն է եւ շատ կարեւոր աղբիւր եթեւետասներորդ դարուն վերջին քառորդին եւ ութետասներորդ դարուն առաջին կիսուն հայկական պատմութեան համար»²:

Եզյանցի գրչին է պատկանում նաև «Начало сношений Эчмиадзинского Патриаршата с Русским правительством. Историческое исследование по неизданным документам», Тифлис, 1901 г.» (Էջմիածնի պատրիարքական Աթոռի գրագրութիւնների սկիզբը ռուսաց կառավարութեան հետ: Պատմական հետազոտութիւն չհրատարակուած վկայագրերի հիման վրայ, Կ. Եզեան: Թիֆլիս, 1901.) ուսումնասիրությունը:

Այս աշխատության մէջ ընդգրկված են պատմական նոր տեղեկություններ և արժեքավոր փաստաթղթեր: Գրքի առաջին 53 էջերում ամփոփված է բուն հետազոտությունը, ապա հետևում են Սիմեոն կաթողիկոսի կոնդակները և բազմաթիվ այլ պատմական փաստաթղթեր: «Պ. Եզեանցը բնկելով և ուսումնասիրելով Էջմիածնի հայրապետների ներքին գործերը և արտաքին քաղաքականությունները, լուսաբանում է նոցա յարաբերությունները Ռուսաց կայսրութեան հետ, պատմական փաստերով ապացուցանում է, թէ ինչպիսի բարոյական կապ և վստահություն էր հաստատուած Ռուսաստանի և Հայոց ազգի մէջ Մեծն Պետրոսից սկսեալ մինչեւ Եկատերինէ կայսրոհին»³:

Կ. Եզյանցը իր գիրքը ավարտում է հետևյալ խոսքերով. «Այսպես, Մեծն Պետրոսի ժամանակ Ռուսաստանի և հայ ժողովրդի մէջ գոյացած կապը և վստահությունը լիովին գիտակցաբար ամրացավ Եկատերինէի իմաստայի կառավարության օրով. Ռուսաստանի ամեն կողմի հայերի անձնավորությունն ու մատուցած ծառայությունները, որոնք վավերացված են գահի բարձրությունից բազմաթիվ հրովարտականքով հանուն հայ ժողովրդի և նորա հովվապետների, այս հարաբերությանց բնական հետևանքն էին: Պահպանել այս զգացմունքները, նպաստել նոցա զարգացումը յուրաքանչյուր քաղաքացու սրբա-

զան պարտականությունը պիտի համարվի, որ յուր հայրենիքի բարիքն է փափագում, մանավանդ իշխանություն ունեցող անձանց. վստ ծառայություն են անում նոքա, որոնք թուլացնում են այդ բարոյական կապերը և փոխադարձ անվստահություն են արծարծում այնտեղ, ուր դրա համար պատմական հող չկա: Անցյալի հետ ծանոթանալը հեռացնում է տարածայնությունների շարժառիթները և փոխադարձ հարգանքի ու համակրանքի բարի զգացմունքներ է ներշնչում: Մեզ երջանիկ կհամարենք, եթե մեր հետազոտությունը այդ կողմից որքան և իցե օգուտ բերի»:

Կ. Եզյանցը մամուլի էջերում ունի նաև բազմաթիվ հայագիտական հոդվածներ, որոնցից են «Հովսեփ Իզմիրյանցի կտակը և նրա կատարումը» («Արարատ», 1889, № 12, էջ 661—668), «Եվրոպական լեզուներով գրված գրքեր և հոդվածներ» (1876—1886 թթ.), «Հանդէս գրակ. և պատմական», 1890, № 3 և այլն:

Կարապետ Եզյանցի գործունեության առավել նշանակալից կողմը, որի շնորհիվ նա ձեռք բերեց մեծ պատիվ և հեղինակություն, նրա նվիրվածությունն էր ազգի լուսավորության և կրթության հարցերին: Նրա հավատամքը հայ ազգին օգտակար լինելն էր: Դա առավել ևս ընդգծվում էր հայրենիքից հեռու գտնվելու հանգամանքով: Երկար տարիներ ապրելով Պետերբուրգում, նա երբեք չէր հեռացել հայությունից, ընդհակառակը, մշտապես կապված էր հայ իրականության հետ և իր մասնակցությունն էր բերում ազգային մշակույթի զարգացմանը նպաստող բոլոր ձեռնարկումներին: 1860 թվականից պաշտոնավարելով ներքին գործերի մինիստրությունում որպես խորհրդական, նա բաց է անում մի մասնավոր պանսիոն, հատկապես գիմնազիաներն ավարտած հայ երիտասարդների համար, որպեսզի նրանք այդտեղ պատրաստվելով՝ հնարավորություն ունենան համալսարան ընդունվելու: Նրա պանսիոնում հավաքված էին մոտ 10—12 աշակերտ: Ինչպես նշել են ակադեմիկները, աշակերտներն ապրում էին շատ լավ, թե՛ բնակարանը, թե՛ միստն ու կացը, թե՛ նրանց հետ վարվելու ընտանեկան ու սիրալիր ձևը գոհացուցիչ էին և այդպես էլ շարունակվեցին մինչև վերջ: Ինքը Եզյանցը դասավանդում էր պատմություն և աշխարհագրություն, մյուս առարկաների համար հրավիրվում էին մասնագետ ուսուցիչներ: Այդ պանսիոնում է սովորել նաև «Փորձ» ամսագրի և «Արձագանք» թերթի խմբագիր, հայտնի հրապար-

² «Հանդէս ամսօրեայ», 1898, № 12, էջ 380—381:

³ «Բազմավեպ», 1902, № 11, էջ 499:

րակախուս և հասարակական գործիչ Արգար Հովհաննիսյանը:

Հայր Մկրտիչ Պոտոլյանը իր «Հայ հանրագիտակ»-ում գրում է. «Կ. Եզեան մասնագետ էր հայ մեծատուններու սիրտը և ազգային զգացումները արթնցնելու կամ քաջալերելու և զանոնք դեպի ազգային բարեգործութիւն առաջնորդելուն մէջ: Այսպէս, Գոգոյեան աղջկանց վարժարանն ի Նախիջեւան, Յովնանեան—Մարիամեան աղջկանց վարժարանն ի Թիֆլիս, Ներսէսեան դպրոցի նոր շէնքի կառուցումն ի Թիֆլիս Այ. Մանթաշեանի, հայ եկեղեցւոյ կառուցումն ի Բարիզ ձեռամբ նոյն Մանթաշեանի, Իզմիրեան մրցանակի հիմնարկութիւնը, Ասպետ Ջունդի կտակը Եւրոպա սան ուղարկելու, Մարիան Կառալեանցի ըրած կտակը Սանասարեան վարժարանին, և այլ տասնեակ առիթներով ս. Էջմիածնի նպաստելու, կամ բարձրագոյն դպրոցներու մէջ սաներ պահելու եւն, եւն, բոլորը Եզեանի ներշնչումներն են»⁴:

Նրա գործունեության ընթացքում շատ են եղել հանդիպումներ առանձին հայ ուսումնաստեմէ երիտասարդների հետ, որոնք ազատորեն մուտք են գործել իր բնակարանը, մինչև իսկ աշխատատեղը, խոսել նրա հետ իրենց կարիքների մասին, հայ մշակույթի զարգացմանը նպաստելու իրենց պատրաստակամության մասին: Կ. Եզեանը միշտ էլ աջակից է եղել իր խորհուրդներով՝ նրանց ցույց տալով նյութական և բարոյական օժանդակություն: «Մայրաքաղաքի ուսանողներից շատերն են վայելել նրա աջակցությունը բարձրագույն դպրոցներ մտնելուց, շատերն են ազատ ել ու մուտք ունեցել նրա բնակարանը, վայելել նրա ընտանիքի սիրալիր հյուրասիրությունը, շատերն են պարբերաբար հրավեր տալիս մասնակցելու նրա շաբաթական «ժողովիքներին», որ շահեկան գրույցներ ու մտքերի փոխանակություններ էին կատարվում և ուր նրանք որոշ ուղղություն էին ստանում ազգային կուլտուրական խնդիրների շուրջը ու պատրաստություն ձեռք բերում իրենց ապագա ազգային գործունեության համար: Այդ բոլորի հետևանքով հասկանալի պիտի լինի, թե ինչու Եզեանից անունն ու հոշակը իր ժամանակ այնքան տարածված են եղել հայերի մեջ, հայ աշխարհում, թե ինչու նա դարձած է եղել մի կենտրոնական անձն, որին դիմել են ամենքը, և՛ Էջմիածինը, և՛ հայ ազգային գործի գլուխ կանգնած մարմինները,

և՛ հայ մասնավոր անհատները, որոնք ի վիճակի են եղել և կամեցել են ազգի կուլտուրական գործի համար մի բան անել...» — գրում է իր հուշերում Եր. Ծահագիզը⁵:

1904 թ. նոյեմբերի 6-ին մեծ շուքով և հանդիսավորությամբ Պետերբուրգում տոնվում է արևելյան լեզուների մագիստրոս Կարապետ Եզեանի գրական, պետական ու հասարակական գործունեության 50-ամյակը: Հանդեսը սկսվում է Ամենայն Հայոց կաթողիկոս Մկրտիչ Ա. Խրիմյանի շնորհավորական կոնդակի ընթերցումով: Մեջ ենք բերում այդ կոնդակն ամբողջովին, որը տպագրվում է առաջին անգամ:

«Մկրտիչ ծառայ Յիսուսի Քրիստոսի... Գերազնի Պ. Կարապետի Յարութիւնեան Եզեանց, հարազատ որդւոյ Մայր Աթոռոյնու նուիրեմք յառաքելական Աթոռոյն սատի ողջոյն հայրական հանդերձ Հայրապետական օրհնութեամբ:

Աստուածային և երկնաւոր տնտեսութիւն, որ գիտէ տալ զշնորհս արժանաւորաց և պարգևէ առատապէս զձիրս իւր, որք գիտեն իմաստութեամբ մատակարարել, առատացոյց ապաքէն ի Ձեզ զպարգևս իւր, որում արժանի զՁեզ հանդիսացիք ի վաղ ժամանակէ յաւորց անտի երիտասարդութեան Ձերոյ: Որդեակ հանճարաշատ, պատիւ մեծ է ազգիս և եկեղեցւոյ մերոյ սրբոյ և Առաքելականի և փառք ինձ հօրս հասարակաց, հանուրց Հայկազանց ի սիրկեանս, ի տես միոյ հարազատ որդւոյ, որ խնամարհութեամբ սրտի և ի հեզութեամբ հոգւոյ թեակոյնելով յապարիզի կենցաղոյս բարձրացաւ փառօք, ճոխացաւ իմաստութեամբ, փայլեցաւ հանճարով, տալով ըստ բանի Փրկչին զկայսերն կայսեր և զԱստուծոյն Աստուծոյ:

Ո՛ր տայր ինձ զթեւ արծուոյ զի վերացեալ պանայի և իջանելով այդր ի հանդեսի յիմանեալ հոբելինի Ձերոյ ճառէի բարձրաբարբառ եթէ Պ. Կարապետն Եզեանց հարազատ է եկեղեցւոյն Հայաստանեայց, քանզի հանապազ զբարեզարդութեան եկեղեցւոյն և զբարեյաւութեանէ պաշտօնէից նորին խորհեաց և ոչ երբէք թերացաւ ի պարտիսն և ի յանձնարարութիւնսն, զորս վստահութեամբ յանձնարարեցին նմա Հայրապետքն Հայոց: Ազգասէր է, զի անկեղծութեամբ սրտի վասն բարօրութեան, շահուց և կարօտութեանց հայրենեաց տքնեցաւ:

Կրթաւէր է, զի ողջամիտ ոգւով ուղեցոյց բարերարաց ազգիս ուսանող սերն-

⁴ «Հայ հանրագիտակ», գիրք Գ, 1938, էջ 656—657:

⁵ «Էջմիածին» ամսագիր, 1946, № 8—10, էջ 62—63:

դեան հանդիսացաւ, զամենեւեան ի բարին, ի կատարեալն և ի ճշմարիտն առաջնորդելով: Գրասէր ապացոյցք վաստակացն մշտաբարբառ հատորք ի հրապարակի գիտական աշխարհի:

Իսկ որ ինչ զպետական ծառայութեանց, եւ թողոյմ զայն ճառել անցաւ, որք առաւել մօտ են այրի, և գեղեցկապէս գիտեն դասաւորել զաստիճանս և թուել զպարզեան շնորհեալս յօգոստափառ կայսերց հաւատարմին պետութեան և ինքեանց Պ. Կարապետի Եզեանց, որ վասն զարգացման և յուսարողութեան Մեծին Ռուսիոյ ոչինչ անխաչեաց յինքեմէ ըստ մտաւորին և բարոյականի:

Ապա ուրեմն օրհնեցին վաստակք և արդիւնաւորեցին ջանք Ձեր, Գերագնի Յոբելեարդ, որ ի սիրկեանս համարձակապէս փառաւորիս փառօք և ընդունիս զորիտորն յիմամեայ վաստակացոյ:

Ընդ բազմաթիւ շնորհաւորութեանցն և շնորհակալեացն, ընկալ և զշնորհաւորութիւնս ի հայրապետէն Հայոց Մեծաց, որ յանկեղծաւոր սրտէ և ի բոլորանուէր հոգւոյ յլէ կոնդակասս ի Հայոց Աստուծանիմն Սրբաւայրիս հանդերձ շնորհօք և օրհնութեամբ երկնաւորին և հեղինակին հաւատոյ Հայաստան աշխարհի մերս յուսարոյչի: Բազմապատկեցին աւորք կենաց օրհնեալ հարազատիդ, զի ընդ վշտացելոյս և դու վշտակիրդ տեսցես զաւետաբեր Գարուն Հայաստան երկրի, բարօրութիւն և բարգաւաճումն որդւոյ մորին և եկեղեցւոյ Սրբոյ: Ամէն:

թ. 1051

ի 28ն հոկտ. 1904 ամի»⁶:

Ապա ընթերցվում են ուղերձներ Մոսկվայի հայ գաղութից, Պետերբուրգի հայ եկեղեցական խորհրդից: Ելույթ են ունենում բազմաթիւ թերթերի, ամսագրերի և հանդեսների գերկայացուցիչներ, մտավորականներ, պետական գործիչներ: Հանձնըվում են կառավարական պարզանքներ: Այնուհետև կազմակերպվում են հոբելյարին նվիրված այլ միջոցառումներ:

Հոբելյանից կես տարի անց, 1905 թ. մայիսի 31-ին, Պետերբուրգում մահանում է Կ. Եզանցը:

Անվանի պատմաբան, ազգագրագետ, մանկավարժ, թարգմանիչ, «Դիվան հայոց պատմության» 13 ծավալուն հատորների հեղինակ Գյուտ ավագ քահանա Ադամյանը իր «Լումայ» գրական, պատմական ամսագրում գրում է.

«Հայության հին սերունդի սակավաթիվ ականավոր ներկայացուցիչներից մեկն էլ պակասեց: Հեռագիրը մեզ գուժեց, որ Պ. Բուրգում մայիսի 31-ին կնքել է յուր մահականացուն արևելյան լեզուների մագիստրոս և իսկական գաղտնի խորհրդական Կարապետ Հարությունյան Եզանցը դեռ չբոլորած յոթանասուն տարին, որի կիսադարյան պետական ծառայության և հայ գրական ասպարեզում ունեցած գործունեության հոբելյանը տակավին մի քանի ամիս առաջ կատարեց հայ հասարակությունը:

Ով փոքր ի շատե ծանոթ է մեր եկեղեցու և մորս Պետերի վերջին քառասուն տարվա պատմության, մորան քաջ հայտնի կլինի այն մեծ դերը, որ կատարել է գիտական և բնական մեծ խելքով օժտված Կարապետ Եզանցը Մայր Աթոռի շահերի պաշտպանության վերաբերմամբ. ուստի և մորս կորուստը շատ զգալի է ինչպես հայ գրական աշխարհի, նույնպես էլ ամբողջ հայության համար»⁷:

Կ. Եզանցի դին Պետերբուրգից տեղափոխվում է Մոսկվա և թաղվում Եզանցների տոհմական դամբարանում:

Խոր սուգ է ապրում մահ Մայր Աթոռս. Էջմիածինը:

«Կարապետ Եզանցի մահվամբ հայ ազգը կորցնում է սակավաթիվ գիտնականներից միսին, որը համեստ դիրքով միշտ եղել է հասարակական գործունեության ասպարեզում և թողել հայտնի արդյունքն ու հետքը: Թաղումը կատարվեց Մոսկվայում Բեսսարաբիո առաջնորդ Ներսես արքեպիսկոպոսի ձեռամբ, իսկ Մայր Աթոռում եղավ հատուկ հոգեհանգիստ, որի ժամանակ դամբարանական խոսեց Հուսիկ վարդապետ Զոհրաբյանը»⁸:

Կարապետ Եզանցի մահը խոր վիշտ պատճառեց մահ Կ. Պոլսի հայությանը. «Թուրքիո հայ մամուլին մեջ՝ կրթական և գրական ձեռնարկություններու առթիվ շատ հեղեղված մեծ անուն մը եղած էր Եզանց, որու մահվան հանդեպ Թուրքիո Հայոց պատրիարքությունը իր ամենեւն ավելի նշանակելի արտահայտությունը ըրավ, արտահայտություն մը վշտակցության, հարգանքի և համակրանքի»⁹:

Կ. Պոլսի Օրմանյան պատրիարքը ոչ միայն ցավակցական հեռագիր է ուղարկում հանգուցյալի հարազատներին, այլև «իբր նախագահ Սանասարյան վարժարա-

⁷ «Լումայ», 1905, № 4, էջ 3:

⁸ «Արարատ», 1905, էջ 611—612:

⁹ «Արարատ», 1905, էջ 611—612:

⁶ ՀՍՍՀ Պատմության ՊԿԱ, ֆ. 57, ց. 2, դ. 92, թ. 117բ—118ա:

նի խնամակալության և Հ. Իզմիրյանց հանձնաժողովի, ցավակցություն հայտնեց հեռագրով՝ ուր որ անկ է և հրահանգ տրվավ՝ որ այդ երկու հաստատությանց անունով երկու շատ ճոխ պսակներ դրվեն հանգուցելույն դագաղին վրա»¹⁰:

Ութօրեքին հոգևոր պաշտոն է կատարվում Կ. Պոլսի բոլոր եկեղեցիներում: Թուրքիոյ հայոց պատրիարքը անձամբ պատարագ է մատուցում և «Իմաստութիւն շինեաց իր տուն եւ կանգնեաց ի մեա սիւնս եօթն» բնաբանով քարոզ է խոսում և վեր հանում Կ. Եզյանցի մշակութային, ազգային ու եկեղեցական գործունեությունը: Եզյանցը ակտիվ մասնակցություն է ունեցել հայ եկեղեցական կյանքին, մասնակցել է մի շարք քաղաքների եկեղեցիների կանոնադրության մշակման գործին և երկար ժամանակ վարել է Պետերբուրգի հայոց եկեղեցական խորհրդի անդամի պաշտոնը: Օրմանյան պատրիարքի դամբանականները լրացանում ասված է.

«Անոր սիրտը կծավալեր ամեն կողմ, ո՛ր հաստատված է Հայ Եկեղեցին: Կատարյալ էր իր հավառը. տաք սրտով կվերաբերեր դեպի Մայր Աթոռ, և ատոր անձուկ օրերուն մեջ խորհրդատու մըն էր և դժվարությանց և ելից հնարներ ցույց տվող, անկեղծ հավատացյալ զավակն էր եկեղեցւոյ: ...Բարեխառնության առաքինությունը սիրելի էր իրեն. կրնանք ըսել թե ինքը պետական ծառայության ժամերն դուրս իր համայնքին համար միայն ապրեցավ, վասն զի աշխարհային ամեն վայելքն հրաժարյալ կյանք մը ունեցավ, իր անձին համար դրամ չվատնեց, և բոլորակալ աշխատեցավ օգտակար ըլլալու Հայ Եկեղեցւոյ, և ապրեցավ անաղարտ ու մաքուր կյանքով...: Որպէս արեւելագետ և բանասեր և պատմաբան, երևելի հանդիսացած էր և ռուս կառավարության կողմէ միշտ ինքը ներկայացուցիչ կդրվեր Արևելյան լեզվաց միջազգային ժողովներուն:

Գրական արդյունավորությամբ կամ ինչպէս կըսենք՝ երկասիրություններով ալ հարուստ, տասնի չափ հատորներ կթողու,

որք իր անունը կկրեն և որք մնայուն և իրական արժանիք ունին»¹¹:

Մաղաքիա արքեպիսկոպոս Օրմանյանի այս հեղինակավոր գնահատականը բավական է համոզվելու Եզյանցի աշխատությունների գիտական բարձր արժեքին:

Ահա թե ինչ է գրում այդ մասին Աշաւոր հասարակական գործիչ, փիլիսոփա, գրաքննադատ և մանկավարժ Իսահակ Հարությունյանը (1863—1928 թթ.).

«Իբրև գրական գործիչ՝ Եզյանը հանդիսացել է լուրջ գիտնական և մասնագետ աշխատող: Նրա գրական, պատմական հրատարակությունները—«Ղևոնդ պատմագիր», «Ժամանակագրութիւն Դարդելի», «Բռնի միութիւն Հայոց Լեհաստանի ընդ եկեղեցւոյն Հոռովմայ» և այլն, համապատասխանում են ժամանակակից գիտնական պահանջներին: Եվրոպական հրատարակություններից ետ չեն մնում և ճոխացրած են բազմաթիվ պարզաբանող ծանոթություններով, որից երևում է հրատարակչի հմտությունն ու գիտնական նախապատրաստությունը»¹²:

Կարելի է շարունակել Կ. Եզյանցի մասին մամուլի այլևայլ մարմինների, մշակույթի բազմաթիվ գործիչների ու մտավորականների կարծիքների մեջբերումը, որոնք բոլորն էլ մույն ճշմարտությունն են հաստատում:


Անուրանալի է Կ. Եզյանցի ծառայությունը հայ մշակույթին և Եկեղեցուն: Նա իր գործունեությամբ և անխոնջ վաստակով մեծապես նպաստել է հայ ժողովրդի ազգային և մշակութային զարթոնքին և թողել մնայուն հուշարձաններ, որոնցից հառնում է ներհուն գիտնականի և մեծ հայրենասերի անձնուրաց կերպարը:


Երախտագետ սերունդները և Հայ Եկեղեցին չեն մոռանում բոլոր նրանց, ովքեր քայլել են ճշմարտության որոնման և հայ մշակույթի զարգացման դժվարին ճանապարհով:

¹¹ Նույն տեղում, էջ 615—617:

¹² «Ազգագրական հանդես», 12-րդ գիրք, 1904, էջ 302:

¹⁰ Նույն տեղում:





ՍՆՐԳԻՍ ՅԱՓՈՒԶՅԱՆ

ՀԻՄՆԱՐԱՐ ԱՇԽԱՏՈՒԹՅՈՒՆ

(Ա. Չոպանյան: Կյանքը և գործը: Երևան, Սովետական
Գրող, 1987 թ., 480 էջ, հեղ.՝ Կ. Լ. Դալլաքյան)

«Կուսակցությունը, որում կը պատկա-
նիմ, կը կոչվի հայոց ազգ»

Ա. Չոպանյան

Գրվեց-լրացվեց հայ մշակույթի պատ-
մության բաց էջերից մեկը ևս. լույս տե-
սավ Սփյուռքահայության հետ մշակութա-
յին կապի կոմիտեի նախագահ, բանասի-
րական գիտությունների թեկնածու, գրա-
կանագետ Կարլեն Լևոնի Դալլաքյանի
«Արշակ Չոպանյան» ծավալուն մենագրու-
թյունը: Հիմնարար մի աշխատություն, որի
հինգ բաժինների մեջ հմտությամբ ու համ-
բերատար սիրով պրպտված, քննված ու
ընդհանրացված են Ա. Չոպանյանի կյանքն
ու մոտ 70-ամյա բազմադեմ ու բազմա-
բնույթ գործունեությունը:

Գրել համապարփակ այս աշխատու-
թյան բազմաշերտ բովանդակության, ար-
ժարժած բազում խնդիրների և գիտական
հիմնարար ձեռքբերումների մասին, պիտի
նշանակեր գրել մի նոր աշխատություն:
Պահպանելու համար հոդվածի սահման-
ված սահմանները, կրավարարվեմ մի քա-
նի կարևոր հարցադրումներով ու հաստա-
տումներով:

Նախ՝ ի՞նչն է եղել այս աշխատության
հիմնական շարժառիթը, նպատակն ու մղիչ
ուժը, և գիտակցե՞լ է արդյոք հեղինակը,
թե ինչպիսի՞ «սահման չճանաչող», «ան-

սպառելի» ու կնճռոտ գործի է լծվում ին-
քը: Ա. Չոպանյանի մասին սփյուռքում և
մեզանում գրված-հրատարակված գրքույկ-
ների ու հոդվածների մասին խոսելիս, Կ.
Դալլաքյանը ինքն անձամբ է պատասխա-
նում այս հարցին:

«Այդ բոլորը,—ասում է հեղինակը,—
այնուամենայնիվ, փարսախաներով հեռու է
բավարար լինելուց: Հայ ժողովրդի շահե-
րին մինչև վերջ նվիրաբերած կյանքի,
գարմանք ու հիացմունք առաջացնող բազ-
մադյուն տաղանդի, մեր ազգային մշա-
կույթին և, այդ, համաշխարհային մշա-
կույթին մատուցած ծառայությունների դի-
մաց անհրաժեշտ է, որ առաջին հերթին
հայ ընթերցողը բազմակողմանի ու խոր
ճանաչի Արշակ Չոպանյանին: Անհատի
պաշտամունքի ջրջանի կրքերը ստիպողա-
կան մոռացության քսանամյա բացատ ձգե-
ցին մեր հիշողության մեջ, որի ընթացքում
նոր սերունդը պատեհություն չունեցավ
ճանաչելու Արշակ Չոպանյանին»: «Զեռ-
նարկելով սույն ուսումնասիրությանը,—
շարունակում է հեղինակը,—մեր նպատա-
կըն է եղել ջանալ ինչ-որ չափով լրացնե-
լու այդ բացը: Ասում ենք, ինչ-որ չափով,

ոչ թե պատշաճ համեստությունը պահպանած լինելու համար, այլ որովհետև Չոպանյանի գործունեությունը սահման չհամաչող նյութ է հայտաբերում հետազոտողի համար»:

Մեքքերվաճը և աշխատության յուրաքանչյուր էջի ուշադիր ընթերցումը մեզ վերջնականապես բերում են այն համոզման, որ հեղինակի համար այս «քաղցր լուծն» իր ուսերին վերցնելու հիմնական շարժառիթ են հանդիսացել Ա. Չոպանյանի կյանքի ու գործի նկատմամբ երախտագիտության ու պատկառանքի զգացումը, մեր հիշողության և հայ մշակույթի պատմության մեջ հանիրավի առաջացած բացը վերացնելու ցանկությունը, ինչպես նաև մեր մեծ երախտավորի նկատմամբ արդարությունը հաստատագրելու ներքին ազնիվ մղումը:

Հավաստենք ու հաստատագրենք մեր հերթին, որ մենագրության հարգարժան հեղինակը գիտական բարձր մակարդակով է կատարել ինքնառաջադրանքը: Պրպտելուսումնասիրելով վիթխարածավալ փաստագրական նյութ և ջուղաբերելով գիտնականի խորաթափանցություն ու կորովի սկզբունքայնություն, հեղինակը բացահայտել է ճշմարտությունը Ա. Չոպանյանի մասին. «Ասես վերածնության դարաշրջանի գործիչ լինի իր կարողությունների համապարփակությամբ ու հետաքրքրությունների անապատությամբ, և էությանը՝ մեր պատմության վերջին հարյուրամյակի ծրնունդն էր, որ պողաբերեց առատ, անհատում՝ միշտ դարին ու ժողովրդին կապված բոլոր նյարդերով, սրտով ու մտքով, նրա բարձր ու հիմնական շահերի ջերմ պաշտպանն ու արտահայտիչը եղավ դառն ու դժվարին ազատագրական պայքարի ուղիներում»: «Հենվելով իր անխորդների կատարած գործի վրա, շարունակում է գիտնականը, —բայց սկսելով գրեթե նորից և գրեթե միայնակ, Արևմտյան Եվրոպայի քաղաքակիրթ ազգերի հայացքի առջև բարձրացրեց հայկական քաղաքակրթության մի ամբողջ լեռ (Étude sur Grégoire de Narek, Poèmes arméniens anciens et modernes, Chants populaires arméniens, Les Trouverès arméniens, La Roseate d'Arménie) և մի բուռ կարեկցանք չէ, այլ հպարտությամբ պահանջեց ըստ արժանվույն հիացմունք ու խոնարհում՝ իր ժողովրդի վեհ մշակույթի հանդեպ»:

«Պրպտող ու խանդող միտքը սիրառատ սրտի թելադրանքով մեր իսկ մշակույթի

ընդերքում պեղեց վեր հանեց փոշիներից ու խեց մոռացման գրկից հայ միջնադարյան քնարերգության մի ամբողջ շարք գազարներ՝ Նարեկացի, Բուշակ, Ֆրիկ, Կոստանդին Երզնկացի, Նաղաշ Հովնաթան և ուրիշներ»:

Ահա թե ինչու վաղուց և բոլորի կողմից անհամբերությամբ սպասված աշխատություն էր Կ. Դավաթյանի «Արշակ Չոպանյան» մենագրությունը: Երբ մեկ շնչով կարդացինք ու ավարտեցինք այն, մեր առաջին մտածումն ու գնահատանքը ձուլվեց կաղապարվեց Պարույր Սևակի իմաստուն պատկերի մեջ՝ «Արշակ Չոպանյանը ափի մեջ»: Արդարև, տարողունակ ու հմուտ «ափ», որ կարողացել է վեր պարզել ու բոլոր կողմերից տեսանելի դարձնել բանաստեղծ, արձակագիր, խմբագիր ու լրագրող, հայ և համաշխարհային մշակույթների բարձրակարգ թարգմանիչ ու մուսնտիկ, գրականագետ ու տեսաբան և քաղաքական ու հասարակական գործիչ Արշակ Չոպանյանի վիթխարի կերպարը, որ, ըստ գիտնականի՝ «...մի ամբողջ հանրագիտարան, որ բոլոր այդ ասպարեզներում բարձրացել է վեր՝ իր բազմաշերտ տաղանդի արգասիքը սփռելով ամենուր»:

Նշենք ուրեմն, որ ապշեցուցիչ լինելու աստիճան լայն են աշխատության ընդգրկման սահմանները. այն ներառում է ոչ միայն Ա. Չոպանյանի 82 տարիների (1872—1954) մեղվաջանորեն բեղմնավոր կյանքն ու համարյա 70-ամյա բազմաճյուղ գործունեությունը, այլև տվյալ հարյուրամյակի հայ հասարակական-քաղաքական, գրական ու մշակութային կյանքի պատմությունը իր բախտորոշ իրադարձություններով, ճիգ ու ջանքով, դժվար պայքարով, հույսերով ու հուսախաբություններով, որոնք հմտորեն մատուցվել են աշխատության մեջ՝ համիդյան ռեակցիայի տարիներին, արևմտահայ 80-ականները, հասարակական գործունեության սկիզբը Փարիզում, «Անահիտի» ծրագիրը, հետադարձ հայացք հայ ժողովրդի ազգային-ազատագրական պայքարի ուղու վրա, դարասկզբի միջազգային հարաբերությունների գնահատականը և Չոպանյանի հայացքները ազգային-հասարակական պայքարի հետագա ուղիների վերաբերյալ, հայ մշակույթի տարածումը Եվրոպայում, առաջին համաշխարհային պատերազմի տարիներին, նոր ճանապարհի սկզբին, շրջադարձ դեպի Սովետական Հայաստան, Սովետական Հայաստանի անկեղծ բարեկամը և այլ բաժիններում ու գլուխներում:

Աշխատության արժանիքների ու ձեռք-

բերումների որպես ամրապեղ հենք ընդգրծեմը մասն փաստագրական նյութի փառատությունը: Եվ իրոք որ պրպտված, ճշգրտված, համակարգված, օգտագործված ու իմաստավորված է անհամար փաստագրական նյութ՝ քաղված հարյուրավոր գրքերից, պարբերականներից, թերթերից, մամուլներից, հուշագրություններից, պաշտոնական գրություններից ու զեկուցագրերից՝ հայերեն, ֆրանսերեն, ռուսերեն, անգլերեն և այլ լեզուներով: Նշենք, որ դրանց մի կարևոր մասը գիտական շրջանառության մեջ է մտցվում առաջին անգամ, և որոնց մեջ քիչ չեն այնպիսիք, որ կարևոր և նշանակալից են ոչ միայն Ա. Չոպանյանի կյանքի ու գործի, այլև հայ ժողովրդի այդ շրջանի պատմության համար: Բերենք միայն մեկ օրինակ.

«Օրոր» թերթում հրատարակված մի հեռագրից տեղեկանալով, թե Էնիս փաշան Այնթապի շրջանում նոր ջարդեր է մտմբտում, Ա. Չոպանյանը հրապարակային դիմում է կատարում Ֆրանսիայի արտաքին գործերի մինիստր Դեյքասիեին՝ խնդրելով միջամտել և կանխել սպանողը: Չոպանյանի իսկ խնդրանքով կատարությանը դիմումներ են կատարում մասն ֆրանկո-հայկական միության անդամներ Բեռնարը, Լավիսը, Շարմիթանը: Կառավարությունը երեք ռազմաճակատ է ուղարկում Միջերկրականի արևելյան ափերը «սովորական պտույտի», որոնք այցելում են Մերսին մավահանգիստը: Նախատեսվող սպանող տեղի չի ունենում» (էջ 295): Նույնաման հուզիչ ու խոսուն փաստեր չեն մասն 1915 թվականին, ի պատասխան Չոպանյանի անձնական դիմումի, Իսպանիայի Ալֆոնս 13-րդ թագավորի գործադրած ջանքերը Դ. Վարոժանի և ձերբակալված մյուս հայ նշանավոր մտավորականների փրկության համար: Կամ՝ հայկական հարցի մասին Գրիգոր Զոհրապի Marcel Léart կեղծանունով գրած և խիստ գաղտնի Ա. Չոպանյանին ուղարկած «La question arménienne à la lumière des documents» աշխատությունը հրատարակելու և տարածելու պատմությունը և այլն:

Եվ փաստական նյութի լայնահուն պղ հոսքի մեջ հեղինակը չի մոռացել ոչ մի այնպիսի փաստ, որ կարող էր պիտանի լինել Չոպանյան մարդու, ստեղծագործողի ու գործչի կերպարի ըստ ամենայնի բացահայտման համար: Ահա թե որտեղ պետք է փնտրել պատասխանը այն հարցի, թե ինչու մեծածավալ այս աշխատությունը իր կարևոր բոլոր դատողությունների, մեկնությունների ու եզրահանգումների

ների մեջ հավաստի է, համոզվեր, նույնիսկ այն դեպքերում, երբ խոսքը վերաբերում է Չոպանյանի կյանքի ու գործի տարակարծություններ ու վեճեր հարուցած երևույթների մասին: Հետագային Չոպանյանի կյանքն ու գործը ուսումնասիրող հեղինակները, անկասկած, երախտապարտ պիտի լինեն արգո գիտնականին մասն այս տեսակետից:

Իսկ, այնուամենայնիվ, ի՞նչն է կազմում աշխատության հարգանք պարտադրող գիտականության հիմքը, ի՞նչի՞ վրա է խորհված այն: Կարճ ասած՝ պարբերացման ճիշտ սկզբունք և իրացման արդյունավետ մեթոդ, ահա այդ հիմքը: Աշխատության ընդգրկած ամբողջ ժամանակաշրջանը (1872—1954 թթ.) գրականագետը համապատասխան հատվածների է բաժանել՝ ելնելով Ա. Չոպանյանի գործունեության հիմնական փուլերից, որոնց հիմքում ընկած են հայ ժողովրդի արևմտյան հատվածի պատմության կարևոր իրադարձությունները: Հետևաբար հեղինակը անհրաժեշտ է համարել պարբերացման յուրաքանչյուր հատվածի բովանդակության էական կողմերը բացահայտել «Չոպանյանի կյանքի և գործունեության շարադրանքին միաձուլ, որով պիտի ջանանք առավել լրիվ արտացոլել Չոպանյանի հայացքների էվոլյուցիան թե՛ հասարակական, քաղաքական և ազգային-ազատագրական պայքարի խնդիրների և թե՛ գրական-մշակութային հարցերի վերաբերյալ»: Մեր խորին համոզմամբ ճիշտ է վարվել հեղինակը. փոխանակ նյութը ըստ ժանրերի տրոհելու, միավորել-համադրել է ըստ պարբերացման ժամանակի: Անշուշտ որ, վերջինս, որպես շարադրման մեթոդ, ավելի գիտական է և ավելի լայն հնարավորություն է ընձեռել գիտնականին ստեղծելու Չոպանյանի գործունեության, հայացքների, նրա երազների ու ձգտումների կապակից, չընդհատվող ոսկեշղթան, նրա սխրանքներով լի կյանքի սույն գիտական դյուցազնավեպը, նրա վիթխարի կերպարի հստակ, անշփոթ ընթերցվող սույն հուշարձանը:

Եվս մի հարցադրում. աշխատության հեղինակը Ա. Չոպանյանի կյանքն ու գործը այնքան համապարփակ ուսումնասիրելուց, ճանաչելուց ու գնահատելուց հետո ի՞նչ տեղ ու դեր է հատկացրել նրան մեր մշակույթի և հասարակական-քաղաքական պատմության «հոլովություն»: Այս մակարդակի հարցադրումն անգամ պատվաբեր է ուզածը անհատ մարդու համար, բայց արգո հեղինակը ավելի առաջ է գնում: Նա Ա. Չոպանյանին պատվո տեղ է հատկաց-

նում Խ. Աբովյանով բացված գրական, մշակութային ու քաղաքական նոր լուսավոր ճանապարհի մեծանուն շարունակողների՝ Մ. Նալբանդյանի, Հ. Սվաճյանի, Գ. Սրվանձադյանի, Հ. Պարոնյանի, Հ. Թումանյանի, Կոմիտասի, Թ. Թորամանյանի, Գ. Հովսեփյանի և այլոց կողքին: Ցույց տալուց հետո, որ Չոպանյանը իր ապրած հարյուրամյակի հասարակական-քաղաքական բոլոր ու ամեն տեսակ վերընդվալումների մեջ մնաց նվիրվելու, ծառայելու միշտ պատրաստակամ, հավատարմոր ու լավատես մեծ հայրենասերը, Կ. Դավաքյանը շարունակում է. «Ա. Չոպանյանը եղավ մայր հայրենիքի ամենամեծ ու նվիրյալ բարեկամներից մեկը, իր բարձր հեղինակությամբ, անխորտակելի կամքով, անսպառ եռանդով իր ետևից տանելով ըսփյուռքահայության մեծ զանգվածներին, նրանց հայացքը զամելով Սովետական Հայաստանին, որպես «աղբյուրը լույսի» (էջ 478):

Սպառեցինք մեզ հատկացված ծավալը, բայց ոչ մեր ասելիքը այս հիմնարար աշխատության արժանիքների ու ձեռքբերումների մասին: Մենք կուզենայինք ասել

նաև, որ աշխատությունը մի յուրօրինակ ազատ բեմ է հանդիսացել Ա. Չոպանյանի գիտական ու գեղագիտական, ինչպես նաև հասարակական-քաղաքական հայացքների, սկզբունքների ու տեսակետների համար, որոնք նույն մենագրության ճանապարհով մտնելով հայ գրականության ու մշակույթի պատմության ընթացքի մեջ, կօգնեն մեզ լավագույնս լուսաբանելու ժամանակակից շատ խնդիրներ: Այո, շատ կուզենայինք խոսել աշխատության գիտական սեղմ ու դիպուկ, բարձրակարգ հայերենի մասին, որ երբեմն նյութի «ճնշման» տակ կարողանում է դառնալ հուզական, պատկերավոր ու հնչել:

Աշխատության մեր չնշած արժանիքների ու ձեռքբերումների մեծ տոկոսից արդյո՞ք որևէ բան զեղչած կլինենք, եթե հայտնենք, որ «Արշակ Չոպանյան» մենագրությունը իր թեմայի առաջին և հնարավոր ամենամոտիկ համարժեքն է, ցարդ գրված բոլոր աշխատությունների մեջ: Այն ամրանիստ մի հիմնաքար է, որի վրա կարող է վստահորեն բարձրանալ չոպանյանագիտության ապագա մեծ շենքը իր բոլոր հարկ ու բաժիններով:



«ЭЧМИАДЗИН»
ОФИЦИАЛЬНЫЙ ЖУРНАЛ ЭЧМИАДЗИНСКОГО КАТОЛИКОСАТА
(АПРЕЛЬ 1987 г.)

1. Пасхальная проповедь Его Святейшества Католикоса Всех Армян Вазгена I в кафедральном соборе св. Эчмиадзина, 19 апреля 1987 г. (стр. 3—5).

2. Обмен приветственными телеграммами и посланиями между Его Святейшеством Верховным Патриархом-Католикосом Всех Армян Вазгеном I и предстоятелями сестер Церквей по случаю святого праздника Воскресения Спасителя (стр. 6—8).

3. Поздравительное послание Его Святейшества Католикоса Вазгена I трем Первосвященным Престолам Армянской Церкви, епархиальным предводителям и церковным общинам по случаю праздника Святого Воскресения Спасителя (стр. 9).

4. Патриаршие приветственные послания собраниям духовенства и делегатов армянских церковных общин США и Канады (стр. 10—15).

5. Телеграмма Его Святейшества Католикоса Вазгена I председателю Благотворительного (Барегордакан) Общества зарубежных армян Алеку Манукяну и поступивший на нее ответ (стр. 16).

6. Священник Аветис Даниелян—Его Святейшество Католикос Вазген I в кафедральном соборе св. Саргиса в Ереване, 3 апреля 1987 г. (стр. 17—20).

7. Встреча Его Святейшества Католикоса Вазгена I с иностранными журналистами, аккредитованными в СССР, 28 апреля 1987 г. (стр. 21).

8. Праздник Святого Воскресения в Первопрестольном Святом Эчмиадзине, 19 апреля 1987 г. (стр. 22).

9. Нерсес Ванакан—Духовные размышления о великом посте (стихотворение)—(стр. 23—24).

10. Годовщина армянского геноцида в Первопрестольном, 24 апреля 1987 г. (стр. 25—27).

11. Празднование 35-летия со дня хиротонии Его Высокопреосвященства архиепископа Ваче Овсепяна—предводителя западной епархии Армянской Церкви в США (стр. 28—30).

12. Церковная хроника, новости. Литургии, проповеди и описание других торжеств в Первопрестольном Святом Эчмиадзине в апреле месяце 1987 г. (стр. 31—32).

13. Информационное сообщение канцелярии Первопрестольного Святого Эчмиадзина о расстрижении священника монастыря св. Гаяне Тер-Ншана Бейлеряна, 14 апреля 1987 г. (стр. 33).

14. Проповедь Его Высокопреосвященства архиепископа Завена Чинчиняна, предводителя армянской церковной епархии Египта, в кафедральном соборе Святого Эчмиадзина, 8 марта 1987 г. (стр. 34—36).

15. Проповедь Его Высокопреосвященства архиепископа Нерсеса Позапалаяна в кафедральном соборе Святого Эчмиадзина, 18 апреля 1987 г. (стр. 37—38).

16. Проповедь иеромонаха Комитаса Овнаняна в кафедральном соборе Святого Эчмиадзина, 26 апреля 1987 г. (стр. 41—43).

17. Проповедь иеромонаха Абея Оглукиана в кафедральном соборе Святого Эчмиадзина, 16 апреля 1987 г. (стр. 41—43).

18. Священник Норайр Багдасарян—Новости Араратской Патриаршей епархии (стр. 44—46).


19. Открытие родника-памятника в церкви св. Шогакат города Эчмиадзина, 24 апреля 1987 г. (стр. 47—48).

20. О предании праха госпожи Астхик Кюркчян земле на Родине (стр. 49—50).

21. Новости из Москвы (стр. 51).


22. Сандро Бейбудян—Карпет Езянц (исследование)—(стр. 52—57).

23. Саргис Япуджян—Фундаментальный труд (рецензия)—(стр. 58—61).



"ETCHMIADZIN"
OFFICIAL MONTHLY OF HOLY ETCHMIADZIN
(APRIL 1987)

1. The Sermon of His Holiness Vasken I, the Catholicos of All Armenians, given in the cathedral of Holy Etchmiadzin, during the feast of Easter, 19th April 1987 (pp. 3—5).
2. The cables and letters of greeting exchanged between His Holiness Vasken I, the Supreme Patriarch and Catholicos of All Armenians, and the spiritual heads of the Sister Churches, on the occasion of the feast of Holy Resurrection (pp. 6—8).
3. The congratulatory letters of His Holiness to the three hierarchical Sees of the Armenian Church, all the diocesan prelates and church communities, on the occasion of the feast of Holy Resurrection (p. 9).
4. Messages of greeting of His Holiness addressed to the clergymen's and deputational meetings of U.S.A. and Canada (pp. 10—15).
5. The cable of His Holiness to Mr. Alex Manookian, the president of the Armenian General Benevolent Union. The answer of the cable (p. 16).
6. Father Avedis Danielian—His Holiness in the Saint Sarkis church of Yerevan, 3rd April 1987 (pp. 17—20).
7. Reception given by His Holiness to the journalists of abroad credited in the Soviet Union, 28th April 1987 (p. 21).
8. The celebration of the feast of Christ's glorious Holy Resurrection in the Holy See, 19th April 1987 (p. 22).
9. Nerses Vanakan—Spiritual meditations on the occasion of Lent (poem)—(pp. 23—24).
10. Commemoration of the 72nd anniversary of the Armenian Genocide in the Holy See, 24th April 1987 (pp. 25—27).
11. Festivities in Los Angeles on the occasion of the 35th anniversary of the sacerdotal ordination of Archbishop Vatche Hovsepian, the prelate of the western diocese of U.S.A. (pp. 28—30).
12. Divine liturgy services and sermons delivered in the Holy Cathedral and description of church festivities in the Holy See during the month of April (pp. 31—32).
13. The declaration of Holy See's Chancellory concerning the decision of His Holiness to defrock Neshan Beylerian, priest of the monastery St. Gayaneh, 14th April 1987 (p. 33).
14. The sermon of Archbishop Zaven Tchintchian, the prelate of the Armenians of Egypt, in the Holy Cathedral of St. Etchmiadzin, 8th March 1987 (pp. 34—36).
15. The sermon of Archbishop Nerses Bozaballian in the Holy Cathedral, 18th April 1987 (pp. 37—38).
16. The sermon of Reverend Komitas Hovnanian in the Holy Cathedral, 26th April 1987 (pp. 39—40).
17. The sermon of Reverend Abel Oghlookian in the Holy Cathedral, 16th April 1987 (pp. 41—43).
18. Father Norayr Baghdassarian—News from the Patriarchal diocese of Ararat (p. 44—46).
19. Inauguration of the monument-fountain close to the church of Holy Shoghagath of Etchmiadzin, 24th April 1987 (pp. 47—48).
20. Transfer of the box of ashes of Mrs. Asghik Kurkjian, benefactor of Holy Etchmiadzin, to the Fatherland, 20th April 1987 (pp. 49—50).
21. News from Moscow (p. 51).
22. Sandro Behbootian—Karabet Yeziantz (study)—(pp. 52—57).
23. Sarkis Yapoodjian—A fundamental monographical book (literary critic)—(pp. 58—61).



„ETCHMIADZINE“
ORGANE OFFICIEL DU SAINT-SIEGE D'ETCHMIADZINE
(AVRIL 1987)

1. Homélie de Sa Sainteté Vasken Ier prononcée le 19 avril 1987 dans la cathédrale de Saint-Etchmiadzine à l'occasion de la sainte fête de Pâques (pp. 3—5).

2. Echange de télégrammes et de lettres de félicitations entre Sa Sainteté Vasken Ier et les chefs spirituels des Eglises sœurs à l'occasion de la fête de la sainte Résurrection de notre Seigneur Jésus-Christ (pp. 6—8).

3. Lettres de félicitations de Sa Sainteté aux chefs des trois sièges hiérarchiques, aux prélats diocésains et aux communautés religieuses de l'Eglise apostolique arménienne à l'occasion de la fête pascale (p. 9).

4. Messages de bénédiction de Sa Sainteté adressés aux conférences des délégués (religieux et laïcs) des diocèses arméniens des Etats Unis et du Canada (pp. 10—15).

5. Télégramme de Sa Sainteté adressé à Monsieur Alex Manoukian, président de l'Union Générale Arménienne de Bienfaisance. Réponse du télégramme (p. 16).

6. Père Avétis Daniélian—La visite de Sa Sainteté à l'église métropolitaine St. Sarkis d'Erévan (3 avril 1987)—(pp. 17—20).

7. Audience accordée par Sa Sainteté aux journalistes étrangers accrédités en Union Soviétique (19 avril 1987)—(p. 21).

8. La fête de la Résurrection au Saint-Siège d'Etchmiadzine (19 avril 1987)—(p. 22).

9. Nersès Vanakan—„Méditations spirituelles à l'occasion du saint temps de carême“ (poème)—(pp. 23—24).

10. Commémoration du 72e anniversaire du génocide arménien de 1915 au Saint-Siège d'Etchmiadzine (24 avril 1987)—(pp. 25—27).

11. Festivités organisées à Los Angeles à l'occasion du 35e anniversaire de l'ordination sacerdotale de l'archevêque Vatché Hovsépian, prélat

du diocèse des Arméniens des Etats Unis (région occidentale)—(pp. 28—30).

12. Brèves informations concernant la célébration des saintes fêtes, les sermons prononcés à cette occasion et d'autres cérémonies religieuses qui ont eu lieu dans la cathédrale de Saint-Etchmiadzine au cours du mois d'avril 1987 (pp. 31—32).

13. Déclaration du 14 avril 1987 de la Chancellerie du Saint-Siège d'Etchmiadzine concernant la décision de Sa Sainteté Vasken Ier pour défroquer le Père Nechan Beylerian, prêtre du monastère de Ste Gaïanée (p. 33).

14. Sermon de l'archevêque Zaven Tchintchinian prélat du diocèse des Arméniens d'Egypte, prononcé le 8 mars 1987 dans la cathédrale de Saint-Etchmiadzine (pp. 34—36).

15. Sermon de l'archevêque Nersès Bozaballan prononcé le 18 avril 1987 dans la cathédrale de Saint-Etchmiadzine (pp. 37—38).

16. Sermon du Père Komitas Hovnanian prononcé le 26 avril 1987 dans la cathédrale de Saint-Etchmiadzine (pp. 39—40).

17. Sermon du Père Abel Oghloulkian prononcé le 16 avril 1987 dans la cathédrale de Saint-Etchmiadzine (pp. 41—43).

18. Père Norair Baghdassarian—Nouvelles du diocèse d'Ararat (pp. 44—46).

19. Inauguration du monument-fontaine érigé dans la cour de l'église St. Choghakat de la ville d'Etchmiadzine (24 avril 1977)—(pp. 47—48).

20. Transfert de l'urne cinéraire de Mme. Astghik Kurkjian, bienfaitrice du Saint-Siège d'Etchmiadzine, à la Mère patrie (pp. 49—50).

21. Nouvelles de Moscou (p. 51).

22. Sandro Behboudian—Karapet Yeziantz (étude)—(pp. 52—57).

23. Sarkis Yapoudjian—Un ouvrage monographique fondamental (compte rendu)—(pp. 58—61).



ԲՈՎԱՆԴԱԿՈՒԹՅՈՒՆ

Ամենայն Հայոց կաթողիկոս Ս. Տ. Վազգէն Ա Հայրապետի զատկական քարոզը՝ արտասանուած Սուրբ Էջմիածնի Մայր տաճարում	8
Փրկչի հրաշափառ Սուրբ Հարության տոնի առթիվ Ամենայն Հայոց Ծայրագույն Պատրիարք և կաթողիկոս, Նորին Սուրբ Օծություն Ս. Տ. Վազգէն Ա Հայրապետի և քույր եկեղեցիների հոգևոր պետերի միջև փոխանակված ողջույնի հետագրերն ու գրությունները	6
Ամենայն Հայոց Վեհափառ Հայրապետի շնորհավորական գիրը Փրկչի հրաշափառ Սուրբ Հարության տոնի առթիվ՝ ողղված Հայաստանյայց եկեղեցու նվիրապետական երեք Աթոռներին, թեմակալ քոյր առաջնորդներին և եկեղեցական համայնքներին	9
Հայրապետական ողջույններ ԱՄՆ-ի և Կանադայի հոգևորականաց և պատգամավորական ժողովներին	10
Ամենայն Հայոց Վեհափառ Հայրապետի հետագիրը ՀԲԸՄ-ի նախագահ Ալեք Մանուկյանին	16
ՀԲԸՄ-ի նախագահ Ալեք Մանուկյանի պատասխան հետագիրը	16
ԱՎԵՏԻՍ ԲԷՆ. ԴԱՆԻԵԼՅԱՆ—Վեհափառ Հայրապետը Երևանի առաջնորդահատ Ս. Սարգիս եկեղեցում	17
Վեհափառ Հայրապետի հանդիպումը Խորհրդային Միությունում հավատարմագրված արտասանմանցի լրագրողների հետ	21
Սուրբ Հարության տոնը Մայր Աթոռում	22
ՆԵՐՍԵՍ ՎԱՆԱԿԱՆ—Հոգևոր խոհեր Մեծ պահոց առթիվ	23
Մեծ եղեռնի տարելիցը Մայր Աթոռում	25
Ամերիկայի Միացեալ Նահանգաց արևմտեան թեմի քարեխնամ առաջնորդ գերաշնորհ Ս. Վաչէ արքեպիսկոպոս Յովսէփեանի քահանայական ձեռնադրութեան 85-ամեակի տօնախմբություններ	28
ՄԱՅՐ ԱԹՈՒՌՈՒՄ—Եկեղեցական քեմ. լուրեր	31
Ծանուցում	33
Եգիպտոսի հայոց առաջնորդ Ս. Զավեն արքեպս. Զինչիմյանի քարոզը Մայր տաճարում	34
ՆԵՐՍԵՍ ԱՐԺԵՊԻՍԿՈՊՈՍ ՊՈԶԱՊԱՆՅԱՆ—Քարոզ	37
ԿՈՄԻՏԱՍ ԱՐԵՂԱ ՀՈՎՆԱՆՅԱՆ—Քարոզ	39
ԱՐԵՆ ԱՐԵՂԱ ՕՂԼՈՒԳՅԱՆ—Քարոզ	41
ՆՈՐԱՅՐ ՔԱՀԱՆԱ ԲԱՂԴԱՍԱՐՅԱՆ—Արարատյան հայրապետական թեմում	44
Աղբյուր-հուշարձանի բացում Ս. Ծողակաթ եկեղեցում	47
Տիկին Աստղիկ Գյուրքչյանի աճյունատուփը Մայր Հայրենիքում	49
Լուրեր Մոսկվայից	51
ՍԱՆԴՐՈՒ ԲԵՀԲՈՒԴՅԱՆ—Կարապետ Եղյանց	52
ՍԱՐԳԻՍ ՅԱՓՈՒԶՅԱՆ—Հիմնարար աշխատություն	58
«Эчмиадзин» официальный журнал Эчмиадзинского Католикосата	62
«Etchmiadzin» official monthly of Holy Etchmiadzin	63
«Etchmiadzine» organe officiel du Saint-Siege d'Etchmiadzine	64

ԽՄԲԱԳՐՈՒԹՅԱՆ ՀԱՍՑԵՆ

ՀԱՅԿԱԿԱՆ ՍՍՀ, ԷՋՄԻԱԾԻՆ «ԷՋՄԻԱԾԻՆ» ԱՄՄԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».
Rédaction de la revue «Etchmiadzine», Etchmiadzine. Arménie, URSS

Հանձնված է արտադրության 14.04.1987 թ.: Ստորագրված է տպագրության 25.05.1987 թ.:
Տպագրական 4 մամուլ+8 ներդիր, թուղթ՝ 60×84/8, պատվեր 664:

Մայր Աթոռ Ս. Էջմիածնի տպարան, 1987 թ.